

PÂRI TAMÂTA **Kinzi pâri-tamâta nenzi wurâta**

Luka ingere pâri ara nana Yesu Kirisi kâ, ninenga muli ingere pepa nine nana itula wurâta ninde Yesu ne pâri-tamâta siveta lâ zo ninde Yesu itaulo ilâ samba lawea kilo. Yesu munga ionzi tu ma silâ sikura tâno ndoni situla pâri ara (Luka 24:45-49). Luka itapâri nana Petero ne wurâta (1-12) anga Paulo ne wurâta (13-28), aku itapâri nana malia wa nâna kie-kie kinzi sikai ikura mbwera tamâta taitu kanojo sano nana situla pâri ara panzi tamâta simo tâno rârâ. Itula pwataki tu Maro Kindeni ne Koroani Sapâna ivilanzi pâri-tamâta, kala sipile nenzi ruruja ku sikai walo nalae simandi kaika nana situla pâri ara kâ.

Yesu ipa ngua tu ma io Koroani Sapâna imâ

¹ O, Tiopilas, nana munga angere ngua lâ pepa tonje tini, aku lâ pepa mungâna ninde angere ngua nana vetâna rârâni Yesu iveta ku ipanananzi tamâta ninde.

² Mao nâ, nan gere ngua nana vetâna rârâni Yesu iveta lâ nia ndoyo, aku imâ lee ipânga lâ zo ninde Maro Kindeni ikai i kâki ilâ samba ilo. Lâ zoni ndaina Yesu iwae wurâta panzi ne pâri-tamâta ninde munga ikai Koroani Sapâna ne walo ku ipateanzi. Itu ngua panzi lâ, ninenga ikâki samba ilo. ³ Munga, Yesu ikai nâna lee imâte lâ, ninenga imandi imo via kilo ku ipatua panzi ne pâri-tamâta. Aku iveta vetâna pinde rârâ panzi tona, nana ma

sisama i kilala tu imo via nâ. Kinzi pâri-tamâta simora Yesu mbwaninzi pinde lee kari tamâta rua ilâ lâ, aku itula ngua panzi nana Maro Kindeni ne mâsi nana ikai Maro panzi tamâta lâ tâno kulu. ⁴ Zo tonge Yesu imo ndaina kunzi, aku ipainzi tu, “Miki ma kapile Jerusalem ndimo. Kao tinimi nana kelekele ninde Mama ipa ngua tu ma ilami, ikura munga aporo atula pami mine. ⁵ Nana tu Yoane ililinsi tamâta lâ lââ nâ, andeta tini nâ, ninenga Maro Kindeni ma ililimi lâ Koroani Sapâna.”

⁶ Mine kala muli, kinzi pâri-tamâta sipasau simâ taitu, aku sikasona Yesu tu, “Maro Nalae, tiambo lâ zoni naina noko ma kuveta kindi Isrel ngu takai poe panzi ngu pinde kilo, tiya?”

⁷ Andeta Yesu iporo taulo tu, “Nine nde miki nemi kelekele tia. Maro Kindeni tamwata ipatea zo pinde lâ, andeta miki ma kakura tu kasama ninde, ande tia. ⁸ Andeta muli nga Koroani Sapâna ma imâ pami, aku lâ zoni ndaina miki ma kakai walo nalae ninde, aku ma katula nana parinangu lâ Jerusalem lawea, anga lâ Judia tâno, anga lâ Samaria tâno, anga ilâ lee ikura tâno ndoni.”

Yesu ikâki samba ilo

Malaka 16:19-20, Luka 24:50-53

⁹ Yesu iporo ngua nine lâ, ninenga Maro Kindeni ikai i kâki pa samba ilo lâ kinzi pâri-tamâta naonzi. Ikâki lee take-take tonge itura i lâ, aku simora i kilo tia. ¹⁰ Yesu ikâki ilâ, ande kinzi simo matanzi silea kâki pa nia maa. Aku ndainani nâ tamâta rua simâ sipanga ku simandi kunzi, nenzi pasawana pâne. ¹¹ Kinzi rua nde sipainzi pâri-tamâta tu, “Miki Galilaya tamâta, nana sâ kâ nga kamandi ku

matami kalea kâki pa nia maa, a? Kala ñine Maro Kindeni itikia Yesu piti sañemi, ku ikai i kâki ilâ samba ilo. Andeta mwanga nga Yesuni tamwata ma itaulo imâ kilo mine nâ, itogo kala ñine miki kamora ikâki samba ilo mine.”

Kinzi pâri-tamâta sipatea tamâta tonje ñana ikai Judas nia

¹² Ñine nga kinzi pâri-tamâta sipile tuu ñinde, i ña tu Oliv Tuu, aku sitaulo silâ pa Jerusalem lawea kilo. Oliv Tuu ñinde nde ikeno Jerusalem lawea tini laiti (itogo nia mbuku taitu mine). ¹³ Silâ sipâ nga lâ, ñine nga silâ luma tonje ilo ku sikâki silâ luma ilo kisiña pwataki tonje ikeno âta. Kinzi uru simo niani ndaina. Kinzi pâri-tamâta ñinde ñanzi nde mine: Petero, a nga Yoane, nga Yamesi, nga Andaria, nga Pilip, nga Tomas, nga Bartolomyu, nga Matai, nga Yamesi i Alfius natu, nga Saimon Selot, nga Judas i Yamesi nuwaka natu. ¹⁴ Kinzi pâri-tamâta ñinde sio ilonzi ilâ taitu, aku ikura zo zo kinzi rârâni sikai noña simo luma ñinde. Aku taine pinde wa Yesu tina Maria uru simo kunzi tona, sitavanzi Yesu tai kinzi.

¹⁵ Aku zo tonje, kinzi kalo-tawana tamâta rârâni sipasau lâ nia ñinde, kambwanjenzi ikura tamâta ñalae taitu kanaño tamâta taitu (120). Ñine nga Petero imandi naonzi ku iporo tu, ¹⁶ “Ñingu-nambwe wukale, naporo ngua tini pami ñana Judas Iskariot kâ, ina mu nga itula nzâla panzi kazâña tamâta kala mbaunzi ilâ sikai Yesu kaika. Nanayoni, Koroani Sapâña itula ngua ipâ nga lâ timbunda Daviti kawa, kala Daviti ñingere ngua lâ pepa tini ñana ñine kâ. Kala ñine Maro Kindeni kawa ngua ñinde

nde ipânga kanaanjo lâ. ¹⁷ Tamâta njinde munğa imo nğininda ku iveta wurâta kuku kindâ.” ¹⁸ (Judas ikai ne vetâna soki ne kulu, njineŋga iko tâno tonje. Iko lâ nğa, njineŋga i pata ndue tânoni ndaina, ku kapwa ipwa pwataki, kala kapwa ilo ndoni imaliŋi indue tâno kulu. ¹⁹ Aku muli nğa tamâta ndoni simo Jerusalem lawea nde ilonzi kalonzi ipânga nana vetâna njinde kâ. Mine kala sipatu nia njinde na lâ nenzi nğua tu ‘Akeldama’. Njoa njine nde duvi mine tu ‘Tâno See’.)

²⁰ Njineŋga Petero iporo tu, “Kinzi munğa siŋgere nğua lâ wâŋgiŋa paneâna kâ ne pepa tini mine tu, ‘Nana ilongu tu i ne luma ma ikeno kaa nâ, tamâta tonje tia.’

Aku siŋgere nğua tonje kilo tu,
‘Nana ilongu tu tamâta tonje ma ikai i nia.’

²¹ Mine nde kindâ ma tapatea nawalânda tamâta tonje munğa imo kuku kindâ ikura zo rârâni Maro Njalae Yesu iyoka ku kindâ talâ wa tamâ wa. ²² Ara nana tamâta njinde munğa imo ku kindâ lâ zo njinde Yoane Lââ-Liliŋa Tamwata iveta wurâta nana ilil-inzi tamâta, aku imo lee ipânga lâ zo njinde Maro Kindeni itikia Yesu piti saŋe kindâ ku ikai i kâki samba ilo. Ambo tamâta tonje imora vetâna njinde ndoni, ande kindâ ma takura tu tapatea i nana iveta wurâta kuku kindâ nana tatula nğua pwataki tu Yesu imandi sânda imo via nâ.”

²³ Petero iporo mine lâ, njineŋga sipateanzi tamâta rua. Tamâta tonje nde Yosepe, i na tonje Basabas, anğa na tonje nde Jastus. Anğa tamâta tonje nde Mataias. ²⁴ Njineŋga sikai noŋa tu, “Maro Njalae, noko kusama tamâta ndoni ilonzi. Mine kala kutula pama tu noko munğa kupatea tamâta

ea lâ tamâta rua ñine, ²⁵ ñana ikai pâri-tamâta ne wurâta, wurâta ñinde muŋga Judas ipile ku ilâ pa mateña nianzi, i tamwata ne nia sondo ñinde.”
²⁶ Sikai noña mine lâ, ñineŋga sitambira mira ñana tamâta pateâña kâ, aku Mataias ne mira ipânga muŋga lâ. Mine kala sio Mataias ilâ kunzi pâri-tamâta saŋao kanaanjo taitu.

2

Koroani Sapâña indue imâ

Yoane 7:37-39

¹ Juda nenzi kumbwa ñalae Pentikos nde imâ ipânga lâ, aku kalo-tawana tamâta rârâni nde sipasau simo luma tonje ilo. ² Sisaŋona simo luma ñinde ilo, ñineŋga walele nâ nduñeña ñalae itogo lawea kaika mine nde iyoka pa samba indue imâ isala luma ñinde ilo ndoni. ³ Ñineŋga simora kekeleke tonje itogo yââ ne mela-mela mine ipânga ku ipwa pwapwataki imâ ikeno kinzi rârâni taitu-taitu kulunzi. ⁴ Aku Koroani Sapâña ipipi lâ kinzi kalo-tawana tamâta rârâni ilonzi ku iveta kalo-ŋgere panzi, kala simandi siporo lawea pinde nenzi ñgua kaña piti piti.

⁵ Lâ zo ñinde, Juda ñgu tamâta rârâ nde soka lombo simâ kala simo Jerusalem lawea. Kinzi soka pa lawea lawea lâ tâno ndoni simâ ñana siwawa Maro Kindeni kâ. ⁶ Tamâta ñgu ñinde nde siloŋo nduñeña ñinde, kala kinzi rârâ ñinde simâ sipasau lâ niani ndaina. Ñineŋga kinzi taitu-taitu siloŋonzi kalo-tawana tamâta siporo kinzi tamâta lombo warakanzi nenzi ñgua sondo, aku wisinzi motu. ⁷ Wisinzi motutu lâ, aku siporo tu, “Opopo, kinzi tamâta kala siporo ñgua ñine, ande Galilaya

tâno lawea warakanzi nâ! ⁸ Mine nde mana mana nga kinda talononzi siporo warakânda nenda ngua, a? ⁹ Kinda tamâta kala tamo ñine nde papa tâno piti piti; kinda tamo pa Patia wa Midia wa Ilam wa Mesopotemia wa Judia wa Kapadosia wa Pontus wa Esia wa ¹⁰ Frigia wa Pamfilia wa Isip wa lawea kiri-kiri pinde lâ Libia tâno ikeno Sairini lawea tini laiti wa Rom lawea wa. ¹¹ Mao nâ, kinda pinde nde Juda see, anga pinde nde papa ngu katiñe, andeta tapononzi muli pa Juda nenzi mâsi. Anga kinda pinde nde papa Krit sia wa Arebia tâno wa; andeta kinda rârâni talononzi siporo warakânda nenda ngua kala situla mâsi ñalañala Maro Kindeni iveta ñinde!” ¹² Kinzi rârâni wisinzi motu pâta lâ, aku ilonzi rârâ. Aku sipakasonja warakanzi tu, “Opopo, mâsi ñine nde mana.”

¹³ Andeta pinde siporo ngua pavaligiña mine tu, “Yoo, tamâta ñine sinu waini waseki, kala sidauda!”

Petero itula ngua pwataki

¹⁴ Ninennga Petero imandi kunzi pâri-tamâta sanjo kanojo taitu, ku isarâwa kawa ñalae kâki iporo panzi ngu ñalae ñinde tu, “Ayo, miki nawalângu Juda tamâta wa miki tamâta rârâni ñine kamo Jerusalem lawea, miki katambira tanami, ma naporo pami ñana mâsi ñine ne duvi kâ. ¹⁵ Miki ilomi pateya tu maka kadauda. Andeta tia, ñine nde mboyoy, kari tai lima kanojo ñapa, aku kâña-nuña ne zo nde ipânnga tia yo. ¹⁶ Taitu nanayoni ngua-tulânja tamâta Yole ingere ngua ñana mâsi ñine kâ lâ pepa tini mine tu,

17 ‘Maro Kindeni iporo tu, “Lâ zo muli naŋa ma apaliŋi Koranângu indue imâ panzi tamâta rârâni. Ninenŋa miki natumi taine wa tamâne wa ma situla ŋgua itogo ŋgua-tulâŋa tamâta uru situla mine. Mao nâ, naŋa ma atula mâsi kie-kie panzi natumi tamâne limoa, aŋga nemi tamâta kokonja nde ma simbipole kie-kie rârâ. 18 Aku pa zo ŋinde naŋa ma apaliŋi Koranângu indue imâ panzi nanenŋu wurâta tamâta, kinzi taine wa tamâne wa, ŋana situla naŋa kawângu ŋgua. 19 Naŋa ma aveta mâsi kie-kie ipânga nia maa pa âta wa tâno kulu wa. Mao nâ, see wa yââ tava mundo ŋalae ma ipânga. 20 Naŋa ma aveta kari ipânga mata ŋaŋa, aŋga nzimona mata ma ipânga see. Ninenŋa Maro Ŋalae ne zo ma ipânga, aku i ma imâ tava ne walo kaika wa sinâla ŋalae. 21 Aku tamâta ea kinzi sisarâwa pa Maro Ŋalae tu ivilanzi, ande i ma ikai kinzi ŋinde rârâni taitu-taitu piti lâ kondoma ilo ku ma via mao ilanzi.” ’

Ŋgua-tulâŋa tamâta Yole kala ingere ŋgua ŋine.”

22 Ninenŋa Petero iporo tu, “Miki Isrel ŋgu, kalonjo ŋga; Maro Kindeni iveta vetâŋa ŋalaŋala wa itula mâsi kie-kie ipânga lâ Yesu Nasarete tamwata mbalau. Miki warakami kasama tu Maro Kindeni iveta mâsi ŋalaŋala ŋinde ipânga ŋginimi. Iveta mine ŋana miki ma kasama tu Yesu ikai Maro Kindeni ndamwa kala imâ. 23 Nia ndoyo Maro Kindeni isama lâ ku ipatea tu miki katavanzi tinikoa tamâta pinde ma kapu Yesu lâ kâi popole tini imâte. 24 Andeta ŋinenŋa Maro Kindeni ipaŋo i

lâ mateŋa nianzi imandi sânda imo via kilo. Mao nâ, Maro Kindeni itikia mateŋa ne nâna ndoni piti lâ Yesu tini, ŋana tu mateŋa ne walo ikura ŋana iliko Yesu kaika kâ, ande tia ndo. ²⁵ Kinda timbunda Daviti muŋga iŋgere ŋgua ŋana Yesu kâ lâ pepa tini mine tu,

‘Ikura zo rârâni naŋa apasama tu Maro Kindeni imo tiniŋgu laiti. Mine nde sâ tonje ikura tu iveta ruruŋa pa naŋa, nde tia. ²⁶ Mine kala naŋa ilonŋu ndeka ndo, aku kawâŋgu ndaŋge papa i. I uru ikatona naŋa sondo ndo, kala amo ara nâ. ²⁷ Ŋana tu noko ma kusâu pa mateŋa tu ikai naŋa kaika kâ, ande ma tia. Naŋa uru apono muli sondo pa noko, aku noko ma kupile karaeŋgu isâmbu lâ kuru ilo, ande tia. ²⁸ Noko tamwata kutula nzâla pa naŋa ŋana akai via mao kâ. Noko kumo kuna, kala ndekâŋa nde ipipi ndo lâ ilonŋu.’

Daviti iŋgere ŋgua mine.

²⁹ Niŋgu-nambwe wukale, naŋa asama kala aporo pwataki pami tu timbunda Daviti imâte sikea lâ, aku ne kuru nia ikeno ŋaina lee imâ ikura lâ zo ŋine. ³⁰ Daviti nde ŋgua-tulâŋa tamâta, aku muŋga Maro Kindeni ipa ŋgua kaika kuku i. Daviti isama tu Maro Kindeni ipatu tamwata ŋa ku ipambwâre tu muli ŋga i ma io Daviti ne vâsa tonje ikai i nia ku ipâŋga Koipu Ŋalae, itogo Daviti tamwata mine. ³¹ Daviti isama lâ ŋana vetâŋa Maro Kindeni ma iveta muli, kala itula ŋgua ŋana Kirisi tu i ma imandi sânda imo via kilo. Iporo tu Maro Kindeni ma ipile Kirisi imo mateŋa nianzi nde tia, aku

iporo tu Kirisi karae ma isâmbu tia. ³² Mine nde Maro Kindeni ipaŋo Yesuni imo via kilo. Maka rârâni kamora mâsi ŋalae ŋinde, ande kala kaporo ŋana. ³³ Yesu ikâki samba ilo ku isaŋona tama Maro Kindeni mbau pa wia kâ. Aku Yesu ikai Koroani Sapâŋa, ikura Maro Kindeni ne ŋgua pâŋa mine, kala ipaliŋi Koroani indue imâ lâ, ikura kala ŋine miki kamora wa kaloŋo wa. ³⁴ Ŋana tu Daviti ŋandai ikai karae ilâ samba ilo itogo Yesu mine. Andeta i tamwata iporo mine tu,

‘Maro Ŋalae Kindeni itu ŋgua pa nanenŋu Maro Ŋalae mine tu, “Noko kusaŋona ŋai pa mbaunŋu wia kâ lee, ³⁵ ikura lâ zo ŋinde naŋa ma aonzi noko ne kazâŋa tamâta simo noko kalo.’ ”

³⁶ Mine nde miki Isrel ŋgu, naŋa ilonŋu tu miki ma kasama tu ŋgua ŋine nde mao kanaŋo; Yesu, ina tamâta ŋine miki muŋga kapu lâ kâi popole tini, ande Maro Kindeni io ikai Maro Ŋalae, aku i tamwata nde Kirisi.” Petero iporo ŋgua mine.

Kinzi tamâta rârâ sipalele ilonzi kalonzi ku sikai lââ-liliŋa

³⁷ Kinzi tamâta siloŋo Petero ne ŋgua ŋine, aku ŋgua ŋinde isowe ilonzi marumbu lâ. Mine kala sikasoŋa Petero tavanzi pâri-tamâta pinde mine tu, “Nima-nambwe, aŋga ma ŋine maka ma kaveta mana.” ³⁸ Ŋineŋga Petero ipainzi tu, “Miki rârâni taitu-taitu ma kapalele ilomi kalomi ku kalili pâri ara ne lââ lâ Yesu Kirisi ŋa, aku Maro Kindeni ma izavaru nemi kiesaka piti lâ tinimi. Ambo miki ma kaveta mine, ande Maro Kindeni ma Koroani Sapâŋa ilami itogo wisi-ara mine. ³⁹ Ŋana tu muŋga

nenda Maro Njalae Kindeni ipa ngua tu ma Koroani Sapâña ilua miki wa nemi vâsa wa kinzi tamâta simo pa nia mala-malawae wa. Mao nâ, i ma Koroani Sapâña ilanzi tamâta rârâni isarawanzi njinde.”

⁴⁰ Aku Petero itula ngua rârâ katiŋe panzi tona. Ino kaika panzi mine tu, “Kinzi tamâta kala simo lâ zo njine uru siveta mâsi potomule nâ. Mine kala miki kapakatona sondo nga! Tia ma kapayaula.” ⁴¹ Kinzi tamâta pinde kalonzi tawana Petero ne ngua njinde, kala sikai lâ-liliŋa. Aku lâ karini ndaina Maro Kindeni isenŋenzi tamâta kambwanŋenzi 3000 silâ taitu kunzi kalo-tawana tamâta ngu.

Kinzi kalo-tawana tamâta wasaseki siveta mâsi arando

⁴² Kinzi tamâta njinde nde taŋanzi mwasa nâ, kala sipalongo nâ pa pâri-tamâta nenzi ngua. Aku ikura zo zo kinzi sipasau simâ taitu ŋana sika kâpwa lâ waiŋa sapâña ku sikai noŋa. ⁴³ Aku Maro Kindeni io mâsi kaika kie-kie rârâ ipâŋga lâ kinzi pâri-tamâta mbaunzi. Mine kala tamâta rârâni simege ŋana i kâ. ⁴⁴ Kinzi rârâni sio nenzi kalo-tawana ilâ pa Yesu, kala simo ilonzi kalonzi taitu nâ. Aku kinzi taitu-taitu ilonzi patea tu nenzi mbaliŋa rârâni nde ninzi-nambwe kalo-tawana tamâta rârâni nenzi kelekele tona. ⁴⁵ Mine kala sio nenzi kelekele ilâ panzi tamâta pinde tu siko, njinenŋa siwae mbumbu njinde ilâ panzi kalo-tawana tamâta njinde simo sugorai. ⁴⁶ Ikura kari kari kinzi kalo-tawana tamâta rârâni sio ilonzi lâ taitu, aku sipasau lâ Maro Kindeni ne luma sapâña

ne ngumbi ilo. Kinzi uru sika kâpwa kunzi ninzi-nambwe lâ nenzi luma luma. Ilonzi kalonzi taitu nâ, kala uru sika kâpwa tava ndekânga nâ. ⁴⁷ Ikura zo rârâni kinzi sipanea Maro Kindeni sisuka i nga kâki, aku kinzi tamâta simo niaka njinde nde ilonzi ara nâ panzi. Aku Maro Njalae iveta wurâta ikura zo zo nana ikainzi tamâta pinde piti lâ kondoma ilo, kala isenjenzi kambwanjenzi ilâ taitu kunzi kalo-tawana tamâta ngu.

3

Tamâta tonje kie sakamao ipânga ara

¹ Zo tonje, lâ lala, kari tai nato, ande Petero ku Yoane rua sikâki silâ pa Maro Kindeni ne luma sapânga. Kinzi Juda tamâta uru sikai nonja lâ kari tai ndainani.

² Aku tamâta tonje uru imo niani ndaina, i kie sakamao. I tina muŋga ipagugua ipânga mine. Ikura zo rârâni tamâta njinde ninambwe pinde uru sikai silâ ku sio isaŋona luma sapânga nzâla tonje kawa tini laiti. Nzâla njinde nga tu “Ara Pâta.” Aku tamâta kie sakamao njinde uru isarâwa mbumbu panzi tamâta njinde soka silâ pa luma sapânga.

³ Tamâta kie sakamao njinde mata imoranzi Petero ku Yoane rua simâ nana silâ luma sapânga ilo, kala ikasonjanzi rua tu mbumbu tâ silua. ⁴ Andeta Petero ku Yoane rua matanzi silea papa kaika, ku Petero ipai tu, “Noko mata kumora maka rua sondo.” ⁵ Ninenga tamâta njinde nao kâki panzi rua. Ilo pateo tu kinzi rua ma mbumbu tâ silua.

⁶ Andeta Petero ipai tu, “Nanengu mbumbu tonje keno pana tu ma alano kâ, ande tia. Andeta kelekele tonje ikeno pana, kala njinde atu alano. Lâ

Yesu Kirisi Nasarete tamwata ña, naña apaino tu kumandi sânda ku pwoka!” ⁷ Nñennga Petero isaña tamâta ñinde mbalau pa wia kâ ku igagati imandi sânda. Aku ndainani nâ tamâta ñinde kie ipânga ara lâ. ⁸ Nñennga tamâta ñinde imandi isonnga ku iyoka kunzi rua silâ pa luma sapâña. Imo ipatiki nâ ku ipanea Maro Kindeni. ⁹ Kinzi tamâta ndoni matanzi silea pa tamâta ñinde iyoka ilâ ipanea Maro Kindeni pâta kanaño. ¹⁰ Nñennga simora i kilala pwataki tu ñinde nde tamâtani ndaina uru isañona luma sapâña ne nzâla tonje kawa tini laiti, nzâla ñinde ña tu “Ara Pâta,” aku uru isarâwa ñana mbumbu kâ. Aku matanzi simora tu i kie ara lâ, aku wisinzi motutu wa ilonzi rârâ wa.

Petero itula ñgua lâ luma sapâña ñalae ilo

¹¹ Tamâta muñga kie sakamao ñinde nde ilikonzi Petero ku Yoane rua kaika, ande tamâta rârâni wisinzi motutu kala sipalilu simâ panzi lâ pâpâta ñinde sipatu ña tu “Solomon ne Pâpâta.” ¹² Petero imora tu kinzi wisinzi motu, ande kala ipainzi tu, “Miki Isrel tamâta ñai, ñana sâ kâ ñga ilomi rârâ ñana vetâña ñine, a? Ñana sâ kâ ñga matami kalea kaika imâ pa maka rua, a? Tiambo ilomi pateo tu maka rua nema walo wa vetâña sondo tâ iveta tamâta ñine iyoka, a? Tia ndo! ¹³ Kinda timbunda Abraham, Isaka ñga Yakopu nenzi Maro Kindeni, ina isuka ne wurâta tamâta Yesu ña kâki lâ. Yesu nde tamâtani ndaina miki muñga kao ilâ kazâña tamâta mbaunzi ilo ñana ma sipu pâta imâte kâ. Pilata nde itu iyaute Yesu ilâ, anga miki nde kapu mulimi papa Yesu lâ Pilata nao. ¹⁴ Mao nâ, miki kapu mulimi pa Yesu, ina Sapâña Tamwata wa

Vetâña Sondo Warika wa, aku kasarâwa pa Pilata tu ma iyaute tamâta tonje imâ pami, ina munğa ipu tamâta pâta imâte. ¹⁵ Opopo, Yesu nde Via Warika, taitu miki kapu pâta imâte! Andeta Maro Kindeni ipaño i lâ matenğa nianzi imandi sânda imo via kilo. Maka rua kamora ñine lâ, ande kala ñine kamo i ne pâri-tamâta. ¹⁶ Ambo tamâta tonje kalo tawana Yesu ña, ande Maro Kindeni uru ipaloño pa tamâta ñinde ne noña. Aku ñana duvi ñinde kâ, ande tamâta ñai ipânğa ara. Miki kamora wa kasama tu kala ñine ñga iyoka, kala maka kapaimi tu Yesu ña tava kalo-tawana kie mine nde ivila tamâta ñine, kala ipânğa ara lâ naomi.

¹⁷ Ayo, niñgu-nambwe wukale, naña asama tu miki kazizâla ñana Yesu kilala kâ, kala kapu pâta imâte. Aku nemi poe tamâta kala sizizâla mine nâ. ¹⁸ Andeta nanayoni Maro Kindeni itula ñgua pwataki lâ ñgua-tulânğa tamâta kawanzi. Itula ñgua ñana ne pateânğa tamâta Kirisi tu i ma ikai nâna. Mine nde mâsi kala munğa miki kaveta pa Yesu ñinde nde iveta Maro Kindeni kawa ñgua ñinde ipânğa kanaño. ¹⁹⁻²⁰ Mine nde naña ano miki tu kapile nemi ilo-kalo sakamao ku kapalele ilomi kalomi ilâ pa Maro Kindeni, ñana i ma izavaru nemi kiesaka piti lâ tinimi ku ivetami kapânğa ilomi mbâra-mbâra. Ambo miki ma kaveta mine, ande Maro Nalae ma pwareânğa ara ilami, ku ma io Kirisi imâ pami. Kirisi nde tamâta ñinde nia ndoyo Maro Kindeni ipatea tu ma io imâ pami, aku inani kala Yesu tamwata. ²¹ Kala ñine Yesu imo samba ilo ikura Maro Kindeni ne pateânğa mine, kala io tini ñana zo ñinde Maro Kindeni ma ivetanzi Isrel

ngu simo ara kilo, ikura i tamwata ne ngua pâña munğa itula panzi ne ngua-tulâña tamâta sapâña.
²² Nana tu timbunda Mose munğa ingere ngua nana ninde kâ lâ pepa tini mine tu,

‘Miki nemi Maro Njalae Kindeni ma muli io warakami nawalami tonĝe ipânga imo ngua-tulâña tamâta, itogo naña mine. Miki ma katambira tañami pa ngua rârâni i ma iporo pami ninde. ²³ Ambo tamâta tonĝe tini pwâka tu iyoka ngua-tulâña tamâta ninde ne ngua muli, ande

‘Maro Kindeni ma ikai tamâta ninde piti lâ nĝinimi ku ma ipu pâta imâte.’

²⁴ Mao nâ, nanayoni, lâ Samyuel ne zo, aku imâ lee ipânga lâ zo nĝine, ande kinzi ngua-tulâña tamâta rârâni situla ngua nana zo kala tamo nĝine.

²⁵ Aku mikini nde tamâta nana kakai kelekele ninde Maro Kindeni itula lâ ngua-tulâña tamâta kawanzi. Aku mikini nde tamâta nana kamora vetâña ninde i munğa ipambwâre kunzi timbumi tu ma iveta tona. Nia ndoyo, Maro Kindeni ipai Abraham tu, ‘Nanenggu nzâmbe ara ma muli ilâ panzi tamâta ngu ndoni simo tâno kulu lâ noko ne vâsa mbalau.’

²⁶ Aku Maro Kindeni isupwa ne kuleña tamâta Yesu Kirisi imâ pa miki munğa lâ. I ilo tu iveta kie ara pami nana ilele miki taitu-taitu ilomi kalomi tu ma kapile nemi vetâña sakamao.” Petero iporo ngua nĝine.

4

Kinzi sio Petero ku Yoane rua lâ luma sakamao ilo

¹ Petero ku Yoane rua siporo ŋgua panzi tamâta yo, ŋinenŋa kinzi patarawâŋa tamâta simâ sipânŋa panzi, sitavanzi luma sapâŋa ne sambara nenzi koipu wa kinzi Sadyusi ŋgu tamâta pinde wa.

² Kinzi wisinzi nâna, ŋana tu Petero ku Yoane rua situ Yesu parina panzi tamâta tu imandi sânda lâ mateŋa nianzi imo via kilo, aku ne mandinŋa ŋinde ikai nzâla piti panzi mateŋa tamâta tu ma muli simandi simo vianzi kilo. ³ ŋinenŋa tamâta ŋalaŋala ŋinde sikai kinzi rua ku sipanzi kaika sionzi lâ luma sakamao ilo. Kari ŋga indue lala lâ, aku kinzi situ rua ma simo luma ŋinde ilo lâ mbo.

⁴ Andeta tamâta râra siloŋo Petero ne ŋgua ŋinde, aku kalonzi tawana. Mine kala kinzi kalo-tawana tamâta kambwanŋenzi nde ipânŋa ikura 5,000 mine.

Petero itula ŋgua lâ kinzi tamâta ŋalaŋala naonzi

⁵ Mbwale kilo, ŋinenŋa kinzi tamâta ŋalaŋala sitavanzi ŋgu nenzi katonâŋa wa kinzi pananâŋa tamâta ŋana ŋgua tukuŋa kâ, kinzi rârani sipasau lâ Jerusalem lawea. ⁶ Aku patarawâŋa tamâta nenzi tamâta ŋalae, i ŋa tu Anas, ande imo kunzi, tavanzi Kaiafas, aŋga Yoane nuwaka, aŋga Arisande, aŋga patarawâŋa tamâta ŋalae ne ŋgu ndoni. ⁷ Sionzi Petero ku Yoane rua simandi lâ tamâta ŋalaŋala ŋinde naonzi, ŋinenŋa sikasonŋanzi tu, “Ayo, miki kakai walo kaika ndia wa kapanea ŋoa ndia kala kaveta vetâŋa ŋine.”

⁸ ŋinenŋa Koroani Sapâŋa ipaŋando Petero, aku Petero iporo taulo panzi tu, “Miki Isrel ŋgu nenda tamâta mbâna-mbâna wa nenda katonâŋa tamâta wa, ⁹ ambo miki katu kakasonŋa maka rua ŋana nola kavila tamâta tonŋe kie sakamao ku kaveta

ipânnga ara mâsi mana, ande ara. ¹⁰ Miki tamâta njaŋala wa miki Isrel ngu ndoni nja, kalonjo ku kasama. Nana Yesu Kirisi Nasarete tamwata nja kâ, ande tamâta nje kie ara lâ, kala nje imandi naomi. Miki muŋga kapu Yesu lâ kâi popole tini imâte, andeta njeŋga Maro Kindeni ipaŋo imandi lâ mateŋa nianzi imo via kilo. ¹¹ Yesu nde

‘Mira nje miki tamâta nana kapa luma kâ katu nde sakamao kala katambira lâ, ande mirani ndaina ipânnga mira ara nana isuka luma njanje kaika kâ.’

¹² Tamâta tonje ma ikura tu ikai kindi piti lâ kondoma ilo ku via mao ilua kindi, ande tia. Maro Kindeni ipatea Yesu simbo mai nâ nana ivila kindi mine, kala takai via mao lâ i simbo nâ nja.” Petero iporo nja mine.

¹³ Kinzi tamâta njaŋala simoranzi Petero ku Yoane rua siruru tia ku simandi situla nja pwataki, aku sisama tu kinzi rua muŋga nandai sipono pepa nja, kala simo tamâta kaa nâ. Mine kala kinzi tamâta njaŋala ilonzi rârâ. Taitu sisama tu kinzi rua muŋga simo kuku Yesu. ¹⁴ Aku simora tamâta muŋga kie sakamao nje imandi kunzi rua, ku i kie ara kilo. Mine kala sikura tu sileleanzi rua nana nenzi vetânja kâ, ande tia.

¹⁵ Tia ku sikainzi rua ku sionzi lâ nia njanje tonje. Njeŋga tamâta njaŋala sipasau ku siporo nja lâ warakanzi njeŋinzi tu, ¹⁶ “Ayo, kindi ma taveta mana panzi tamâta rua nje. Kinzi rua siveta mâsi kaika tonje, aku tamâta rârâni simo Jerusalem nde simora ku sisama lâ. Mine nde kindi ma takura nana taporo tu, ‘Siveta mâsi nje tia’, ande ma tia.

¹⁷ Opopo, ambo nja nana mâsi kaika nje ma ilâ

isala nia pinde, ande ñinde ma ara tia. Mine kala kinda ma tatu kaika panzi rua tu ma sipanea Yesu ña ku situla ñgua panzi tamâta kilo ndimo.”

¹⁸ Ñinenğa sisarâwa panzi rua tu simâ, aku situ kaika panzi tu, “Miki ma kapanea Yesu ña ku kapananzi tamâta kilo ndimo.” ¹⁹ Andeta Petero ku Yoane rua situ ñgua lâ kawanzi mine tu, “Ayo, miki warakami kalomi ñgere sondu ñga. Ambo maka ma kapu mulima pa Maro Kindeni ne ñgua ku koka miki nemi ñgua muli, ande ñinde ma soki ndo lâ Maro Kindeni nao. ²⁰ Mine kala maka rua kakura ñana kawama buu, ande tia. Maka ma katula ñgua pwataki ñana vetâña rârâni maka kamora wa kalonjo ñinde.”

²¹ Siporo mine lâ, ñinenğa tamâta ñalanala siporo ñgua pasulenğa panzi rua lee, ku siyautenzi rua siyâti silâ. Kinzi ñandai sisânda nzâla tonje kulu ñana nâna silanzi rua kê, ñana tu tamâta rârâni sipanea Maro Kindeni ña ñana mâsi kaika ñinde. ²² Mao nâ, mâsi ñinde nde mâsi ñalae, ñana tu tamâta ñinde imo tava kie sakamao ikura zo luandongo, ipole mbwera tamâta rua (40) lâ.

Kinzi kalo-tawana tamâta sino pa Maro Nalae tu kaika ilanzi ñana situla ñgua kê

²³ Kinzi tamâta ñalanala siyautenzi Petero ku Yoane rua silâ lâ, ñinenğa kinzi rua sitaulo silâ kunzi nenzi ñgu. Aku sitapâri panzi ñana ñgua rârâni kinzi patarawâña tamâta ñalanala wa katonâña siporo panzi ñinde. ²⁴ Kinzi kalo-tawana tamâta silonjo ñgua ñine lâ, ñinenğa rârâni ilonzi ilâ taitu, aku kawanzi kêki sikai nonğa pa Maro Kindeni mine tu, “Maro Nalae, koipu ñalae kaika

kala noko, nia ndoyo nokoni kuveta samba wa tâno wa tâi wa lââ wa, tavanzi kelekele rârâni simo nia ninde ndoni. ²⁵ Munğa Koroani Sapâña io ngua lâ timbuma Daviti kawa, ina noko ne kuleña tamâta, kala Daviti iporo tu,

‘Mana mana nana kinzi tinikoa ngu, a? Nana sâ kâ nga sipa ngua nana siveta paraña kâ, a? Nana sâ kâ nga siveta ngua pâña kaa kaa mine, a? ²⁶ Kinzi ngu ninde nenzi koipu nalanala siluku nana paraña kâ. Kinzi nenzi tamâta mbâna-mbâna

‘sipasau tu siroto nzâla nana singoloa paraña kuku Maro Kindeni tava Koipu Nalae ninde i munğa ipatea.’

²⁷ Mao kanaño, Maro Nalae, munğa koipu nalae Herot kuku Pontius Pilata rua sipasau lâ lawea nîne kunzi tinikoa tamâta wa kinzi Isrel tamâta wa, aku sipa ngua tu ma sipu noko ne wurâta tamâta sapâña Yesu, ina nanayoni noko tamwata kupatea lâ. ²⁸ Aku siveta vetâña ninde rârâni, ikura munğa noko ne kaika wa ne ilo-kalo kupatea tu ma ipânga mine. ²⁹ Mine nde Maro Nalae, kala nîne noko ne wurâta tamâta maka kano pano tu ma kalo ngere nana ngua rârâni kinzi tamâta nalanala siporo ninde, aku kuvilama nana karuru tia, kamandi kaika ku katula noko kawa ngua pwataki. ³⁰ Aku kano pano tu kusunğa mbau ilâ panzi pukonğa tamâta nana kuveta tininzi mbalaunzi ara kilo, aku kuveta mâsi kaika pinde lâ noko ne wurâta tamâta sapâña Yesu na.” Kinzi kalo-tawana tamâta sikai nonğa mine.

³¹ Sikai nonğa marumbu lâ, ninenğa luma kala sipasau simo ilo ninde nde iririño. Aku Koroani Sapâña ipipi lâ kinzi taitu-taitu ilonzi, kala kinzi

rârâni situla Maro Kindeni ne ŋgua pwataki. Aku siruru ŋananzi tamâta ŋalaŋala, ande tia.

Kinzi kalo-tawana tamâta ndoni ilonzi ilâ taitu

³² Kinzi kalo-tawana tamâta ndoni ilonzi ilâ taitu nâ. Mine nde tamâta tonje imora tamwata ne kelekele tonje ku iporo tu, “Ŋine nde nanenġu kelekele nâ”, ande siporo mine tia. Kinzi rârâni sipavila ku sipalulua nenzi kelekele rârâni lâ warakanzi ŋgininzi. ³³ Aku walo ŋalae ikeno panzi pâri-tamâta, kala simo situla Maro Yesu parina pwataki tu imâte lâ, ŋinenġa imandi sânda imo via kilo. Mao nâ, Maro Kindeni ne wisi-wisi imâ ŋalae panzi kalo-tawana tamâta rârâni. ³⁴ Mine kala nawalanzi tamâta tonje imo sugorai nâ, ande tia. Ŋana tu zo pinde, kalo-tawana tamâta pinde sio nenzi tâno wa luma panzi tamâta tu ma siko kê, ku sikai mbumbu ŋana. Ŋinenġa sikai mbumbu ŋinde simâ, ³⁵ aku silanzi pâri-tamâta tu ma siwae panzi kalo-tawana tamâta ŋinde nenzi kelekele tia.

³⁶ Aku tamâta tonje imo kunzi, i ŋa tu Yosepe. I nde Saiprus sia tamwata, lâ Livai ne vâsa ŋgu, aku kinzi pâri-tamâta sipatu i ŋa tonje tu “Banabas”. Ŋoa ŋinde nde duvi mine, “Tamâta ŋana ipu tini kaika panzi tini pinde.” ³⁷ I nde io ne tâno pinde pa tamâta tonje tu iko, ŋinenġa ikai mbumbu imâ ilanzi pâri-tamâta ŋana siwae kê.

5

Aninia ku Sapila rua parinanzi

¹ Aku tamâta tonje kala imo kunzi tona, i ŋa mine Aninia, aku imo kuku kaiwa taine Sapila. Aku Aninia ne tâno pinde ilua tamâta tonje iko.

² Andeta tâno ne mbumbu pinde nde i tamwata ikai ivea, aku i kaiwa kala isama lâ ñana ñinde kâ. Ñineŋga Aninia ikai mbumbu pinde nâ imâ ku io lâ pâri-tamâta mbaunzi ilo, ku ipainzi tu, “Mbumbu ndoni kala ñine”.

³ Ñineŋga Petero ipai Aninia tu, “Mana mana ñga Sadana ipipi lâ noko ilo, a? Mine kala kulaŋe Koroani Sapâña, kala noko tamwata kusilikana tâno ñinde ne mbumbu pinde pa tamwata.

⁴ Muŋga, tâno ñinde nde noko tamwata ne tâno, andeta nokoni kupatea tu ma kuo panzi tamâta tu siko. Ñineŋga siko lâ, aku mbumbu ñinde kala noko tamwata ne kelekele ñana pwatona kâ. Mine nde ñana sâ kâ ñga noko ilo patea tu ma kuveta soki mine, a? Noko kulaŋe maka tamâta nâ, ande tia. Noko kulaŋe Maro Kindeni tava.”

⁵ Aninia iloŋo ñgua ñinde lâ, ñineŋga pata ndue ku imâte lâ ikeno. Aku ñgua ñana mâsi ñinde kâ nde isala nia ilâ, kala tamâta râra siloŋo ku siruru pâta kanaŋo. ⁶ Ñineŋga tamâta limoa pinde simâ ku silita lalava lâ Aninia karae, ku sikale silâ sikea.

⁷ Simo lee, ku kari tai ñato ilâ lâ, ñineŋga Aninia kaiwa Sapila kala imâ. I nde izizâla ñana mâsi ñinde ipâŋga pa kaiwa. ⁸ Mine nde Petero itula mbumbu papa taine ku ikasona tu, “Mana mana, a? Miki rua kakai mbumbu ñine nâ ñana tâno ñinde, tiya?” Aku taine isâu tu, “Mao, maka rua kakai mbumbu ñinde nâ.” ⁹ Ñineŋga Petero ipai taine tu, “Ñana sâ kâ ñga miki rua kapa ñgua ñana kakai samâña pa Maro Ñalae ne Koroani, a? Kuloŋo ñga; kinzi tamâta muŋga sikea noko kaiwa ñinde nde simâ lâ kala simandi nzâla kawa, aku tini nâ ma sikale noko kala silâ.”

¹⁰ Aku ndainani nâ Sapila pata ndue Petero kie tini laiti, ku imâte lâ. Ninennga tamâta limoa ninde simâ luma ilo, ku simora Sapila imâte lâ ikeno. Aku sikale silâ sikea lâ kaiwa tamâne ne kuru wanğira. ¹¹ Aku kalo-tawana tamâta ndoni silonjo ngua nana mâsi ninde kê, kala siruru pâta lâ. Aku tamâta pinde simo niaka ninde kala silonjo ku siruru mine nâ.

Mâsi nğala nğala kie-kie ipânğa lâ Jerusalem lawea

¹² Kinzi pâri-tamâta sikai Maro Kindeni ne walo ku siveta mâsi nğala nğala kie-kie rârâ lâ tamâta naonzi. Aku kinzi kalo-tawana tamâta rârâni ilonzi taitu ku uru silâ sipasau lâ pâpâta tonje, i nğ tu “Solomon ne Pâpâta”. ¹³ Aku tamâta simo niaka ninde nde siporo ngua ara nâ nğanzi kalo-tawana tamâta. Ambo taitu kinzi pinde sipasau kunzi tia, nana tu siruru pâta. ¹⁴ Anğa tamâta pinde nde kalonzi tawana Maro Nğalae, kinzi taine wa tamâne wa, kala simâ simo kunzi i ne nğu. ¹⁵ Mine kala tamâta pinde uru sikalenzi pukonğa tamâta siyâti simâ pa nia yo ku sionzi lâ nzâla, sinğanzi ndue sikeno nenzi rombe-rombe wa kenonğa nia kulu. Ilonzi patea tu mambo Petero iyoka imâ, mbo ma kari sinala Petero tai ilâ panzi tâ, ande ma tininzi ara kilo. ¹⁶ Aku tamâta nğu nğalae sipile lawea pinde keno Jerusalem tini laiti ku simâ panzi pâri-tamâta tona. Kinzi ninde kala sikainzi pukonğa tamâta wa tamâta pinde koroani saka sipagagaranzi wa simâ. Aku Maro Kindeni ivetanzi tamâta ninde rârâni sipânğa ara kilo.

Anğelo ikainzi pâri-tamâta piti lâ luma sakamao ilo

17 Mine kala Juda nenzi patarawâŋa tamâta ŋalae tavanzi ne tamâta ŋinde lâ Sadyusi ŋgu, ande sipadâda pâta ŋananzi pâri-tamâta. 18 Mine nde simandi ku sikainzi pâri-tamâta kaika sionzi lâ luma sakamao ilo. 19 Andeta mbo ŋgini-ŋgini, ŋinenŋa Maro Ŋalae ne aŋelo tonŋe imâ ku ikai luma ŋinde ne nzâla piti, ku ikainzi pâri-tamâta siyâti silâ pa nia yo. Aku aŋelo ipainzi tu, 20 “Miki kalâ kamandi Maro Kindeni ne luma sapâŋa ne ŋgumbi ilo, aku katula ŋgua ndoni ŋana via wasaseki ŋine kâ panzi tamâta.” 21 Aku mbwale pwataki lâ, ŋinenŋa kinzi pâri-tamâta silâ pa Maro Kindeni ne luma sapâŋa, aku simandi sipanananzi tamâta, ikura aŋelo ne ŋgua mine.

Aŋga patarawâŋa tamâta ŋalae nde imâ ipâŋga pasauŋa nia tavanzi ne tamâta. Ŋinenŋa sisarawanzi tamâta ŋalaŋala sitavanzi Isrel nenzi katonâŋa rârâni tu simâ sipasau. Sipasau lâ, ŋinenŋa sipasupwa ilâ pa luma sakamao nia tu sambara ma sikainzi pâri-tamâta simâ. 22 Aku sambara silâ luma sakamao ilo, andeta pâri-tamâta nde naonzi tia lâ. Tia ku sitaulo simâ kilo ku situla ŋgua mine tu, 23 “Maka kamora luma sakamao ne nzâla, ande sisae giri lâ, aku zugu tamâta pinde simandi nzâla rârâni kawanzi. Ambo taitu maka kakai nzâla piti, ande kamora tamâta tonŋe imo ilo, ande tia.” 24 Siporo mine lâ, ŋinenŋa luma sapâŋa ne sambara nenzi koipu wa kinzi patarawâŋa tamâta ŋalaŋala nde ilonzi rârâ, ku siporo tu, “Ŋine ma sâ vetâŋa ipâŋga.”

25 Ŋinenŋa tamâta tonŋe imâ ku ipainzi tu, “Kaloŋo ŋga! Kinzi tamâta ŋinde muŋga miki kaonzi lâ luma sakamao ilo, ande kinzini simandi

sipanananzi tamâta lâ luma sapâña ne ngumbi ilo!”²⁶ Mine kala sambara nenzi koipu ikainzi ne tamâta ku silâ tu sikainzi pâri-tamâta kaika. Andeta sikainzi kaika tia, siporo ngua mwasa nâ panzi. Kinzi siruru ku siporo tu, “Ambo ma takainzi kaika, ande tamâta ma sisia kinda lâ mira ñana sipu kinda pâta kâ.”

Kinzi pâri-tamâta sikaika ñana situla ngua panzi tamâta ñalañala

²⁷ Kinzi sambara sikainzi pâri-tamâta simâ ku sionzi lâ tamâta ñalañala naonzi. Nîneña patarawâña tamâta ñalae ipainzi pâri-tamâta mine tu,²⁸ “Ayo, maka muña kandi kaika tu miki ma katula ngua panzi tamâta ñana ñoa ñinde kâ ndimo. Andeta nemi ngua nde ilâ isala nia ndoni lâ Jerusalem lawea ilo. Aku ilomi tu kasowe ngua lâ kuluma tu maka muña kapu tamâta ñinde pâta imâte.”

²⁹ Andeta Petero ikai pâri-tamâta rârâni kawanzi ku iporo taulo papa mine tu, “Maka ma kaveta ikura Maro Kindeni ne ngua nâ; ma kaveta ikura tamâta nenzi ngua tia.³⁰ Miki muña kasona Yesu itâra lâ kâi popole tini ku kapu pâta imâte lâ, andeta ñineña timbunda nenzi Maro Kindeni ipaño Yesu imandi imo via kilo.³¹ Aku Maro Kindeni ikai Yesu ikâki âta ku io isañona pa mbau pa wia kâ, kala Yesu imo Koipu Ñalae wa Yautâña Tamwata wa. Mine kala Yesu iveta nzâla pa kinda Isrel ngu, ñana ma tapalele ilonda kalonda ku talâ pa i ñana ma izavaru nenda kiesaka piti lâ tininda.³² Maka warakama nde kamora vetâña ñinde lâ, aku Koroani Sapâña kala imora mine nâ. Aku

Maro Kindeni uru Koroani Sapâŋa ndainani nâ ilanzi tamâta ea sipono muli pa i kawa ŋgua.”

Gamaliel ipainzi tamâta ŋalaŋala tu ma naonzi mwasa nâ panzi pâri-tamâta

³³ Kinzi tamâta ŋalaŋala siloŋo Petero ne ŋgua ŋinde, ku wisinzi nâna ndo. Ilonzi tu ma sipunzi pâri-tamâta pâta simâte. ³⁴ Andeta Parisai ŋgu nenzi tamâta tonje imandi, i ŋa mine Gamaliel. I nde pananâŋa tamâta ŋana ŋgua tukuŋa kâ, aku kinzi tamâta rârâni simege ŋana i kâ. Gamaliel imandi ku ipainzi tamâta ŋalaŋala tu ma sionzi pâri-tamâta siyâti silâ pa nia yo. ³⁵ Siyâti silâ simandi nia yo lâ, ŋinenŋa Gamaliel ipainzi tamâta ŋalaŋala mine tu, “Miki Isrel tamâta, kapakatona sondo ŋga. Ambo ilomi tu kaveta mâsi tonje panzi tamâta ŋinde, ande ilomi tambira sondo muŋga lâ ŋga. ³⁶ Miki kasama tu muŋga, tamâta tonje, i ŋa mine Tiudas, ande ipâŋga ku iporo tu, ‘Naŋa nde tamâta ŋalae’. Mine kala tamâta ŋgu kambwanenzi tamâta ŋalae ŋapa (400) nde silâ sipono muli papa. Andeta Rom nenzi zugu tamâta sipu pâta imâte lâ, ŋinenŋa i ne ŋgu ŋinde nde sikâwa pwapwataki silâ, aku marumbu. ³⁷ Aku muli, lâ zo ŋinde Rom siveta wurâta ŋana ŋingere tamâta ŋanzi lâ pepa tini kâ, ande Galilaya tamâta tonje imandi, i ŋa mine Judas. Aku tamâta ŋinde isowe tamâta pinde ilonzi, kala silâ taitu ŋana sipara kuku Rom nenzi koipu. Andeta sipu i pâta imâte lâ, ŋinenŋa ne tamâta rârâni sikâwa pwapwataki silâ mine nâ. ³⁸ Kala ŋine naŋa apaimi tu miki ma kamege ŋananzi pâri-tamâta ŋinde, aku kapilenzi simo. Ambo siveta tamâta nâ nenzi wurâta, ande wurâta ŋinde ma

imbe. ³⁹ Taitu kalonjo nga; ambo siveta Maro Kindeni ne wurâta, ande miki kakura nana kaponon zalanzi tia ndo, aku ma kakai kazâna pa Maro Kindeni tamwata.” Gamaliel iporo ngua mine.

Kinzi pâri-tamâta sindeka, nana tu sikai manjeti nana Yesu na kâ

⁴⁰ Mine kala kinzi sipa ngua tu ma soka Gamaliel ne ngua muli. Ningenaga sipasupwa ilâ panzi sambara tu sikainzi pâri-tamâta sitaulo simâ. Sitaulo simâ lâ, ningenaga sambara mbilâo nâ sipalilinsi pâta. Sipalilinsi lâ, ningenaga situ kaika panzi tu ma siporo ngua kilo lâ Yesu na ndimo, aku siyautenzi pâri-tamâta siyâti silâ. ⁴¹ Kinzi pâri-tamâta nde sipile nia ninde, ku ilonzi ndeka nâ, nana tu Maro Kindeni imoranzi tu sikura nana sikai manjeti nana Yesu na kâ. ⁴² Aku ikura zo zo, kinzi pâri-tamâta soka silâ pa luma sapâna wa tamâta nenzi luma wa, aku simo sipanananzi ku situla pâri ara nana Yesu tu i tamwata nde Kirisi.

6

Kinzi sipateanzi tamâta lima kananjonzi rua nana sisukanzi pâri-tamâta

¹ Pa zo ninde kinzi kalo-tawana tamâta sipânga kambwanenzi râra ninde. Andeta kinzi kalo-tawana tamâta uru siporo Grik ngua ninde nde wisinzi nâna panzi kalo-tawana tamâta uru siporo Hibru ngua. Kinzi siporo tu, “Ikura zo zo miki uru kâpwa nalae kalanzi nemi taine mwala mwala nana kavilanzi kâ, andeta miki uru kâpwa nalae konja tia kalanzi nema taine mwala mwala.”

² Mine kala kinzi pâri-tamâta sanjao kanaanjonzi rua nde sisarawanzi kalo-tawana tamâta rârâni simâ, aku sipainzi tu, “Ambo maka ma kapile nema wurâta njana katula Maro Kindeni kawa njua, aku ma kamo kaveta wurâta njana kâpwa wainja kâ, ande njinde ma ara tia. ³ Mine nde nima-nambwe wukale, ara njana miki ma kapateanzi nawalami tamâta lima kanaanjonzi rua. Kapateanzi tamâta pinde Koroani Sapânja ipipi lâ ilonzi, kala simo tava ilo-kalo sondo ndo. Njineŋga ma taonzi tamâta njinde njana sikatona wurâta njinde. ⁴ Anja maka warakama nde ma kakai wurâta njana kano pa Maro Njalae ikura zo zo, aku njana katula Maro Kindeni kawa njua pwataki.”

⁵ Kinzi kalo-tawana tamâta ndoni nde ilonzi pa njua njine. Mine kala sipatea Setepana, njana tu i ne kalo-tawana nde kaika njinde, aku Koroani Sapânja ipipi lâ ilo. Aku sipateanzi Pilip, nja Prokorus, nja Nikanor, nja Timon, nja Parmenas, nja Nikolas tona. Nikolas nde Antiok lawea warika, i muŋga ipile tinikoa ne mâsi ku ipono muli pa Juda nenzi mâsi. ⁶ Kinzi sionzi tamâta njinde simandi pâri-tamâta naonzi, njineŋga kinzi pâri-tamâta sio mbaunzi kâki kulunzi ku sikai nonja wa situ nzâmbe panzi wa.

⁷ Njineŋga Maro Kindeni kawa njua isala nia ilâ. Aku tamâta rârâ njinde lâ Jerusalem lawea nde sipânja kalo-tawana tamâta. Aku kinzi patarawânja tamâta kambwanjenzi rârâ nde kalonzi tawana Yesu tona.

Kinzi Juda tamâta sio Setepana lâ njua nia

⁸ Maro Kindeni io ne wisi-wisi tava ne walo kaika ilâ njalae pa Setepana, kala Setepana iveta

mâsi nalanjala kie-kie lâ tamâta naonzi. ⁹ Andeta Juda tamâta pinde lâ Libatini ngu nde simandi ku sipawa ngua kuku Setepana. Ngu ninde nde ipânnga nalaie lâ Sairini lawea, nga Aleksandria lawea, nga Silisia tâno, nga Esia tâno. ¹⁰ Andeta Koroani Sapânga ilo-kalo ara ndo ilua Setepana, kala tamâta ninde sikura tu siporo ngua sondo taulo pa Setepana, ande tia. ¹¹ Tia ku sikai ngua lanjeņa ku sisowe tamâta pinde ilonzi, kala tamâta ninde siporo tu, “Maka munğa kalonjo Setepana iporo ngua pavaligiņa pa Mose wa Maro Kindeni wa.”

¹² Kinzi sipaturu ngua lanjeņa ninde aku imburu tamâta rârâ ilonzi, sitavanzi kinzi katonânğa wa pananânğa tamâta nana ngua tukuņa kâ wa. Mine kala sikale Setepana kaika ku sikai silâ panzi tamâta nalanjala. ¹³ Nineņa sisowe tamâta pinde ilonzi tu ma siporo ngua lanjeņa nana Setepana kâ. Kinzi tamâta ninde simandi ku siporo mine tu, “Ikura zo zo tamâta nîne iporo ngua sakamao nana luma sapânğa nîne wa Mose ne ngua tukuņa wa. ¹⁴ Maka munğa kalonjo iporo mine tu, ‘Yesu Nasarete tamwata ina ma muli izavaru luma sapânğa nîne, ku ma ilele vetânğa rârâni Mose munğa ilua kindi ninde’.”

¹⁵ Tamâta rârâ nde sisaņona nana siveta ngua ninde sondo, aku kinzi rârâni matanzi silea kaika ilâ pa Setepana, ku simora i nao ipalele ku ipânnga itogo anjelo naonzi mine.

7

Setepana iporo ngua panzi tamâta nalanjala

1 Njineŋga patarawâŋa tamâta ŋalae ikasonŋa Setepana tu, “Ngua ŋine nde mao, tiya?, lanjeŋa.”

2 Aku Setepana iporo taulo panzi mine tu, “Njingu-nambwe wa mama wukale, kalonŋo ŋga. Nia ndoyo, lâ zo ŋinde timbunda Abraham ilâ pa Haran tâno tia yo kala imo Mesopotemia tâno yo, ande pa zoni ndaina samba ne Maro Kindeni nde ipatua papa. 3 Aku ipai Abraham tu, ‘Noko kupile tamwata ne tâno wa see wa, aku kulâ pa tâno tonje mwanŋa ŋga ma natula pano ŋinde.’

4 Mine kala Abraham ipile Kaldia tâno, aku ilâ imo Haran lawea. Imo lee, njineŋga i tama imâte lâ. Njineŋga Maro Kindeni isupwa imâ pa tâno ŋaina kala tamo ŋine. 5 Andeta Maro Kindeni ŋandai tâno pinde ilua Abraham lâ nia ŋine ŋana ikai ku ikatona kê, ande tia. Mao nâ, i tâno kiri-mwata tonje ilua tia ndo. Andeta Maro Kindeni ipa ŋgua tu muli ŋga Abraham tavanzi ne vâsa ŋgu ma sikai tâno ŋine. Andeta lâ zo ŋinde, Abraham natu tonje imo, nde tia. 6 Maro Kindeni ipai Abraham tu, ‘Noko ne vâsa kinzi ma simo sitogo lombo mine lâ ŋgu pinde nenzi tâno, aku ma simo sakamao lâ ŋgu ŋinde kalonzi. Aku ŋgu ŋinde ma siveta malia panzi lee, ikura mbwera tamâta ŋalae ŋapa (400) lâ. 7 Andeta muli, njineŋga naŋa ma apare nia panzi ŋgu ŋinde munŋa noko ne vâsa siveta wurâta koa tia nâ panzi. Njineŋga noko ne vâsa ma sipile tâno ŋinde, aku ma simâ siwâŋgi pa naŋa lâ nia ŋine.’ 8 Njineŋga Maro Kindeni itula karae-veŋa ne mâsi pa Abraham, itogo ŋgua pâŋa ŋinde ne kilala mwasina. Aku simo lee ku muli, njineŋga Abraham ipulia natu Isaka. Aku Isaka imo kari lima

kanajo njato lâ nga, njinenga Abraham ive i karae. Aku simo lee ku muli, njinenga Isaka ipulia natu Yakopu, anga Yakopu ipulianzi kinda timbunda sanjo kanaanzi rua njinde.

⁹ Andeta timbunda njinde nde sipadâda njana tainzi Yosepe kâ. Mine kala sio i lâ tamâta pinde mbaunzi ilo, aku tamâta njinde siko kala ipânga imo Isip ngu nenzi sugorai wurâta tamâta kaa nâ. Andeta Maro Kindeni imo kuku Yosepe, ¹⁰ kala ikai piti lâ ne kazânga rârâni ilo. Aku Maro Kindeni ilo-kalo ara ndo ilua Yosepe, aku iveta Isip nenzi koipu njalae ilo ara papa i. Mine kala koipu njalae wurâta ilua Yosepe njana ikatona Isip nenzi tâno ndoni, aku Yosepe ikatona koipu ne luma tava ne kelekele tona.

¹¹ Imo lee, ku muli, njinenga putole njalae ipânga lâ Isip tâno wa Kenan tâno wa. Malia wa nâna njalae tina ikainzi lâ, kala timbunda siroto njana kâpwa lee tia ndo. ¹² Njinenga Yakopu nde ilonjo ngua tu kâpwa pinde keno Isip tâno. Mine kala isupwanzi timbunda silâ Isip. ¹³ Kinzi silâ ku sitaulo kilo, aku simo lee, njinenga silâ pa Isip kilo. Aku pa zo njinde Yosepe ipatua panzi tua, aku Isip nenzi koipu njalae nde isama lâ njanani Yosepe see kâ. ¹⁴ Aku muli, njinenga Yosepe ipasupwa ilâ pa tama Yakopu tavanzi i see kinzi rârâni, kambwanenzi ipânga tamâta njato kanajo sanjo kanajo lima (75). ¹⁵ Mine kala Yakopu ikainzi rârâni sindue silâ pa Isip tâno. Simo lee, ku muli, njinenga Yakopu imâte lâ, aku timbunda kala simâte mine nâ. ¹⁶ Simâte lâ, njinenga tamâta pinde sikai karaenzi simâ Seken tâno, ku sionzi lâ kuru tonje ilo. Munja Abraham tamwata mbumbu pinde ilanzi Hemo natu njana

iko kuru ñinde.

¹⁷ Aku simo lee, ku zo laiti ñana Maro Kindeni ma iveta ne ñgua pâña kuku Abraham ñinde ipânga kanaño kâ. Aku pa zo ñinde nenda ñgu simo Isip tâno ñinde nde kambwanenzi ipânga ñalae ñinde.

¹⁸ Andeta tamâta tonje ipânga ikai koipu panzi Isip ñgu, aku izizâla ñana Yosepe parina. ¹⁹ Koipu ñinde nde ilanenzi nenda ñgu, aku malia ñalae tina ilanzi timbunda ñinde. Opopo, iporo kaika tu ma sitambiranzi nenzi lâlu puro-puro lâ tâno kulu simâte.

²⁰ Andeta lâ zo ndainani nâ, Mose tina ipagugua i. Mose nde lâlu ara ndo lâ Maro Kindeni nao, aku i tina-tama nde sikatona lâ nenzi luma ilo ikura nzimona ñato lâ. ²¹ Ninennga sikai iyâti pa nia yo, aku Isip nenzi koipu ñalae natu taine nde ikai lâlu ñinde ku ikatona itogo i natu mine. ²² Mose nde ipono pepa ku ikai Isip nenzi ilo-kalo ndoni marumbu lâ. Mine kala i ne ñgua tava ne vetâña rârâni nde ipânga kaika lâ.

²³ Imo lee, ku ne mbwera tamâta rua (40) lâ. Ninennga zo tonje itu ikalelenzi Isrel ñgu, i tamwata ne ñgu kinzi. ²⁴ Andeta mata ilâ imora Isip tamâta tonje ipu Isrel tamâta tonje. Mine kala isuka Isrel tamâta ñinde ku ipare nia papa Isip tamâta ñinde, ku ipu pâta imâte lâ. ²⁵ Mose nde ilo pateo tu ne ñgu Isrel ma sisama i kilala tu Maro Kindeni isupwa i tu ivilanzi. Andeta tia. ²⁶ Aku wurita kilo, ninennga Mose ipakâtu kunzi Isrel tamâta rua. Kinzi rua nde simo sipara nâ. Mose ilo tu ilulu rua nenzi paraña, kala ipainzi tu, ‘Wa! Miki rua nde nambwe-nambwe ma! Mine nde ñana sâ kâ ñga katu kapayaula warakami, a?’

²⁷ Andeta tamâta tonje, i munja iveta malia pa ninambwe njinde, ande itingi Mose taulo ku ipai tu, “Yoo, noko ea ipateano tu kumo maka nema koipu wa nema ngua-samâña tamâta, a?” ²⁸ Noko nola kupu Isip tamâta njinde pâta imâte, kala njine noko ilo tu kupu naña mine nâ, a?” ²⁹ Mose nde ilonjo ngua njine, kala ikâwa ilâ pa Midian tâno. Aku imo tâno njinde itogo lombo mine, ku ikâe ku ipulianzi natu tamâne rua sipânja.

³⁰ Imo lee, ku mbwera tamâta rua (40) ilâ lâ. Njineŋga aŋelo tonje ipatua pa Mose lâ nia bilimu tonje keno Sinai tuu tini laiti. Kâi mota tonje imandi nia njinde, tini mata mata, aku yââ kana. Andeta Mose imora aŋelo tonje imo yââ ne melamela ilo. ³¹ Mose imora mâsi njine, kala wisi motu lâ. Iyoka ilâ laiti nana isama mâsi njinde ne duvi kâ, ande ilonjo Maro Nalae kawa ngua imâ papa mine tu, ³² ‘Nañani nde noko timbu Abraham, Isaka, nga Yakopu nenzi Maro Kindeni.’ Anja Mose tini ruru pâta kala mata ndue ilea pa tâno nâ.

³³ Njineŋga Maro Nalae ipai tu, ‘Pwai ne kie kâmba piti lâ kie tini, nana tu nia kala kumandi njine nde tâno sapâña. ³⁴ Mao nâ, naña amora wa asama lâ nana malia nalae njinde ikai nanenju ngu lâ Isip tâno. Naña alonjo nenzi sarawâña lâ, kala andue amâ nana akainzi piti lâ kazâña ilo. Ayo, kumandi; naña ma asupwano kutaulo kulâ Isip kilo.’

³⁵ Andeta Mose nde tamâtani ndaina munja sivaligi ku sipai tu, ‘Noko ea ipateano tu kumo koipu wa ngua-samâña tamâta, a?’ Mao nâ, lâ zo nana aŋelo ipatua pa Mose lâ kâi mota tini, ande Maro Kindeni tamwata isupwa Mose nana

ikai koipu panzi timbunda wa imo nenzi yautâña tamâta wa. ³⁶ Nînennga Mose ikainzi Isrel ngu sipile Isip siyâti simâ. Iveta mâsi nalanala wa vetâña kiekie lâ Isip, anga lâ Tâi Nîji, anga lâ nia bilimu, ikura mbwera tamâta rua (40) lâ. ³⁷ Aku Mose ina tamâtani ndaina muŋga ipainzi Isrel ngu tu, ‘Maro Kindeni ma muli isupwa miki warakami nawalami tonje imâ pami. I ma imo ngua-tulâña tamâta, itogo naña mine’. ³⁸ Mose ipasau kunzi timbunda lâ nia bilimu, aku anelo kala muŋga iporo papa lâ Sinai Tuu kulu ninde nde imo kunzi tona. Aku Maro Kindeni itula ngua via kê pa Mose nana ma iporo pa i ne vâsa kinda.

³⁹ Andeta kinda timbunda nde tininzi pwâka tu soka Mose ne ngua muli. Sipu mulinzi papa, aku ilonzi tu ma sitaulo silâ pa Isip kilo. ⁴⁰ Aku sipai Mose tua Aron tu, ‘Kuveta maro pinde nana sikai poe simuŋga pa kinda kê. Anga Mose, ina tamâta ninde muŋga ikai kinda tapile Isip tamâ, ande imo ndia. Kinda tazizâla nana!’ ⁴¹ Lâ zo ndainani nâ kinzi siveta maro lanjeŋa tonje tai itogo bulmakao natu, kilala mine. Sikai nenzi patarawâña simâ, ku sikina kiniña nana sipanea kelekele kaa ninde warakanzi mbaunzi siveta. ⁴² Andeta Maro Kindeni ipu muli panzi, aku ipilenzi nana siwânji pa nia maa ne singâra kê. Aku vetâña ninde iyoke ngua-tulâña tamâta muŋgâña nenzi ngua, nana tu kinzi sikai Maro Kindeni kawa ku singere ngua lâ pepa tini mine tu,

‘Miki Isrel ngu, miki muŋga kamo nia bilimu ikura mbwera tamâta rua lâ, aku lâ zo ninde miki uru kakai simbi kamâ kapatarâwa pa nanja tia ndo! ⁴³ Opopo, miki kakale maro lanjeŋa

‘Molok ne pâla kalâ, aku kakale nemi maro lajeŋa Refan ne pitu kalâ tona. Miki kaveta maro lajeŋa rua ŋinde nenzi kelekele ŋinde ŋana kapanea kâ. Mine kala naŋa ma aŋarami kalâ kamo nia tonje, ikeno pa Babilon lawea tini pinde.’

⁴⁴ Lâ zo ŋinde kinda timbunda simo nia bilimu, ande nenzi pâla ŋana siwawa Maro Kindeni kâ ikeno tona, aku pâla ŋinde itula pwataki tu Maro Kindeni imo nenzi Maro Njalae. Kinzi sipa pâla ŋinde ikura muŋga Maro Kindeni itula pa Mose mine. ⁴⁵ Sipa pâla ŋinde lâ, aku simo lee, ŋineŋga Yosua ikai poe panzi timbunda kala simâ sikai tâno ŋine. Maro Kindeni imuŋga panzi ku iŋaranzi ŋgu ŋinde muŋga simo tâno ŋine. Aku pâla ŋinde ikeno lee, ku muli, ŋineŋga timbunda Daviti ne zo ipâŋga lâ. ⁴⁶ Maro Kindeni ilo ara ndo pa Daviti. Mine kala Daviti ino papa tu i tamwata ma ipa luma mao tonje papa Yakopu ne Maro Kindeni. ⁴⁷ Andeta tia. Aku muli, ŋineŋga Daviti natu Solomon ipa luma ŋinde kâki lâ.

⁴⁸ Ambo taitu Maro Kindeni âta Tamwata ŋandai uru imo luma tonje tamâta muŋga sipa ŋga. ŋinde iyoke ŋgua-tulâŋa tamâta muŋgâŋa tonje ne ŋgua ikeno lâ pepa tini mine tu,

⁴⁹ ‘Maro Njalae iporo tu, “Naŋa nde Maro. Mine kala samba nde nanenŋu saŋonâŋa nia, aku tâno nde nia ŋana ao kenŋu lâ kulu. Miki ma kapa luma kie mana pa naŋa, a? Aku naŋa ma asaŋona apwarea lâ nia ndia, a? Tia ndo!
⁵⁰ ŋana tu naŋa warakâŋgu mbaunŋu aveta kelekele ŋinde rârâni.” ’ ’ ”

⁵¹ Setepana iporo ŋgua ŋine lâ, ŋinenŋa ipainzi tamâta ŋalaŋala mine tu, “Miki nde taŋa-kaika tamwatami! Miki ilomi kalomi nde itogo tinikoa ilonzi kalonzi mine! Miki katogonzi timbumi, kala kakai kazâŋa pa Koroani Sapâŋa ikura zo zo. ⁵² Miki timbumi muŋga siveta kenzi sakamao panzi ŋgua-tulâŋa tamâta rârâni taitu-taitu. Mao nâ, timbumi sikainzi ŋgua-tulâŋa tamâta ŋinde muŋga siporo tu, ‘Tamâta tonŋe ma muli imâ, ina Vetâŋa Sondo Warika’, aku sipunzi pâta simâte. Aku kala ŋine miki kao Tamâtani ndaina lâ kazâŋa tamâta mbaunzi ilo, ku sipu pâta imâte lâ. ⁵³ Opopo, Maro Kindeni muŋga itula ne tukuŋa pwataki pami lâ kinzi aŋelo kawanzi, andeta miki koka ŋgua tukuŋa ŋinde muli tia ndo!” Setepana iporo ŋgua ŋine.

Kinzi sisia Setepana lâ mira imâte

⁵⁴ Kinzi tamâta ŋalaŋala siloŋo Setepana ne ŋgua ŋine, kala wisinzi nâna ŋalae ŋinde, ku niŋonzi giri-giri papa. ⁵⁵ Andeta Koroani Sapâŋa nde ipipi lâ Setepana ilo, kala i mata kâki ilea kaika pa samba, ku imora Maro Kindeni ne sinâla ŋalae. Aku imora Yesu imandi Maro Kindeni mbau pa wia kâ. ⁵⁶ Aku Setepana ipainzi tu, “Kamora ŋga! Naŋa amora samba tu ipwa, aku amora Tamâta Natu imandi Maro Kindeni mbau pa wia kâ!”

⁵⁷ Iporo mine lâ, aku marumbu; kinzi tamâta ŋalaŋala sipono taŋanzi tu ma siloŋo ŋgua ŋinde tia kâ, aku sitara kaika sipalilu silâ sikale Setepana kaika. ⁵⁸ Aku silae sipile lawea silâ pa nia yo, ŋinenŋa sisia i lâ mira ŋana ma imâte kâ. Aku tamâta ŋinde muŋga sisowe ŋgua laŋeŋa lâ

Setepana tini n̄inde, ande sio nenzi pasawaŋa lu-andondo ndue lâ tamâta ton̄ge kie tini laiti. Tamâta n̄inde ŋa tu Saulo.

⁵⁹ Kinzi sisia Setepana lâ mira yo, n̄ineŋga ikai noŋa mine tu, “Maro Yesu, pwai koranâŋgu imâ pano.” ⁶⁰ N̄ineŋga ipare tuku ku isuŋa kawa mine tu, “Maro N̄alae, noko ma kupare nia panzi ŋana nenzi kiesaka n̄ine kâ ndimo!” Iporo mine lâ, n̄ineŋga imâte.

8

Saulo iveta wurâta ŋana izavarunzi kalo-tawana tamâta

Galesia 1:13-14

¹ Aku Saulo ilo ara nâ ŋana sipu Setepana pâta imâte.

Lâ kari ndainani nâ, kinzi Juda tamâta ŋalajala simandi ŋana nâna ŋalae silanzi kalo-tawana tamâta simo Jerusalem lawea. Mine kala kinzi kalo-tawana tamâta rârâni sikâwa pwapwataki silâ pa nia pinde lâ Judia tâno wa Samaria tâno wa. An̄ga kinzi pâri-tamâta nde simo Jerusalem ni. ² An̄ga tamâta pinde nde sikai Setepana karae ku sikai silâ sikea, ku sita wa sikai kalo-kalo ŋalae tina ŋana. Tamâta n̄inde nenzi kalo-tawana nde ikeno mao pa Maro Kindeni nâ. ³ An̄ga Saulo nde ikai wurâta ŋana izavarunzi tamâta n̄inde kalonzi tawana Yesu. Iyoka ilâ nenzi luma ilo ku ikainzi taine wa tamâne wa, aku ilaenzi silâ ionzi lâ luma sakamao ilo.

Kinzi situla pâri ara lâ Samaria tâno

⁴ An̄ga kalo-tawana tamâta n̄inde kala sikâwa pwapwataki silâ, ande silâ sikura nia nia situla

pâri ara panzi tamâta. ⁵ Aku Pilip nde indue ilâ lawea ñalae tonje ikeno Samaria tâno, ku itula Yesu parina panzi tu i tamwata nde Kirisi. ⁶ Tamâta ñgu ñalae ñinde simora Pilip iveta mâsi kaika pinde, kala tañanzi mwasa nâ sipaloño pa Pilip ne ñgua. ⁷ Aku lâ ñgu ñinde, ande koroani saka sipakâe kunzi tamâta rârâ. Andeta Maro Ñalae ne walo isokinzi koroani saka ñinde piti, kala sisuñja kawanzi sitara sakamao ndo ku sipilenzi silâ. Anja tamâta rârâ tukanzi pââsââ wa kenzi sakamao wa, ande Maro Ñalae ne waloni ndaina ivetanzi sipânja ara kilo. ⁸ Mine nde tamâta simo lawea ñinde nde ilonzi ndeka pâta kanaño.

⁹ Aku tamâta tonje imo lawea ñinde, i ña mine Saimon. I tamâta ñana iveta nzâmbe sakamao, aku uru iveta Samaria tamâta rârâni ilonzi rârâ. I uru ipandekâna tamwata tu, “Naña nde tamâta ñalae.” ¹⁰ Aku tamâta rârâni simo lawea ñinde, kinzi mbaliña warakanzi wa sugorai tamwatanzi wa, kinzi rârâni sindeka ñana siloño Saimon ne ñgua. Kinzi uru siporo mine tu, “Tamâta ñine nde ikai Maro Kindeni ne kaika ku ipânja Maro Ñalae!” ¹¹ Aku sipono muli papa, ñana tu ikura zo luan-dondo iveta mâsi ñalajala kie-kie, aku simora ñinde itogo mâsi kanaño, kala ilonzi rârâ. ¹² Andeta muli, ñineñga Pilip imâ ipânja ku itula pâri ara panzi ñana Maro Kindeni ne mâsi ñana ikai maro panzi tamâta kâ, aku itula Yesu Kirisi parina pwataki panzi tona. Aku lâ zo ndaina kinzi taine wa tamâne wa kalonzi tawana Pilip ne ñgua, kala silili pâri ara ne lââ. ¹³ Aku Saimon tamwata kala ipânja kalo-tawana tamâta mine nâ, ku ilili pâri ara ne lââ. Ñineñga Saimon iyoka Pilip muli ikura

nia wa zo wa, aku mata imora mâsi njanjala kie-kie ipânga, kala i ilo rârâ.

¹⁴ Anja kinzi pâri-tamâta simo Jerusalem lawea ninde nde siloŋo nŋua tu Samaria tamâta sipaveta kuku Maro Kindeni ne nŋua lâ. Mine kala sisupwanzi Petero ku Yoane rua silâ panzi. ¹⁵ Kinzi rua sipânga Samaria lâ, ninenŋa sikai noŋa pa Maro Njalae tu ma io Koroani Sapâŋa indue panzi kalo-tawana tamâta lâ lawea ninde, ¹⁶ nana tu tamâta ninde muŋga sikai lââ-liliŋa lâ Yesu ŋa, ambo taitu Koroani Sapâŋa nandai indue imâ panzi nŋa. ¹⁷ Mine kala Petero ku Yoane rua sio mbaunzi kâki lâ kinzi kalo-tawana tamâta ninde kulunzi, aku Koroani Sapâŋa indue panzi lâ.

¹⁸ Saimon nde imoranzi pâri-tamâta rua sio mbaunzi lâ tamâta kulunzi nana sikai Koroani Sapâŋa kâ, kala ikai mbumbu imâ panzi rua, aku ipainzi tu, ¹⁹ “Miki rua kaika ninde kalua naŋa tona. Naŋa ilonŋu tu ma ao mbaunŋu kâki lâ tamâta kulunzi nana sikai Koroani Sapâŋa kâ.” ²⁰ Andeta Petero imbita ku ipai tu, “Opopo, noko ilo tu kuko Maro Kindeni ne walo nŋine lâ mbumbu, a? Ara nana noko ma kulâ kupayaula tava ne mbumbu! ²¹ Noko pwura nana kuveta Maro Kindeni ne wurâta kutogo maka mine, ande tia ndo, nana tu lâ i nao noko ne ilo-kalo nde soki ndo! ²² Mine nde kupalele ilo kalo aku kupu muli papa ne vetâŋa potomule nŋine. Aku kuno pa Maro Njalae tu ma izavaru noko ne kiesaka piti lâ tini nana ilo-kalo mine ikeno pano. Tiambo i ma iveta mine tâ. ²³ Nana tu nanenŋu morâŋa tu noko ilo makisa ndo, aku kiesaka nde ipaipa kuno kala ikai poe pano.”

24 Ninennga Saimon itu lâ kawanzi tu, “Miki rua kano pa Maro Njalae tu ma ivilana! Naña tiningu pwâka tu vetâna kala miki rua kaporo nana ninde ma imâ ipânga pana.”

25 Aku muli, ninennga Petero ku Yoane rua situla Maro Njalae kawa ngua panzi tamâta lâ lawea ninde. Situla lâ, ninennga rua sitaulo silâ pa Jerusalem lawea kilo. Aku situla pâri ara panzi tamâta simo lawea rârâ ikeno Samaria tâno. Soka mine lee silâ sipânga Jerusalem.

Pilip itula pâri ara pa Itiopia tamâta tonje

26 Ninde ilâ lâ, ninennga zo tonje Maro Njalae ne anelo tonje ipai Pilip tu, “Kumandi ku kundue kulâ pa nzâla ninde ipile Jerusalem lawea indue ilâ pa Gasa lawea.” Nzâla ninde ilâ nia bilimu tonje ngini. 27 Mine kala Pilip imandi ku iyoka nzâla ilâ. Iyoka ilâ, ande mata ilâ imora Itiopia tamâta tonje. I nde tamâta koipu, aku uru ikai wurâta nana ikatona mbumbu wa kelekele papa Kandesi, ina Itiopia ngu nenzi koipu taine njalae. Tamâta ninde munnga imo Jerusalem nana ipanea Maro Kindeni kâ, 28 aku nîne itaulo ilâ kilo. Isanona ne kareta kulu, ande ipono ngua ninde munnga ngua-tulâna tamâta Aisaia ingere lâ pepa tini. 29 Aku Koroani Sapâna ipai Pilip tu, “Kulâ pa kareta nîne, aku pwoka kareta tini laiti.”

30 Ninennga Pilip ipalilu ilâ laiti, aku ilonjo tamâta ninde ipono ngua-tulâna tamâta Aisaia ne pepa ninde pwataki lâ kawa. Aku Pilip ikasona tu, “Ayo, anga noko kusama ngua kala kupono ninde ne duvi, tiya?” 31 Andeta tamâta ninde itu lâ kawa ku iporo tu, “Ambo tamâta tonje ma itula duvi pwataki

pa naŋa tia, ande ma akura tu asama duvi mâsi mana, a?” Mine kala ipai Pilip tu, “Pwâki kumâ ku kusaŋona kuku naŋa talâ.”

³² Maro Kindeni ne ŋgua ŋgerenja kala tamâta ŋinde ipono, ande mine:

“Kinzi sikai i ilâ itogo lama situ sipu pâta imâte. Lâ zo ŋana wurâta tamâta sigiru lama natu pwau, ande lama uru ita tia. Aku tamâta ŋinde kala kawa buu mine nâ. ³³ Kinzi sitawa i ndue ndo ku siveta maŋeti papa, aku siveta ŋgua tonje sondo papa lâ ŋgua nia, ande tia. Ea ma ikura tu itapâri ŋana tamâta ŋinde ne vâsa kê, a? Tia ndo, ŋana tu sitikia ne via piti lâ tâno kulu.”

³⁴ Aku koipu ŋinde ipai Pilip tu, “Naŋa ano pano tu kuporo ŋgua itaulo imâ pana. Ŋgua-tulâŋa tamâta iporo ŋana ea kê aŋga ŋgere ŋgua ŋine. Iporo ŋana i tamwata kê, tiya?, iporo ŋana tamâta tonje.” ³⁵ Ŋinenja Pilip ikai Maro Kindeni ne ŋgua ŋgerenja katije ndainani nâ, aku itula pâri ara ŋana Yesu kê pa tamâta ŋinde.

³⁶ Kinzi rua soka nzâla silâ yo, aku sipâŋga lââ tonje tini. Ŋinenja koipu ŋinde iporo tu, “Kumora ŋga, lââ ikeno. Naŋa atu alili pâri ara ne lââ. Aŋga sâ ndia isae nzâla ŋanana.” [³⁷ Aku Pilip itu lâ kawa tu, “Ambo noko kalo tawana mao tava noko ilo ndo, ande ma ikura tu pwai lââ-liliŋa.” Ande koipu iporo taulo tu, “Naŋa kalonju tawana tu Yesu Kirisi nde Maro Kindeni Natu.”] *

* **8:37:** Nia ndoyo, ŋgua ŋine kala ikeno ŋgumbi ilo [], ande ikeno lâ pepa tini tia. Mine kala kinzi ilo-kalo tamâta situ tamâta tonje ipâŋga lâ muli nde isenje ŋgua ŋine ilâ kuku ŋgua ikeno munga.

³⁸ Nîneŋga koipu iporo pa ne wurâta tamâta tu ma itapa kareta ravenja simandi. Simandi lâ, nîneŋga Pilip ikai koipu nînde sindue lââ ilo, aku Pilip ilili i. ³⁹ Ilili lâ, nîneŋga rua sipile lââ ku sikâki simâ pa pânŋa pwali, aku walele nâ Maro Njalae ne Koroani ikai Pilip ilâ, kala koipu imora Pilip nao kilo nde tia. Andeta koipu nde ilo ndeka nâ, aku iyoka ne nzâlani ndaina ilâ. ⁴⁰ Anŋa Pilip nde ilâ ipânŋa Asdot lawea. Nîneŋga iyoka ilâ ikura lawea ndoni lâ nia nînde, aku itula pâri ara panzi tamâta. Iyoka mine ilâ lee ipânŋa Sisaria lawea.

9

Saulo ipalele ilo kalo ku ipânŋa kalo-tawana tamâta

Pâri Tamâta 22:1-16, 26:9-18

¹ Anŋa Saulo nde iporo nŋua kaika tu ma izavarunzi tamâta nînde kalonzi tawana Maro Njalae, ku ma ipunzi pâta simâte. Mine kala ilâ pa patarawânŋa tamâta njalae, ² aku ino tu ma inŋere nŋua lâ pepa tini ilâ panzi tamâta uru sikatona Juda nenzi luma nana pasaunŋa kê ndoni lâ Damaskus lawea. Aku lâ pepa nînde nŋua ikeno mine tu Saulo ikai patarawânŋa tamâta njalae ndamwa, kala ma iroto njananzi taine wa tamâne nînde uru sipono muli pa Yesu ne Nzâla. Ambo tu isânda kulunzi, ande ma ipanzi kaika ku ma ikainzi silâ pa luma sakamao ikeno Jerusalem lawea ilo. ³ Mine kala Saulo iyoka ilâ ipânŋa Damaskus lawea tini laiti, andeta walele nâ samba ne sinâla indue imâ ku isinala i kaika nînde. ⁴ Mine nde Saulo pata ndue ikeno tâno kulu. Nîneŋga ilonŋo sarawânŋa tonŋe imâ mine tu, “Saulo,

Saulo, ɲana sâ kâ ɲga noko kuveta wurâta ɲana kuyaula naɲa, a?”⁵ Aku Saulo ipai tu, “Maro, noko nde ea.” ɲinenɲa Maro ɲalae ipai tu, “Naɲa nde Yesuni. Naɲa nde tamâtani ɲine noko kuveta wurâta ɲana kuyaulana kâ.⁶ Ayo, ɲine nâ kumandi, aku kulâ lawea ilo. Mwanɲa ɲga tamâta tonɲe ma iporo pano ɲana vetâɲa pinde apatea pano tu ma kuveta ɲinde.”

⁷ Kinzi tamâta kala soka kuku Saulo ɲinde nde simandi simo, kawanzi buu nâ, ɲana tu siloɲo nduɲeɲa, andeta simora tamâta tonɲe tia.⁸ ɲinenɲa Saulo imandi sânda, ku mata pareɲge, andeta i mata ɲaɲa lâ. Mine kala sisaɲa i mbalau aku sikai silâ Damaskus lawea ilo.⁹ Saulo imo ndaina ikura kari ɲato lâ, andeta mata imora ɲaɲa nâ. Aku pa zo ɲinde ika kâpwa wa inu lââ wa, ande tia.

¹⁰ Aku kalo-tawana tamâta tonɲe nde imo Damaskus lawea, i ɲa mine Aninia. I nde imbipole ku iloɲo Maro ɲalae iporo tu, “Aninia!” Aku iporo taulo tu, “Maro ɲalae, naɲa amo ɲai mbo.”¹¹ Aku Maro ɲalae ipai tu, “Kumandi kulâ pa Judas ne luma ɲinde ikeno nzâla tonɲe, i ɲa tu ‘Sondo Ndo.’ Aku lâ luma ɲinde noko ma kusânda Tarsus lawea warika tonɲe kulu, i ɲa mine Saulo. Munɲa nâ ipalele ilo kalo, kala ikai noɲa nâ imo ndaina.¹² Aku lâ mbupuleɲa Saulo munɲa imora tamâta tonɲe ɲa mine Aninia imâ luma ilo ku io mbau kâki i kulu, ɲana iveta i mata ara tu ma imora kilo.”

¹³ Andeta Aninia iporo itu lâ kawa mine, “Maro ɲalae, naɲa aloɲonzi tamâta rârâ situ tamâta ɲinde parina, kala sitapâri ɲana ne vetâɲa sakamao kiekie iveta panzi noko ne tamâta lâ Jerusalem lawea.

14 Kala ninennga tamâta ninde ikai patarawânga tamâta nalanjala ndamwanzi ku imâ lawea nîne nana ionzi tamâta rârâni uru sipanea noko nga ninde lâ luma sakamao ilo.”

15 Andeta Maro Nalae ipai tu, “Ayo, kumandi kulâ! Nanenngu pateânga ikeno pa tamâta ninde tu ma itula naŋa parinânngu panzi tinikoa ngu sitavanzi nenzi koipu nalanjala, anga nana itula panzi Isrel tamâta tona. 16 Naŋa warakânngu ma atula pwataki papa i tu i ma ikai nâna nalae tava malia kie-kie nana itula naŋa parinânngu kâ.”

17 Maro Nalae iporo mine lâ, ninennga Aninia iyoka ilâ luma ninde ilo, ku io mbau kâki Saulo kulu ipai tu, “Ninngu-nambwe Saulo, Maro Yesu munnga ipatua pano lâ nzâla, aku munnga nâ i tamwata isupwa naŋa kala amâ nana avilano tu ma kumora kilo, aku nana Koroani Sapânga ma ipipi lâ noko ilo.” 18 Iporo mine lâ, aku walele nâ kelekele tonje itogo semba mine nde pââsââ piti lâ Saulo mata, ku yauru ndue. Aku Saulo mata parenge ku imora kilo. Ninennga imandi ku ikai lââ-liliŋa. 19 Ninennga Saulo ika wa inu wa, kala ikai walo kilo.

Saulo itula pâri ara lâ Damaskus lawea

Aku Saulo imo ndaina ikura kari pinde kunzi kalo-tawana tamâta lâ Damaskus lawea. 20 Kari pinde ilâ lâ, ninennga walele nâ Saulo imandi ku iyoka ikura Juda nenzi luma nana pasauŋa kâ rârâni, aku itula ngua mine tu Yesu nde Maro Kindeni Natu. 21 Kinzi tamâta siloŋo Saulo ne ngua ninde, ande kinzi rârâni wisinzi motutu lâ, kala siporo lâ warakanzi nginginzi tu, “Opopo, ina tamâtani naina munnga izavarunzi tamâta ninde uru

sipanea Yesu ŋa. Iveta mine muŋga lâ Jerusalem lawea, kala ŋine imâ ŋine ŋana ma ikalenzi tamâta ikainzi silâ panzi patarawâŋa tamâta ŋalaŋala.”

²² Andeta Saulo ne walo ŋana itula Yesu parina kâ nde ipâŋga ŋalae ndo, aku Juda tamâta simo Damaskus lawea ŋinde nde wisinzi motutu ku ilonzi rârâ. Ŋana tu Saulo itula ŋgua kaika pwataki panzi mine tu Yesu tamwata nde Kirisi.

Kinzi Juda tamâta sikai kazâŋa pa Saulo kala ikâwa

²³ Zo rârâ ilâ lâ, ŋineŋga Juda tamâta sipasau ku sipa ŋgua tu ma sipu Saulo pâta imâte. ²⁴ Andeta Saulo ilonjo pâri ŋana nenzi ŋgua pâŋa ŋinde kâ. Aku ikura kari wa mbo wa kinzi Juda tamâta pinde sika mâsa sio ŋana Saulo lâ lawea ne nzâla kawa rârâni, ŋana ma sipu pâta imâte. ²⁵ Andeta mbo tonje, Saulo ne tamâta pinde nde sikai sikâki silâ pa lawea ne ŋgumbi ŋalae kulu. Ŋineŋga Saulo ipazeze lâ ngâmo ŋalae tonje ilo, aku sitiû indue tava ŋgâmo ilâ pa nia yo, ŋineŋga ikâwa ilâ.

Saulo imo Jerusalem lawea

²⁶ Aku muli, ŋineŋga Saulo ilâ ipâŋga Jerusalem lawea, aku itu imo kunzi kalo-tawana tamâta simo ŋinde. Andeta kinzi rârâni nde siruru ŋana, aku ilonzi pateo tu i nde kalo-tawana tamâta lanjeŋa nâ. ²⁷ Andeta Banabas isuka Saulo, aku ikai ku ilâ panzi pâri-tamâta. Banabas itapâri panzi ŋana Saulo muŋga imora Maro Ŋalae lâ nzâla, aku Maro Ŋalae iporo ŋgua papa lâ. Aku itapâri panzi ŋana Saulo iruru tia ku imandi itu pâri ara ku ipanea Yesu ŋa lâ Damaskus lawea. ²⁸ Kinzi silonjo ŋgua ŋinde, aku ilonzi ara nâ. Mine kala Saulo imo

kunzi lâ Jerusalem lawea, aku iyoka ikura lawea ñalae ñinde lâ. Aku iruru tia; uru imandi ikai Yesu kawa ku iporo itula ñgua pwataki. ²⁹ Aku Saulo iporo ipawa ñgua kunzi Juda tamâta pinde uru siporo Grik ñgua. Andeta situ sipu i pâta imâte. ³⁰ Kinzi kalo-tawana tamâta sisama lâ ñana nenzi wisi-nâna ñinde kê, kala sikai Saulo silâ sindue pa Sisaria lawea, ñineŋga sio ilâ pa Tarsus, i tamwata ne lawea tina.

³¹ Mine kala lâ nia ndoni pa Judia tâno wa Galilaya tâno wa Samaria tâno wa, ande kinzi kalo-tawana tamâta simo ara nâ, nenzi kazâŋa tonje tia. Aku pâri ara nde ipâŋga kaika lâ. Kinzi simege ñana Maro Ñalae kê, ku Koroani Sapâŋa ipu tini kaika pa ilonzi kalonzi. Aku tamâta râra nde sipalele ilonzi kalonzi ku kalonzi tawana Yesu.

Petero iveta Inias ipâŋga ara kilo

³² Anŋa Petero nde iyoka ilâ ikura nia pinde. Iyoka lee indue pa Lida lawea, ñana ma imo kunzi kalo-tawana tamâta simo lawea ñinde. ³³ Ilâ ipâŋga lâ, ñineŋga isânda tamâta tonje kulu, i ña mine Inias. Tamâta ñinde kie ndoni imâte lâ, aku ikura ñana iyoka kê, ande tia. Imo mine ikeno nâ ikura mbwera lima kanaŋo ñato lâ. ³⁴ Andeta Petero ipai tu, “Inias, kala ñine Yesu Kirisi iveta noko kie ara kilo. Kumandi sânda, aku kuveta ne kenonja nia sondo.” Aku walele nâ Inias imandi sânda ku imandi. ³⁵ Kinzi tamâta rârani lâ Lida lawea wa Saron tâno nde simora tu tamâta ñinde kie ara lâ, ande kala sipalele ilonzi kalonzi ku kalonzi tawana Maro Ñalae.

Petero ipaŋo Tapita imo via kilo

³⁶ Aku kalo-tawana taine tonje imo Jopa lawea, i ña mine Tapita (lâ Grik ñgua sipatu i ña tu “Dokas”). I uru malawa iveta vetâña ara nâ ñana isukanzi sugorai tamâta. ³⁷ Andeta lâ zo ñinde pukonja tonje ikai Dokas, kala imâte lâ. Mine ku i see ñinde nde sipua taine karae ku siñga ndue lâ luma ilo kisiña pwataki tonje ikeno âta. ³⁸ Lida lawea nde ikeno Jopa lawea tini laiti. Mine kala kinzi kalo-tawana tamâta lâ Jopa silonjo pâri tu Petero ñga imo Lida lawea. Ñineñga sisupwanzi tamâta rua simâ papa aku sino tu, “Maka iloma tu noko ma ñine nâ kumâ kuma!”

³⁹ Aku Petero iyoka kunzi rua silâ. Silâ sipâñga lâ, ñineñga sikai Petero silâ pa luma ilo kisiña pwataki ikeno âta ñinde. Aku taine mwala mwala rârâni nde simâ siñge Petero mbwaliu lâ. Kinzi simo sita nâ, aku situla pasawaña kie-kie Dokas muñga isuta panzi, lâ zo ñinde imo via yo. ⁴⁰ Andeta Petero isokinzi tamâta rârâni siyâti silâ pa nia yo lâ, ñineñga ipare tuku ku ikai noña. Ikai noña lâ, ñineñga nao ilâ pa taine karae ku iporo tu, “Tapita, kumandi sânda!” Ñineñga taine mata pareñge imora Petero, ku ipagagati isañona. ⁴¹ Aku Petero isaña taine mbau ku igagati kâki, ku imandi. Aku Tapita nde imo via kilo. Ñineñga Petero isarawanzi kalo-tawana tamâta sitavanzi taine mwala mwala ñinde, aku io Tapita ilâ panzi. ⁴² Ñgua ñana mâsi ñinde kâ nde isala nia ilâ ikura nia ndoni lâ Jopa lawea. Mine kala tamâta rârâ sio nenzi kalo-tawana ilâ pa Maro Ñalae nâ. ⁴³ Aku Petero imo Jopa lawea ikura zo rârâ. Imo kuku tamâta tonje uru iveta wurâta ñana ñgoa karae kâ, i ña mine Saimon.

10

Aņelo tonņe iporo ŋua pa Konilias

¹ Aku Rom lawea warika tonņe imo Sisaria lawea, i ŋa mine Konilias. I uru ikai koipu panzi Rom nenzi zugu tamâta ŋu tonņe.

² Tamâta ŋinde tavanzi ne ŋu simo i ne luma ŋinde nde simege ŋana Maro Kindeni kâ. I uru iveta pavilâņa ara panzi Juda tamâta simo sugorai ŋinde. Aku ikura zo zo, i uru ikai noņa pa Maro Kindeni. ³ Aku zo tonņe, lala lâ kari tai ŋato, ande Konilias imora mâsi tonņe itogo mbupuleņa mine. I mata pareņge imora Maro Kindeni ne aņelo tonņe imâ luma ilo. Aņelo nde imâ papa ku isarâwa tu, “Konilias!”

⁴ Aņga Konilias mata ilea papa ku iruru pâta kanaņo, aku iporo pa aņelo tu, “Maro Ŋalae, mana mana tâ.” Ŋineņga aņelo iporo taulo tu, “Maro Kindeni ipaloņo pa noko ne noņa lâ, aku i ilo ara ŋana noko ne pavilâņa uru kuveta panzi tamâta simo sugorai ŋinde. Mao nâ, Maro Kindeni imora noko ne vetâņa ŋinde itogo patarawâņa ara ndo mwasina. ⁵ Ayo, ŋine nâ kusupwanzi tamâta pinde silâ Jopa lawea, aku ma sisânda tamâta tonņe kulu, i ŋa mine Saimon, aņga i ŋa tonņe nde Petero. Kinzi ma sino Saimon tu ma imâ kunzi sitaulo simâ. ⁶ Tamâta ŋinde nde imo nuwaka Saimon ne luma, ina uru iveta wurâta ŋana ŋgoa karae kâ. I ne luma ŋinde nde imandi tâi pwali.”

⁷ Aņelo iporo mine pa Konilias lâ, aku ilâ. Ŋineņga Konilias isarâwa panzi ne wurâta tamâta rua, sitava zugu tamâta tonņe. Zugu tamâta ŋinde nde uru ipanea Maro Kindeni, aku imo kuku

Konilias ikai kuleŋa papa ikura zo. ⁸ Nŋineŋga Konilias itapâri panzi tamâta ŋato ŋinde ŋana ŋgua rârâni aŋelo iporo papa ŋinde. Nŋineŋga ionzi silâ pa Jopa lawea.

Petero imora mâsi itogo imbipole mine

⁹ Kinzi tamâta ŋato ŋinde nde soka silâ. Aku mbo, ku sikeno. Aku wurita kilo, ŋineŋga soka silâ lee kari imâ ŋgini, ŋineŋga sipâŋga Jopa lawea tini laiti. Aku pa zo ndainani nâ Petero ikâki ilâ luma mende kulu papata ŋana ikai noŋa kâ.

¹⁰ Petero ikai noŋa lee ku putole ipu pâta. Mine kala indaŋenzi tamâta ŋana siveta kâpwa kâ. Andeta mâsi tonŋe itogo mbupuleŋa mine nde ipâŋga papa. ¹¹ Petero mata imora samba ipwa, ŋineŋga kelekele tonŋe itogo lalava ŋalae mine nde indue imâ papa. Aku kelekele tonŋe tâ isaŋa ne ŋgaŋe ŋapa ku itiu indue imâ pa tâno kulu. ¹² Aŋga kelekele kie-kie simo lalava ŋinde ilo, simbi kie-kie ŋga mwâta kie-kie ŋga sii kie-kie. ¹³ Nŋineŋga kawa ŋgua tonŋe ne sarawâŋa imâ pa Petero mine tu, “Petero, kumandi kupunzi simbi ŋai ku kuka.”

¹⁴ Andeta Petero iporo lâ kawa tu, “Maro ŋalae, naŋa akura tu aka kelekele ŋine tia ndo! Naŋa apono muli sondo pa Juda nenzi tukuŋa, aku ŋandai aka kelekele mine kinzi sindi ŋana ŋga.”

¹⁵ Andeta ŋgua ŋinde imâ pa Petero kilo mine tu, “Kelekele Maro Kindeni muŋga iveta mbâra-mbâra, ande ŋinde noko ma kuporo tu ‘muso’ ndimo.”

¹⁶ Mâsi ŋinde ipâŋga mbwani ŋato lâ, ŋineŋga walele nâ sitapa lalava ŋinde ikâki ilâ pa samba kilo.

¹⁷ Njineŋga Petero ilo ikai wurâta rârâ aku itu, “Mâsi njine naŋa amora lâ, njine nde duvi mana.” I ilo ikai wurâta yo, njineŋga tamâta muŋga Konilias isupwanzi njinde nde simâ sipâŋga. Kinzi muŋga sikasonŋanzi tamâta pinde ŋana Saimon ne luma tu ikeno ndia, ande kala njine simâ simandi luma ne nzâla tini laiti. ¹⁸ Aku sisarâwa mine tu, “Ayo, Saimon, i ŋa tonje Petero, ande imo ŋai, tiya?” ¹⁹ Anŋa Petero nde ilo ipatea mâsi njinde yo, ande Koroani Sapâŋa ipai mine tu, “Kuloŋo, tamâta ŋato simâ siroto ŋanano. ²⁰ Mine nde kumandi ku kundue kulâ kunzi. Noko ma ilo rârâ ndimo, ŋana tu naŋa warakâŋgu asupwanzi kala simâ.”

²¹ Njineŋga Petero indue ilâ kunzi tamâta njinde, aku iporo tu, “Naŋani kala tamâta njine miki karoto ŋanana. Mana mana tâ ŋga miki kamâ.” ²² Njineŋga sipai Petero tu, “Konilias, i Rom lawea warika tonje uru ikai koipu panzi zugu tamâta, ande isupwama kala kamâ. I nde tamâta sondo, aku uru imege ŋana Maro Kindeni kâ. Kinzi Juda ŋgu uru situ i parina tu i nde tamâta ara. Aku anjelo sapâŋa tonje ipai tu ma ipasupwa ŋanano tu ma kumâ i ne luma kuporo ŋgua pinde papa tu ilonjo kâ.” ²³ Njineŋga Petero ino panzi tu simâ luma ilo. Aku ikatonanzi lâ mboni ndaina. Aku wurita kilo, njineŋga Petero imandi ku iyoka kunzi silâ. Aku kalo-tawana tamâta pinde lâ Jopa lawea kala soka kunzi silâ tona.

Petero ilâ Konilias ne luma

²⁴ Soka silâ lee ku mbo, njineŋga sikeno. Aku wurita kilo, njineŋga soka silâ sipâŋga Sisaria lawea. Anŋa Konilias nde io tini ŋananzi imo ne luma.

I munğa isarawanzi ne ngu sitavanzi ninambwe tu simâ, ande kala kinzi rârâni sipasau lâ simo ndaina. ²⁵ Petero iyoka ilâ ipânga luma, ninenğa Konilias imâ itundu lâ Petero kie tini laiti nana ipanea i kê. ²⁶ Andeta Petero igagati i imandi, aku ipai tu, “Kupile tâ! Nana nde tamâta nâ, atogo noko mine!”

²⁷ Ninenğa kinzi rua siporo nenzi ngua ku soka silâ luma ilo, aku Petero mata kêki imoranzi tamâta rârâ munğa sipasau kala simo ninde. ²⁸ Aku Petero ipainzi tu, “Miki warakami kasama tu ngua tukuņa kaika ndo keno nana maka Juda tamâta tu ma kamo kunzi tinikoa ngu ndimo. Anğa ngua tukuņa kaika tonđe kala ikeno tu ma kalâ nenzi luma ilo ndimo. Ambo taitu Maro Kindeni munğa itula mâsi pa nana ku iporo tu nana ma amora tamâta tonđe tu ‘muso’, mine tia. ²⁹ Aku nana ma avaligi ngua ninde tia ndo. Mine nde apono muli pa nemi sarawâna kala amâ. Andeta kala nîne atu akasonami tu mana mana anğa kapasupwa imâ pana.”

³⁰ Ninenğa Konilias iporo taulo tu, “Mâsi tonđe munğa ipânga pa nana, kala nîne kari napa ilâ lâ. Mâsi ninde nde mine; nana amo nanengu luma, aku akai noņa lâ kari tai nato, ikura kari tai mineni togo nîne. Nana amo akai noņa nâ, andeta ndainani nâ tamâta tonđe imâ ipânga imandi naonğu, ne lalava wa ne kelekele nde salaga ninde. ³¹ Aku ipai nana tu, ‘Konilias, Maro Kindeni ipaloņo pa noko ne noņa lâ, aku isama lâ nana pavilâna noko uru kuveta panzi sugorai tamâta. ³² Ayo, nîne nâ kusupwanzi tamâta pinde soka silâ Jopa lawea, aku ma siroto nana Saimon, i na tonđe

Petero. Tamâta ñinde nde imo nuwaka Saimon ne luma, ina uru iveta wurâta ñana ñgoa karae kâ, aku imo tâi pwali.’ ³³ Mine kala walele nâ naña asupwanzi tamâta pinde simâ pano. Kala ñine noko kuveta mâsi ara kala kumâ. Ayo, ñine maka rârâni kamâ kamo ñine lâ Maro Kindeni nao ñana kalonjo ñgua rârâni Maro Ñalae muñga itula pano ñana kuporo pa maka ñine.”

Petero itula ñgua lâ Konilias ne luma

³⁴ Konilias iporo ñgua mine pa Petero lâ, ñineñga Petero iporo mine tu, “Mao nâ, kala ñine naña asama tu Maro Kindeni ilo ñalae koña ñana tamâta nenzi ñgu wa ñanzi wa, ande tia. ³⁵ Andeta i ilo ara nâ panzi tamâta lâ ñgu ndoni, kinzi ñine mbo simege ñana i wa siveta vetâña ara wa. ³⁶ Miki kasama pâri ara ñinde muñga Maro Kindeni io imâ pa maka Isrel ñgu. Pâri ara nde mine; Yesu Kirisi nde kinda tamâta rârâni nenda Maro Ñalae, aku i ne mateña itoto Maro Kindeni ne wisi-nâna ku ikai nzâla piti pa kinda tu ma tamo ilonda taitu kuku i. ³⁷ Miki warakami kalonjo pâri ñana vetâña ñinde ipâñga lâ Judia tâno. Muñga, Yoane Lââ-Liliña Tamwata ipâñga Galilaya tâno ku itula ñgua pwataki ñana lââ-liliña kâ. ³⁸ Aku pa zo ñinde Maro Kindeni itu nzâmbe pa Yesu Nasarete tamwata, kala Koroani Sapâña tava walo ñalae ilua. Ñineñga Yesu iyoka ilâ ikura lawea lawea ku iveta vetâña arara nâ. Maro Kindeni imo kuku; mine kala ivetanzi tamâta rârâni ñinde muñga Sadana ikainzi simo i ne kaika kalo, ande sipâñga ara kilo.

³⁹ Maka warakama kamora vetâña rârâni Yesu muñga iveta ikura nia ndoni lâ Judia tâno, anga lâ

Jerusalem lawea mine nâ. Mao nâ, kinzi sisona Yesu itâra lâ kâi popole tini imâte lâ, ⁴⁰ andeta kari nâto lâ, ninenğa Maro Kindeni ipaño i lâ mateņa nianzi imandi imo via kilo, aku itula i ipânğa nia yo. ⁴¹ Taitu Maro Kindeni nandai itula Yesu pwataki panzi Juda tamâta rârâni nğa. Itula pa maka tamâta pinde nâ, maka nîne nanayoni ipateama nana katula i parina wa ne nğua wa. Yesu imandi sânda imo via kilo, ninenğa maka kasaņaona kuku, kaka wa kanu wa. ⁴² Aku iporo itu nğua kaika pama tu ma katu pâri ara wa katula nğua pwataki panzi tamâta tu Yesu nde tamâtani ndaina Maro Kindeni muņa ipatea tu ma imo nğua-samâņa tamwata panzi tamâta rârâni, kinzi vianzi wa mateņa wa. ⁴³ Aku kinzi nğua-tulâņa tamâta rârâni kala uru situla nğua mine nana Yesu kâ: tamâta ea kinzi sio nenzi kalo-tawana ilâ papa i, ande nana Yesu Kirisi nâ kâ Maro Kindeni izavaru kinzi ninde rârâni nenzi kiesaka piti lâ tininzi.” Petero iporo nğua mine.

Koroani Sapâņa indue imâ panzi tinikoa nğua tamâta

⁴⁴ Petero iporo nğua nîne marumbu tia yo, ande Koroani Sapâņa indue imâ panzi tamâta rârâni kala sitambira taņanzi papa Petero ninde. ⁴⁵ Kinzi Juda kalo-tawana tamâta muņa soka kuku Petero simâ ninde, ande wisinzi motutu lâ, nana tu Maro Kindeni ipaliņi ne Koroani Sapâņa ilâ panzi tinikoa, itogo muņa iveta panzi Isrel nğua mine. ⁴⁶ Nana tu Juda tamâta ninde nde siloņonzi tinikoa tamâta siporo lawea pinde nenzi nğua, muņa sisama tia ninde, aku sipanea Maro Kindeni. Mine

kala wisinzi motutu lâ. Ninennga Petero ipainzi nuwala Juda tamâta ninde mine tu,

⁴⁷ “Ayo, kala nîne tamâta njai sikai Koroani Sapâna lâ vetâna kie taituni itogo kinda muᅅga takai mine. Mine nde ambo kinda ma talilinzi lâ pâri ara ne lââ, ande ea ma ikura nana ilelea kinda, a? Tia ndo.” ⁴⁸ Mine kala Petero ipainzi Konilias tavanzi ne tamâta tu, “Miki ma kakai lââ-liliᅅa lâ Yesu Kirisi na”. Sikai lââ-liliᅅa marumbu lâ, ninennga sipai Petero tu, “Maka iloma tu noko ma kumo naina kuma ikura zo pinde.”

11

Petero itula parina panzi lâ Jerusalem lawea

¹ Kinzi pâri-tamâta sitavanzi kalo-tawana tamâta simo Judia tâno ninde nde siloᅅo pâri tu tinikoa tamâta pinde nde sipaipa kuku Maro Kindeni kawa nᅅua.

² Mine kala lâ zo ninde Petero ikâki itaulo ilâ Jerusalem lawea kilo, ande kalo-tawana tamâta pinde silelea i. Kinzi ninde muᅅga sikai karae-veᅅa ne mâsi kilala lâ tininzi, ikura Juda nenzi nᅅua tukuᅅa mine. ³ Kinzi sipai Petero tu, “Opopo, noko kulaᅅa kupole nenda tukuᅅa kala kulâ tamâta nîne mbo sive karaenzi tia ninde nenzi luma ilo, aku kuka kunzi tona!”

⁴ Andeta Petero itula parina panzi nana mâsi rârâni muᅅga ipâᅅga papa ninde. Iporo tu, ⁵ “Nana muᅅga amo Jopa lawea, aku zo tonᅅe amo akai nona nâ. Andeta ninennga ilonᅅu kalonᅅu ipupu-lia ipâᅅga togo dadaᅅa mine, aku amora mâsi tonᅅe itogo mbupuleᅅa mine. Amora kekekele tonᅅe itogo lalava nᅅalae tina mine indue imâ, aku

kelekele tonje tâ isanja ne njanje njapa aku itiu iyoka pa samba indue imâ pana. ⁶ Njineŋga matânġu alea pa lalava njinde ilo, ande amora simbi kie-kie uru simo tâno kulu, kinzi simbi wa mwâta wa sii wa. ⁷ Njineŋga alonjo kawa ngua tonje ne sarawâna imâ pana mine tu, ‘Petero, kumandi kupunzi simbi njai ku kuka.’ ⁸ Andeta nanja atu lâ kawa tu, ‘Maro Njalae, nanja akura tu aka kelekele njine tia ndo! Nanja apono muli sondo pa Juda nenzi tukuŋa, ku kelekele tonje kinzi sindi njana njinde njandai ilâ nanja kawânġu ilo nġa.’ ⁹ Andeta kawa ngua njinde iyoka pa samba indue imâ pa nanja kilo mine tu, ‘Kelekele Maro Kindeni muŋga iveta mbâra-mbâra, ande njinde noko ma kuporo tu “muso” ndimo.’ ¹⁰ Ngua njinde nde ipânġa pa nanja mbwani njato lâ, njineŋga sitapa lalava njinde ikâki pa samba kilo.

¹¹ Aku ndainani nâ tamâta njato simâ sipânġa luma kala amo njinde. Sisaria lawea warika tonje muŋga isupwanzi kala simâ pana. ¹² Njineŋga Koroani Sapâna ipai nanja tu, ‘Noko ma ilo râra ndimo. Kulâ kunzi.’ Aku kinzi kalo-tawana tamâta lima kanaŋo taitu njai nde soka kuna tona, ku koka kalâ tamâta njinde ne luma ilo. ¹³ Njineŋga tamâta njinde itapâri pama njana muŋga imora anġelo imandi ne luma ilo, aku anġelo ipai tu, ‘Kusupwanzi tamâta pinde silâ Jopa lawea, aku ma sisânda tamâta tonje kulu, i nja mine Saimon, anġa nja tonje nde Petero. ¹⁴ I ma iporo ngua pinde pano, aku ngua njinde ma itula nzâla pa noko kutavanzi tamâta râra ni simo noko ne luma ilo njinde, njana Maro Kindeni ma ikaimi piti lâ kondoma ilo ku via mao ilami.’

¹⁵ Ayo, njineŋga amandi aporo ngua panzi, an-

deta Koroani Sapâŋa indue imâ panzi ŋgu ŋinde, itogo muŋga imâ pa kinda mine. ¹⁶ Njineŋga naŋa kalonŋu ŋgere ŋana Maro Nalae ne ŋgua ŋinde muŋga iporo mine tu, ‘Yoane nde ililinsi tamâta lâ lââ nâ, aŋga Maro Kindeni ma ililimi lâ Koroani Sapâŋa’. ¹⁷ Muŋga kinda tao nenda kalotawana ilâ pa Maro Yesu Kirisî, ande kala Maro Kindeni ne Koroani Sapâŋa ilua kinda itogo wisîara mine. Aŋga lâ zo ŋine, ande Maro Kindeni wisîara ndainani nâ ilanzi tinikoa mine nâ. Opopo, naŋa ea ŋga ma akura tu apono Maro Kindeni ne nzâla mine, a?” Petero iporo ŋgua mine.

¹⁸ Kinzi silonŋo Petero ne ŋgua ŋine, aku wisinzi puu ndue lâ, kala sipanea Maro Kindeni ŋa siporo tu, “Opopo, mine nde Maro Kindeni isâu panzi tinikoa ŋgu tona, kala sikura tu sipalele ilonzi kalonzi ŋana ma sikai via mao.”

Kinzi tamâta simo Antiok lawea nde sipalele ilonzi kalonzi

¹⁹ Muŋga kinzi Juda tamâta ŋalaŋala sipu Setepana pâta imâte, aku pa zo ŋinde siveta malia ŋalae tina ipâŋga panzi kalo-tawana tamâta. Mine nde kalo-tawana tamâta pinde sikâwa potomule sikura nia nia silâ pa Fonisia tâno, ŋga pa Saiprus sia, ŋga pa Antiok lawea. Andeta kinzi ŋandai situla pâri ara panzi tinikoa tamâta ŋga. Situla pâri ara panzi Juda tamâta nâ simo nia ŋinde. ²⁰ Andeta nawalanzi pinde, kinzi tamâta pa Saiprus sia wa Sairini lawea wa, ande silâ pa Antiok lawea ku situla pâri ara ŋana Maro Nalae Yesu kê panzi tinikoa tamâta tona. ²¹ Aku Maro Nalae ne walo kaika imo kunzi. Mine kala tamâta rârâ ŋinde nde

sipalele ilonzi kalonzi ku sio nenzi kalo-tawana ilâ pa Maro Njalae.

²² Kinzi kalo-tawana tamâta simo Jerusalem lawea nde siloŋo ŋgua ŋana ŋinde kâ, kala sisupwa Banabas ilâ pa Antiok lawea. ²³ Banabas iyoka ilâ lee ipâŋga Antiok lawea, aku mata imora tu Maro Njalae ne wisi-wisi ikeno panzi ŋgu ŋinde. Mine kala Banabas ilo ndeka nâ. Aku igagatinzi tamâta ŋinde rârâni ilonzi kalonzi ŋana ma sipono muli sondo pa Maro Njalae ikura zo zo. ²⁴ Banabas nde tamâta ara ndo. Koroani Sapâŋa ipipi lâ ilo, aku i ne kalo-tawana nde kaika ndo. Mine kala tamâta rârâ ŋinde nde simâ pa Maro Njalae.

²⁵ Ninenŋa Banabas ilâ Tarsus lawea tu ma iroto ŋana Saulo kâ. ²⁶ Isânda Saulo kulu lâ, ninenŋa ikai itaulo imâ pa Antiok. Aku kinzi rua simo Antiok lawea ikura mbwera taitu, aku uru sipasau kunzi kalo-tawana tamâta ku sipanananzi ŋgu ŋalae ŋana Maro Njalae ne ŋgua kâ. Kinzi tamâta lâ Antiok lawea nde simuŋga panzi lawea ndoni ŋana sisipa ŋoa “Kristen” lâ kalo-tawana tamâta tininzi. (Ŋoa ŋine nde duvi mine tu, “Tamâta sitogo Kirisi”.)

²⁷ Pa zo ŋinde Maro Kindeni ne ŋgua-tulâŋa tamâta pinde sipile Jerusalem ku sindue simâ pa Antiok. ²⁸ Anŋa nawalanzi tonŋe, i ŋa mine Agabus, ande Koroani Sapâŋa io ŋgua lâ kawa kala itula ŋgua pwataki tu putole ŋalae tina ma muli ipâŋga ikura lawea lawea pa tâno ndoni. (Aku mao nâ, putole ŋalae ŋinde ipâŋga muli, lâ zo ŋinde Klodius ikai koipu). ²⁹ Mine nde kinzi kalo-tawana tamâta lâ Antiok lawea sipa ŋgua tu ma sio mbumbu ilâ pa ninzi-nambwe kalo-tawana tamâta simo

Judia tâno, nana isukanzi kâ. Kinzi rârâni taitu-taitu sio nenzi mbumbu pinde ilâ nana wurâta nîne kâ, ikura nenzi mbaliņa mine. ³⁰ Siveta mine lâ, ninenņa sionzi Banabas ku Saulo rua sikai mbumbu silâ panzi Jerusalem ngu nenzi katonâņa.

12

Kinzi sipu Yamesi pâta imâte, aku sio Petero lâ luma sakamao ilo

¹ Pa zo ninde Koipu Njalae Herot ikainzi kalotawana tamâta pinde kaika nana ma iveta kie sakamao panzi.

² Mine nde isupwanzi ne zugu tamâta silâ sikai Yamesi, i pâri-tamâta Yoane tua, aku pila nâ sipu pâta imâte lâ. ³ Aku imora tu kinzi Juda tamâta ilonzi ara nana ne vetâņa ninde kâ. Mine kala ionzi ne tamâta silâ sikale Petero kaika tona. Iveta nîne lâ Juda nenzi kumbwa nana sika puroņa ne yisi tia. ⁴ Kinzi wâlo nâ sipa Petero kaika lâ, ninenņa sio lâ luma sakamao ilo. Aku sio ilâ zugu tamâta ngu napa mbaunzi ilo nana silea papa. Aku zugu tamâta ngu napa ninde nde sio nenzi temba tamâta napa napa lâ ngu taitu-taitu. Herot ilo tu muli mbo kumbwa marumbu lâ nņa, ninenņa ma ikai Petero imâ ipânņa lâ tamâta naonzi lâ nņa nia, ninenņa ma sipu pâta imâte. ⁵ Mine kala Petero imo luma sakamao ilo, aku matanzi silea kaika papa. Andeta ikura kari wa mbo wa, kinzi kalotawana tamâta sikai noņa kaika pa Maro Kindeni tu ma ivila Petero.

Anęlo ikai Petero piti lâ luma sakamao ilo

⁶ Kumbwa ñinde nde marumbu lâ, aku wurita, ñinenğa Herot itu ma wurita kilo i ma ikai Petero io lâ ñgua nia. Aku mbo nde Petero ikeno zugu tamâta rua ñgininzi. Kinzi muñga sipa Petero lâ wâlo kaika rua. Anğa zugu tamâta rua nde simandi lâ luma ne nzâla kawa. ⁷ Andeta mbwale pwataki tia yo, ñinenğa walele nâ Maro Njalae ne anjelo tonje imâ ipânğa, aku sinâla tonje ipânğa isinala luma sakamao ñinde ilo. Aku anjelo mbau ilâ isowe Petero wangira ku ipaño imandi sânda. Aku anjelo ipai tu, “Kumandi walele!” Ñinenğa wâlo rua ipayaule piti lâ Petero mbau, aku imbe ndue tâno kulu.

⁸ Ñinenğa anjelo ipai Petero tu, “Kusawa pasawaña lâ kambwane, aku kusawa kâmba lâ kie.” Aku Petero iveta ikura anjelo kawa mine. Ñinenğa anjelo ipai Petero tu, “Kusawa ne pasawaña luandondo, aku pwoka naña mulingu tayâti talâ.” ⁹ Ñinenğa Petero ipile luma ilo kisiña pwataki ñinde ku iyoka anjelo muli silâ. Andeta Petero isama vetâña anjelo iveta papa ñinde kilala sondo tia. Ilo patea tu imbipole nâ. ¹⁰ Kinzi zugu tamâta pinde simandi nzâla tonje kawa laiti, andeta anjelo ku Petero rua nde soka tamâta ñinde naonzi silâ. Ñinenğa sipânğa nzâla kaika ikeno luma sakamao ñgañe. Aku nzâla kaika ñinde tamwata nâ iveta kawa pââsâ piti panzi rua, kala soka siyâti pa nia yo, ku soka silâ. Silâ tini nâ, ñinenğa walele nâ anjelo ipile Petero ku ilâ lâ.

¹¹ Ñinenğa Petero ne ilo-kalo ipânğa, aku iporo lâ ilo tu, “Mao nâ, ñinenğa naña asama tu Maro Njalae io ne anjelo imâ pana, aku ikaina piti lâ Herot mbau ilo. Mine kala vetâña ndoni kinzi Juda ñgu

situ ma siveta pana, ande ma siveta tia.” ¹² Petero ilo ikai ŋgua ŋine lâ, ŋinennga ilâ pa Yoane Malaka tina Maria ne luma. Kinzi tamâta rârâ nde sikai noŋa simo luma ŋinde ilo. ¹³ Petero nde imandi nia yo ipitikina luma ŋinde ne nzâla kawa, aku wurâta taine tonge, i ŋa mine Roda, ande imâ ŋana ikai nzâla piti kâ. ¹⁴ Andeta taine ŋinde itambira taŋa ilonŋo Petero kaŋa kilala. Mine kala ilo ndeka ndo, aku kalo kapa ŋana ikai nzâla kawa piti kâ. Ipalilu ilâ luma ilo ku ipainzi tu, “Petero imandi nzâla!” ¹⁵ Andeta situ lâ kawa tu, “Yoo, noko nde kapa!” Andeta iporo kaika panzi tu, “Aporo mao nâ pami, ŋinde nde Petero tamwata!” Ŋinennga siporo tu, “Tiambo ŋine nde Petero ne aŋelo tâ!”

¹⁶ Anŋa Petero nde imo ipitikina nzâla. Ŋinennga sikai nzâla piti ku matanzi ilâ simora Petero, kala wisinzi motutu lâ. ¹⁷ Aku Petero itambira mbalau itogo panzi tu kawanzi buu nâ. Ŋinennga itapâri panzi ŋana Maro Ŋalae ikai i iyâti imâ pa nia yo ku ipile luma sakamao. Aku ipainzi tu, “Miki kalâ katapâri pa Yesu tai Yamesi wa ninda-nambwe kinzi ŋana mâsi ŋine kâ.” Ŋinennga ipilenzi ku iyoka ilâ pa nia tonge.

¹⁸ Aku mwanŋa ŋga, kari kâki lâ, ku zugu tamâta sisama tu Petero ŋga nao tia lâ, kala wisinzi motutu sipakasonŋa tu, “Wa! Tamâta ŋinde nde ilâ mana.” ¹⁹ Aku Herot ipainzi tu ma siroto ŋana Petero kâ. Aku siroto lee, andeta sisânda kulu tia. Tia ku Herot ionzi zugu tamâta ŋinde silâ pa ŋgua nia, aku ipa ŋgua tu ma sipunzi pâta simâte.

Koipu Ŋalae Herot imâte lâ

Ŋinenŋa Koipu Ŋalae Herot ipile Judia tâno aku indue ilâ imo Sisaria lawea. ²⁰ Ŋana tu Herot muŋga wisi nâna ŋalae tina panzi tamâta simo Tair lawea ŋga Saidon lawea. Mine kala tamâta ŋinde silâ taitu ku ilonzi tu sisanŋona kuku Herot siporo ŋgua mwasa nâ papa. Kinzi situ siveta Herot wisi puu ndue, ŋana tu kinzi tamâta pa tâno ŋinde uru sipako kaniŋa lâ Herot ne tâno. Mine kala siporo ŋgua mona-mona pa Herot ne wurâta tamâta tonŋe, i ŋa tu Blastas, kala Blastas ikai kawanzi ilâ iporo pa Herot.

²¹ Mine kala Herot ipatea zo tonŋe ŋana iporo ŋgua kunzi, aku lâ kari ndaina isiŋga koipu ne siŋgâra, aku ilâ isanŋona koipu ne sanŋanâŋa nia, ŋinenŋa iporo ŋgua panzi tamâta ŋinde. ²² Iporo ne ŋgua lâ, ŋinenŋa tamâta ŋinde sitara mine tu, “Ŋine ŋandai tamâta tonŋe kawa ŋgua ŋga; ŋine nde maro tonŋe kawa ŋgua!” ²³ Herot ilonŋo nenzi ŋgua ŋinde, andeta ŋandai ipanea Maro Kindeni ŋa ŋga. Mine kala ndainani nâ Maro Kindeni ne aŋelo ipu Herot pâta, aku mwâta-mwâta kiri-kiri sika i karae, kala imâte lâ. ²⁴ Anŋa Maro Kindeni kawa ŋgua nde ipânŋa kaika ku ilâ isala nia ndoni.

²⁵ Aku Banabas ku Saulo rua siveta nenzi wurâta ŋana mbumbu silanzi ŋgu lâ Jerusalem marumbu lâ, ŋinenŋa sitaulo silâ pa Antiok lawea kilo. Aku sikai Yoane Malaka iyoka kunzi silâ.

13

Kinzi sionzi Banabas ku Saulo rua tu ma situla pâri ara

¹ Kinzi kalo-tawana tamâta lâ Antiok lawea nenzi ŋgua-tulânŋa tamâta wa pananânŋa wa simo,

kinzi npanzi mine: Banabas; anga Simeon, i na tonje Naisa (njoa nîne nde duvi mine tu “Tini Mâmânnga”); anga Lusius, i Sairini tamwata; anga Maneyen, i munğa imo kuku koipu njalae Herot nuwala; anga Saulo.

² Aku zo tonje, kinzi Antiok ngu situ kaika nana kâpwa kâ, kala simo siwânghi wa sikai nona pa Maro Njalae. Nîneŋga Koroani Sapâna iveta kalo-nġere panzi ku ipainzi mine tu, “Nana apateanzi Banabas ku Saulo rua tu ma siveta wurâta tonje. Miki ma kaonzi yâti nana siveta wurâta nînde.” ³ Mine kala sika tia, ku simo sikai nona lee marumbu lâ, nîneŋga sio mbaunzi kâki lâ kinzi rua kulunzi ku situ nzâmbe panzi, aku sionzi rua silâ.

Kinzi rua situla Yesu ne pâri ara lâ Saiprus sia

⁴ Koroani Sapâna isupwanzi rua silâ, aku sindue silâ pa Selusia lawea kâ. Sipânnga Selusia lâ, nîneŋga sikâki wânnga tonje kulu aku wânnga ikainzi silâ pa Saiprus sia kâ. ⁵ Kinzi silâ lee sitoa Salamis lawea, nîneŋga situla Maro Kindeni kawa ngua panzi tamâta ikura Juda nenzi luma nana pasauņa kâ rârâni ikeno sia nînde. Aku Yoane Malaka nde imo kunzi isukanzi rua nana nenzi wurâta kâ. ⁶ Aku soka mine lee sikura nia ndoni pa Saiprus sia lâ, nîneŋga silâ sipânnga Pafos lawea. Aku lâ lawea nînde sisânda Juda tamâta tonje kulu, i na mine Ba-Jisas, anga lâ Grik ngua i na tonje tu Elimas. I tamâta nana iveta nzâmbe sakamao kâ, aku uru itula ngua lanęna nâ panzi Juda tamâta. ⁷ I uru ikai wurâta pa koipu tonje, i na mine Sesias Polas. Koipu nînde ne ilo-kalo nde ara nâ; mine kala ipasupwa ilâ panzi Banabas ku Saulo rua tu ma

simâ, nana tu i ilo tu ilonjo Maro Kindeni kawa ngua. ⁸ Andeta Elimas, ina tamâta tini kieke njinde, ande ikai wurâta nana itoto rua nenzi ngua. Itu ma ilele koipu ilo kalo, nana ma ipile ne kalotawana kê. ⁹ Andeta Koroani Sapânga nde ipipi lâ Saulo ilo (sipatu i na wasaseki tu Paulo). Mine kala Paulo mata ilea kaika papa Elimas ku ipai tu, ¹⁰ “Noko Sadana natu! Noko kumo pwai kazânga pa vetânga arara rârâni! Mâsi lanjênga wa mâsi potomule ndoni nde ipipi lâ noko ilo! Noko uru kuyaula Maro Njalae ne nzâla sondo rârâni! Tiambo noko tini pwâka tu kupile mâsi njine, a? ¹¹ Ayo, njinenga kulonjo! Kala njine Maro Njalae ma mbalau nâ ipuno, aku noko mata ma nanga lâ. Kala njine noko ma pwura tu kumora kari tia, aku ma kumo mine ikura zo pinde.”

Paulo iporo mine lâ, njinenga ndainani nâ Elimas mata nanga lâ. Njinde itogo take-take mâmânga ndo imâ ku ipono mata. Aku izizâla nana nia, kala iyoka potomule itâtânjo njananzi tamâta tu ma sikai mbalau situla nzâla papa nana ilâ kê. ¹² Annga koipu njinde nde imora mâsi kaika njine, kala i kalo tawana Maro Kindeni. I wisi motu nana Maro Njalae ne ngua kinzi situla papa njinde.

Kinzi rua situla pâri ara lâ Antiok lawea ikeno Pisidia tâno

¹³ Paulo ikainzi ne tamâta ku sipile Pafos lawea soka silâ, njinenga sikai wânga tonje simbwaliu silâ pa Perga lawea kê, lâ Pamfilia tâno. Sitoa lâ njinde, njinenga Yoane Malaka ipilenzi ku itaulo ilâ pa Jerusalem kilo. ¹⁴ Njinenga sipile Perga, ku soka nzâla silâ sipânnga Antiok lawea ikeno Pisidia

tâno. Aku lâ Juda nenzi pwareña ne zo sapâña, ande soka silâ Juda nenzi luma ñana pasauña kâ ilo, ku lambunzi ndue sisañona. ¹⁵ Ninenğa katonâña tamâta ñana pasauña ne luma kâ nde sipono Mose ne tukuña tava ñgua-tulâña tamâta nenzi ñgua panzi ñgu. Sipono marumbu lâ, ñinenğa sipasupwa imâ panzi Paulo tavanzi tamâta uru simo kuku ñinde tu simandi. Aku sipainzi tu, “Nima-nambwe, ambo nemi ñgua tâ keno ñana kapu tini kaika panzi tamâta kâ, ande ara, ñine nâ katula pama.”

¹⁶ Ninenğa Paulo imandi, mbau kâki, ku iporo tu, “Miki Isrel tamâta anğa miki tamâta lâ ñgu pinde uru kawâñgi pa Maro Kindeni, kalonjo ñga. ¹⁷ Muñgani Isrel nenzi Maro Kindeni ipateanzi timbunda pa i tamwata. Aku lâ zo ñinde kinzi simo lombo nâ lâ Isip tâno, ande ivetanzi sipânga kambwanzenzi walo. Aku simo lee ku muli, ñinenğa Maro Kindeni imandi tava tamwata ne kaika ñalae ku ikainzi sipile Isip ku siyâti silâ. ¹⁸ Kinzi simo nia bilimu ikura mbwera tamâta rua lâ, aku Maro Kindeni ikatonanzi ikura mbwera ñinde ndoni. ¹⁹ Ninenğa sipânga Kenan tâno, ande Maro Kindeni izavarunzi tamâta ñgu lima kanaño rua, aku ikai nenzi tâno sañenzi ku ilanzi Isrel, itogo tamâta uru kelekele ilanzi natu mine. ²⁰ Vetâña ñinde rârâni ande ikura mbwera tamâta ñalae ñapa kanaño tamâta rua kanaño sañao (450) mine. Aku muli, ñinenğa Maro Kindeni ipateanzi tamâta pinde tu ma sikai katonâña panzi Isrel ñgu. Aku simo mine lee ikura ñgua-tulâña tamâta Samyuel ne zo. ²¹ Ninenğa Isrel ñgu ilonzi tu tamâta tonje ma

ipânnga imo koipu n̄alae panzi. Mine kala Maro Kindeni isâu pa Saulo tu ma ikai poe panzi kâ. Saulo nde Kis natu, lâ Benjamin ne vâsa n̄gu. Aku Saulo ikai koipu ikura mbwera tamâta rua lâ. ²² Saulo ne zo marumbu lâ, n̄inennga Maro Kindeni isoki Saulo aku io Daviti ikai koipu panzi. Maro Kindeni iporo n̄gua n̄ana Daviti kâ mine tu,

‘Naŋa asama Jesi natu Daviti kilala tu i ilo ndo keno pa naŋa. I ma iveta ikura nanenngu pateânnga ndoni.’

²³ Aku Maro Kindeni munnga ipa n̄gua tu ma io Isrel nenzi Yautânnga Tamwata Yesu imâ ipânnga lâ Daviti ne vâsa n̄gu, kala ipânnga ikura n̄gua pânnga mine. ²⁴ Yesu imâ ipânnga lâ, andeta ipatua lâ tamâta naonzi tia yo. Ande lâ zo n̄inde Yoane Lââ-Liliŋa Tamwata itula n̄gua panzi Isrel n̄gu tu ma sipalele ilonzi kalonzi ku sikai lââ-liliŋa. ²⁵ Aku zo imâ ipânnga laiti lâ n̄ana Yoane Lââ-Liliŋa Tamwata ne wurâta ma marumbu kâ. Mine nde ikasonjanzi Isrel n̄gu tu, ‘Miki katu naŋa nde ea, a? Naŋa n̄andai tamâta miki uru kao tinimi papa n̄inde n̄ga. Andeta kalonjo n̄ga! Tamâtani ndaina iyoka naŋa mulinngu mwanga imâ. Naŋa nde tamâta kaa nâ, aku nanenngu ara ikeno n̄ana ayaute i kie kâmba ne wâlo piti, ande tia.’

²⁶ Ninngu-nambwe wukale, miki tamâta lâ Abraham ne vâsa n̄gu wa miki tamâta pa n̄gu pinde uru kamege n̄ana Maro Kindeni kâ wa, miki kalonjo n̄ga. Maro Kindeni itula n̄gua pwataki pa kinda lâ n̄ana i ne mâsi n̄ana ikainzi tamâta piti lâ kondoma ilo. ²⁷ Kinzi tamâta simo Jerusalem sitavanzi nenzi katonânnga n̄andai sisama Yesu kilala sondo n̄ga, kala

sio i lâ ngua nia. Andeta nenzi vetâña ndainani iveta ngua-tulâña tamâta nenzi ngua ipânga kanaño, nguani ñinde kinda uru taponu ikura pwareâña ne zo sapâña ndoni. ²⁸ Kinzi ñandai sisânda Yesu ne vetâña soki tonje ikura ñana sipu pâta imâte nga, andeta sino Pilata tu ma ipu Yesu pâta imâte. ²⁹ Mao nâ, siveta vetâña rârâni pa Yesu ikura muñga kinzi ngua-tulâña tamâta singere ngua tu ma siveta mine. Ñineña sikai Yesu karae piti lâ kâi popole tini, ku sio lâ kuru tonje ilo. ³⁰ Andeta ñineña Maro Kindeni ipaño i lâ mateña nianzi imandi imo via kilo, ³¹ aku ikura zo rârâ ipatua panzi tamâta ñinde muñga sipile Galilaya tâno ku sikâki silâ pa Jerusalem lawea kuku i. Kala ñine kinzi tamâtani ndaina kala sikai i parina situla panzi nenda Juda ngu.

³² Ñine maka katula pâri ara pami mine; vetâña ñinde muñga Maro Kindeni ipa ngua kunzi timbunda tu ma iveta, ³³ ande kala ñine iveta vetâñani ndaina pa nenzi vâsa kinda lâ. Mao nâ, ipaño Yesu imandi imo via kilo, kala ngua pâña ñinde ipânga kanaño lâ. Ñinde iyoke ngua pinde ikeno wângiña paneâña kâ ne kerî rua mine tu,
 “‘Noko nde naña natuñgu. Kala ñine naña amo noko tama.’”

³⁴ Maro Kindeni ipaño Yesu lâ mateña nianzi imo via kilo, aku i ma ikura tu imâte itaulo kilo pa mateña nianzi ku isâmbu, ande tia ndo. Ñinde ipânga nia yo lâ Maro Kindeni kawa ngua pinde ngua-tulâña tamâta muñgâña singere lâ pepa tini mine tu,

“‘Naña muñga apa ngua kuku Daviti tu ma aveta vetâña sapâña arara pinde papa, ande kala

ɲine aporo kaika tu naɲa ma aveta vetâɲani ndaina pa mikini. Mao nâ, naɲa ma aveta ikura nanenɲu ɲgua mine.’ ”

³⁵ Aku mine nâ, Daviti kala ɲɲere ɲgua lâ pepa tini ɲana Kirisi kâ mine tu,

‘Naɲa uru apono muli sondo pa noko, aku noko ma kupile karaenɲu isâmbu lâ kuru ilo, ande tia.’

³⁶ Kinda tasama tu Daviti nde ipaveta kuku Maro Kindeni ne pateâɲa lâ i tamwata ne zo ɲinde. Imo mine lee ku muli, ɲinenɲa Daviti imâte lâ kala sikea i karae ilâ kunzi i timbu wukale, aku isâmbu lâ mateɲa nianzi. ³⁷ Anɲa Yesu, ina tamâta ɲinde Maro Kindeni ipaɲo lâ mateɲa nianzi imandi imo via kilo, ande isâmbu tia.

³⁸ Niɲgu-nambwe wukale, mine nde naɲa ilonɲu tu miki ma kaloɲo ku kasama ɲine sondo: Yesu ikura ɲana izavaru nemi kiesaka piti lâ tinimi.

³⁹ Mao nâ, tamâta ea kinzi sio nenzi kalo-tawana ilâ pa Yesu, ande i ma izavaru nenzi kiesaka piti lâ tininzi ku ivetanzi sipâɲga mbâra-mbâra ndo lâ Maro Kindeni nao. Andeta Mose ne ɲgua tukuɲa ikura tu iveta mine, ande tia. ⁴⁰ Mine nde kapakatonsondo ɲga! Tia ma mâsi tonɲe imâ pami, ikura Maro Kindeni ne ɲgua kinzi ɲgua-tulâɲa tamâta muɲga sinɲere lâ pepa tini mine tu,

⁴¹ ‘Miki tamâta ɲana kaporo ɲgua pavaligiɲa kâ, naɲa apaimi tu matami kalea pa mâsi naveta ɲine, ku ilomi ikai wurâta rârâ ɲana, ɲinenɲa kamâte! ɲana tu naɲa ma aveta mâsi kaika tonɲe lâ naomi. Ambo tamâta tonɲe ma itapâri pami ɲana mâsi ɲinde kâ, ande miki ma kalomi tawana i ne ɲgua tia ndo.’ ”

⁴² Paulo iporo ŋgua ŋine marumbu lâ, ŋinenŋa ikai Banabas ku kinzi rua siyâti silâ pa nia yo. Ande kinzi tamâta sino panzi tu lâ pwareâŋa ne zo sapâŋa muli, ande ma sitaulo simâ kilo ku ma situla ŋgua pinde kilo panzi. ⁴³ Ŋinenŋa ŋgu ŋinde sipile luma ŋana pasauŋa kâ aku siyâti, aŋga Juda tamâta pinde sitavanzi tamâta lâ ŋgu pinde nde soka Paulo ku Banabas rua mulinzi. Aku kinzi rua sipainzi tu, “Maro Kindeni ne wisi-wisi nde ikeno pami. Mine nde ara ŋana miki ma kapaveta kuku i ne vetâŋa sondo rârâni ikura zo zo.”

⁴⁴ Aku sânda taitu ilâ lâ, ŋinenŋa pwareâŋa ne zo sapâŋa ipâŋga kilo. Aku tamâta ŋgu ŋalae tina lâ lawea ŋinde nde simâ sipasau lâ, simo taitu ŋana siloŋo Maro Ŋalae ne ŋgua kâ. ⁴⁵ Andeta kinzi Juda tamâta simoranzi ŋgu ŋalae silâ taitu, kala sipadâda ŋananzi Paulo ku Banabas rua. Mine kala sikai wurâta ŋana sitawa Paulo ne ŋgua ndue. Aku siporo ŋgua pavaligiŋa papa tona. ⁴⁶ Mine nde Paulo ku Banabas rua siporo ŋgua kaika tauro panzi mine tu, “Mao nâ, Maro Kindeni ne pateâŋa ikeno tu maka rua ma katula i kawa ŋgua pa miki Juda ŋgu tu kaloŋo muŋga lâ ŋga. Andeta miki kapu mulimi pa ŋgua ŋinde lâ, aku ŋine itula kilalami pwataki tu miki warakami tinimi pwâka ŋana kamo viami ku kamo nâ. Mine nde kaloŋo ŋga; kala ŋine maka rua ma kapilemi ku ma kalâ panzi tinikoa ŋgu. ⁴⁷ Ŋana tu nanayoni Maro Ŋalae Kindeni iporo ŋgua pa Kirisi, aku ŋgua ŋinde imâ pa maka rua tona. Ŋgua ŋinde nde mine; ‘Naŋa avetano kupâŋga kutogo sinâla mine panzi tinikoa ŋgu, ŋana kuvilanzi tamâta simo lawea ndoni lâ tâno kulu. Noko ma kutula

nzâla panzi ñana akainzi piti lâ kondoma ilo ku via mao alanzi.’ ”

⁴⁸ Kinzi tamâta lâ tinikoa ñgu nde siloño Paulo ne ñgua ñine, aku ilonzi ara ndo. Ilonzi ndeka nâ ñana siloño Maro Ñalae ne ñgua. Aku tamâta ñinde muñga Maro Kindeni ipateanzi tu ma sikai via mao ñana simo vianzi ku simo nâ, ande kinzi ñinde rârâni kalonzi tawana Yesu.

⁴⁹ Aku Maro Ñalae kawa ñgua ilâ isala nia ñinde ndoni. ⁵⁰ Andeta kinzi Juda tamâta siporo sisowe taine mbaliña warakanzi pinde ilonzi, kinzi ñinde uru simege ñana Maro Kindeni kâ. Aku sisowe lawea ñinde ne tamâta ñalañala ilonzi tona. Mine kala tamâta ñinde simandi ñana siyaulanzi Paulo ku Banabas rua, aku siñaranzi rua ñana nenzi lawea kâ. ⁵¹ Mine kala kinzi rua sipamasi kenzi tâno gawura piti, ñana itula tamâta ñinde nenzi vetâña ñinde kilala pwataki tu sakamao. Siveta mâsi ñine lâ, ñineñga soka silâ pa Aikoniam lawea. ⁵² Aku kinzi kalo-tawana tamâta lâ Antiok lawea sindeka pâta kanaño, aku Koroani Sapâña ipipi lâ ilonzi.

14

Paulo ku Banabas rua situla pâri ara lâ Aikoniam lawea

¹ Paulo ku Banabas rua silâ sipâñga Aikoniam lawea, ñineñga silâ Juda nenzi luma ñana pasaunja kâ ilo, aku situla ñgua panzi tamâta, itogo uru siveta lâ lawea pinde mine. Situla ñgua ara pâta kanaño. Mine kala tamâta rârâ kalonzi tawana Yesu, kinzi Juda tamâta wa kinzi tamâta lâ tinikoa ñgu wa.

² Anḡa Juda tamâta pinde tininzi pwâka tu kalonzi tawana, aku kinzi ḡinde nde siporo sisowe tinikoa tamâta ilonzi kala wisinzi nâna panzi kalo-tawana tamâta. ³ Mine kala kinzi rua simo Aikoniam lawea ikura zo luandondo, aku simandi kaika ḡana situla Maro ḡalae ne ḡgua. Aku Maro ḡalae io walo ḡalae imâ panzi, kala siveta mâsi ḡalajala kie-kie. Maro ḡalae iveta mine ḡana kinzi tamâta ma sisama tu ḡgua ḡinde rua situla ḡana i ne wisi-wisi kâ, ande ḡgua mao kanoḡo. ⁴ Andeta tamâta simo lawea ḡinde nde sipwa pwataki mo ḡgu rua. Pinde nde sio ilonzi ilâ taitu kunzi Juda tamâta, anḡa pinde nde sio ilonzi ilâ taitu kunzi pâri-tamâta. ⁵ Mine kala kinzi tinikoa tamâta pinde wa Juda tamâta pinde nde simandi kunzi nenzi katonâḡa, ku sipa ḡgua tu ma sizavarunzi Paulo ku Banabas rua. Situ ma sisianzi lâ mira ḡana sipunzi rua pâta simâte. ⁶ Andeta kinzi rua siloḡo ḡgua ḡine, kala sikâwa silâ pa lawea rua ikeno pa Likonia tâno, ḡanzi tu Listra lawea ḡa Derbe lawea. ḡineḡa silâ pa lawea pinde ikeno lawea rua ḡinde tininzi laiti. ⁷ Aku siveta wurâta ḡana situla pâri ara panzi tamâta simo nia ḡinde.

Paulo ku Banabas rua situla pâri ara lâ Listra lawea

⁸ Aku tamâta tonḡe imo Listra lawea, i kie kaika tia, mbariri lâ. Nia ndoyo, lâ zo ḡinde tina ipagugua, ande i kie sakamao mine. Mine kala isama ḡana yokâḡa kâ, ande tia. ⁹ Tamâta ḡinde isanoḡa itambira taḡa sondo pa ḡgua Paulo itula ḡinde. ḡineḡa Paulo mata ilea kaika papa, aku isama tu tamâta ḡinde ne kalo-tawana ipâḡa lâ,

kala ikura tu ma kie ara. ¹⁰ Mine kala Paulo isarâwa kaika tu, “Njine nâ kupagagati ku kumandi sânda n̄ga!” Aku ndainani nâ tamâta njinde ipatiki imandi sânda ku iyoka.

¹¹ Kinzi tamâta rârâ matanzi simora Paulo iveta mâsi njinde, ande kala siporo Likonia lawea nenzi n̄gua kawanzi n̄jalae mine tu, “Opopo, kinzi maro sipupulia sipân̄ga sitogo tamâta mine, kala sindue simâ pa kinda lâ!” ¹² Njine n̄ga sipatu Banabas n̄a ton̄ge tu Sus (ina Grik n̄gu nenzi maro n̄jalae). An̄ga Paulo nde tamâta n̄ana iporo n̄gua kê, kala sipatu i n̄a tu Hermes (ina Grik n̄gu nenzi maro n̄ana itula n̄gua kê). ¹³ Sus ne luma sapân̄a imandi lawea ndainani n̄gan̄e, aku i ne patarawân̄a tamâta tavanzi tamâta pinde situ siveta patarawân̄a panzi Paulo ku Banabas rua. Mine kala sikai simbi tava kêi lau sin̄gâra nitun̄a pinde, aku simâ pa lawea njinde ne ngumbi nzâla kawa.

¹⁴ Andeta Maro N̄jalae ne pâri-tamâta Banabas ku Paulo rua nde silon̄o n̄gua n̄ana vetân̄a njine kê, aku sisaraka warakanzi nenzi pasawan̄a, n̄ana situla lawea njinde nenzi vetân̄a njinde kilala pwataki tu soki ndo. Njine n̄ga sipalilu silâ tamâta n̄gininzi, ande kawanzi n̄jalae siporo tu, ¹⁵ “Wa, miki tamâta n̄ai, n̄ana sâ kê n̄ga kaveta mine, a? Maka rua nde tamâta nâ, katogo mikini mine. Maka katula pâri ara pami ku kapaimi tu ma kapile vetân̄a kaa kaa njine, ku kalomi tawana Maro Kindeni Via Tamwata. Ina nia ndoyo ipulia samba wa tâno wa tâi wa kelekele rârân̄i simo nia ndoni. ¹⁶ Mao nâ, mun̄ga Maro Kindeni isâu pa miki tinikoa n̄gu ndoni tu ma kaveta ikura warakami nâ nemi ilokalo mine. ¹⁷ Andeta i n̄andai ipavea tamwata

kilala njanami nga. I uru iveta kie ara nâ pami mine; io karâzi imbe indue imâ pami, kala iveta kâpwa kie-kie ipânga lâ ne zo sondo. Mao nâ, irombomi ara nâ kala io kâpwa ipânga maria pami, kala ilomi ndeka.” ¹⁸ Kinzi rua siporo ngua mine panzi nana isowe ilonzi kalonzi tu ma sipile nenzi patarawânga njinde. Andeta kinzi pinde ilonzi njalae tu ma siveta patarawânga panzi rua.

Kinzi mira nâ sisia Paulo

¹⁹ Andeta njinenga Juda tamâta pinde pa Antiok lawea wa Aikoniam lawea ande simâ sipânga Lистра lawea, aku sisowenzi tamâta ilonzi kalonzi pwapwataki. Mine kala ngu njalae sikai mira sisia Paulo pâta tu ma imâte, njinenga silae i karae mateŋa nâ silâ pa lawea njanje. Kinzi situ Paulo nde imâte lâ. ²⁰ Andeta tia. Kinzi kalo-tawana tamâta simâ simandi sinje Paulo lâ, njinenga imandi sânda kilo ku iyoka itaulo ilâ lawea ilo. Aku wurita kilo, njinenga ikai Banabas, ku rua sipile Lистра ku silâ pa Derbe lawea.

²¹ Kinzi rua situla pâri ara lâ lawea njinde, aku tamâta ngu njalae sipalele ilonzi kalonzi ku sipânga kalo-tawana tamâta. Aku simo lee, njinenga sitaulo silâ pa Lистра lawea, nga Aikoniam lawea, nga Antiok lawea kilo. ²² Aku lâ lawea njato njinde, kinzi rua sipu tini kaika panzi kalo-tawana tamâta ilonzi kalonzi. Siporo ngua kaika mine tu, “Ara nana nemi kalo-tawana ma ikeno kaika. Kalonjo nga; ambo ilonda tu talâ Maro Kindeni ne ngumbi ilo, ande malia kie-kie rârâ ma ipânga pa kinda munja lâ nga.” ²³ Aku ikura lawea ndoni, kinzi rua sipateanzi tamâta pinde nana sikai katonânga panzi

kalo-tawana tamâta ngu ngu. Kinzi uru siveta mâsi mine; situ kaika nana sika kâpwa kâ, nana ma sikai noŋa nâ, ninenŋa sionzi katonâna ninde silâ Maro Njalae mbau ilo, ina kinzi muŋga sio nenzi kalo-tawana ilâ papa.

Paulo ku Banabas rua sitaulo silâ pa Antiok lawea lâ Siria tâno

²⁴ Paulo ku Banabas rua soka silâ pa Pisidia tâno ngini, ninenŋa silâ sipânga Pamfilia tâno. ²⁵ Aku lâ nia ninde kinzi rua situla Maro Njalae kawa ngua panzi tamâta simo Perga lawea. Ninenŋa sindue silâ pa Atalia lawea. ²⁶ Sipânga Atalia lawea lâ, ninenŋa sikâki wânga tonje kulu, aku wânga ikainzi silâ pa Antiok lawea. Muŋga simo lawea ninde, aku lâ zo muŋgâna ninde kinzi kalo-tawana tamâta sionzi rua silâ Maro Kindeni mbau ilo nana ma ikatonanzi wa io ne wisi-wisi ilâ panzi nana siveta nenzi wurâta kâ. Kala kinzi rua siveta wurâta ninde marumbu lâ, kala nîne sitaulo simâ pa laweani ndaina kilo. ²⁷ Kinzi rua sitoa Antiok lawea lâ, ninenŋa sigonanzi kalo-tawana tamâta ndoni simâ taitu. Ninenŋa situla ngua nana vetâna rârâni Maro Kindeni muŋga io lâ mbaunzi tu siveta ninde. Aku sitapâri panzi tu Maro Njalae ikai nzâla piti panzi tinikoa ngu, nana kinzi kala ma sikura tu kalonzi tawana Yesu. ²⁸ Siporo panzi lâ, ninenŋa kinzi rua simo ndaina kunzi kalo-tawana tamâta ikura zo luandondo.

15

Pasaunja njalae ipânga Jerusalem lawea

¹ Andeta tamâta pinde soka Judia tâno simâ pa Antiok, aku siporo situla ngua panzi kalo-tawana tamâta lâ tinikoa ngu mine tu, “Nia ndoyo Mose itula tukuŋa pwataki ŋana karae-veŋa ne mâsi kê. Ambo miki ma kapaive karaemi tia, ande Maro Kindeni ma via mao ilami ŋana kamo viami ku kamo nâ, ande tia.”

² Andeta Paulo ku Banabas rua ilonzi kura tia ndo ŋana nenzi ngua ŋinde kê, kala siporo ngua kaika sipawa kunzi. Mine nde kinzi kalo-tawana tamâta sipateanzi Paulo ku Banabas rua sitavanzi tamâta pinde lâ Antiok lawea tu ma silâ Jerusalem siporo ngua ŋine pwataki panzi pâri-tamâta wa katonâŋa wa. ³ Mine kala sionzi silâ. Soka silâ Fonisia tâno wa Samaria tâno ŋgini, ande siporo wa situla ngua pwataki panzi kalo-tawana tamâta simo nia ŋinde. Sitapâri panzi tu kinzi tamâta papa tinikoa lawea pinde muŋga sipalele ilonzi kalonzi ku kalonzi tawana Maro Kindeni. Aku kinzi kalo-tawana tamâta pa nia ŋinde siloŋo ngua ŋinde kala ilonzi ndeka ŋalae tina. ⁴ Silâ lee sipâŋga Jerusalem lâ, ŋineŋga kinzi kalo-tawana tamâta sitavanzi pâri-tamâta wa kinzi katonâŋa nde sindeka ku sikainzi siveta kenzi ara panzi. ŋineŋga Paulo ku Banabas rua siporo pwataki ŋana mâsi wa vetâŋa rârâni Maro Kindeni isukanzi kala siveta ŋinde.

⁵ Andeta kalo-tawana tamâta pinde lâ Parisai ngu nde simandi ku siporo tu, “Ara ŋana miki tamâta ŋalaŋala ma kaporo kaika panzi kalo-tawana tamâta pa tinikoa nenzi lawea tu ma sipaive karaenzi ku soka Mose ne tukuŋa rârâni muli.”

⁶ Mine kala kinzi pâri-tamâta sipasau kunzi ka-

tonâña tu ma siveta ngua njine sondo. ⁷ Siporo nenzi ngua rârâ marumbu lâ, njinenja pâri-tamâta Petero imandi ku ipainzi mine tu, “Njingu-nambwe wukale, miki kasama tu muŋga Maro Kindeni iwae wurâta pa kinda. Aku ipatea naña tu ma atula i kawa ngua pwataki panzi tinikoa ngu pinde tu ma siloŋo ku kalonzi tawana i nâ. ⁸ Maro Kindeni, ina isama kinda rârâni ilonda pwataki, ande io Koroani Sapâña ilâ panzi tinikoa ngu, itogo muŋga iveta pa kinda mine. Aku ne vetâña njinde itula i tamwata kilala pwataki tu i ilo ara panzi tinikoa ngu tamâta njinde kalonzi tawana i. ⁹ Maro Kindeni njandai iveta vetâña kie tonje panzi tinikoa ngu anja iveta vetâña kie tonje pa kinda nga. Kinzi kalonzi tawana i, aku nana nenzi kalo-tawana njinde nâ iveta ilonzi ipânga mbâra-mbâra. ¹⁰ Mine nde nana sâ kê nga miki pinde katu kaveta samâña pa Maro Kindeni, a? Opopo, sinjani kinda timbunda sikura tu sipono muli pa Mose ne tukuña rârâni tia ndo, aku kinda kala takura tia mine nâ. Mine nde mana mana nga miki katu kasia malia njine kâki lâ kinzi tinikoa kalanzi, a? ¹¹ Andeta maka kaloma tawana tu nenda Maro Njalae Yesu Kirisi ne wisiwisi iveta nzâla pa Maro Kindeni nana ikai kinda piti lâ kondoma ilo ku via mao ilua kinda. Aku ivilanzi tinikoa tamâta lâ nzâlani ndaina, ikura iveta pa kinda mine.” Petero iporo ngua njine.

¹² Kinzi tamâta rârâni kala sipasau simo njinde nde kawanzi buu nâ. Sitambira taŋanzi sondo pa Banabas ku Paulo rua nenzi ngua. Aku kinzi rua sitapâri nana mâsi kaika kie-kie rârâni Maro Kindeni muŋga io lâ rua mbaunzi ipânga nia yo lâ tinikoa ngu pinde nginginzi.

13 Kinzi rua siporo marumbu lâ, ñineŋga Yamesi iporo mine tu, “Ñingu-nambwe wukale, kalonjo nanenġu ŋgua. 14 Kala ñine Saimon Petero itapâri pa kinda tu Maro Kindeni ilo panzi tinikoa tamâta, kala ikainzi tamâta pinde lâ nenzi ŋgu tu simo i tamwata ne tamâta. 15 Aku vetâŋa ñinde iyoke Maro Kindeni kawa ŋgua kinzi ŋgua-tulâŋa tamâta muŋga siŋgere lâ pepa tini mine tu,

16 ‘Muli ŋga naŋa ma ataulo amâ kilo, aku Daviti ne luma muŋga saputi indue ñinde, ande ma aveta wasaseki, ku ma aŋgunu imandi kilo.

17-18 Mine nde kinzi Isrel tamâta pinde ma siroto ŋana Maro Ñalae kê, sitavanzi tinikoa ŋgu tamâta pinde, kinzi ñinde nia ndoyo apateanzi tu ma simo naŋa warakâŋgu nenġu ŋgu. Naŋa Maro Ñalae aveta vetâŋa ñine, ikura nanayoni ilonġu patea tu ma aveta mine.’ ”

19 Yamesi iporo ŋgua ñine lâ, ñineŋga iporo kilo tu, “Mine kala nanenġu pateâŋa ñananzi tinikoa tamâta ñinde kala sipalele ilonzi kalonzi ilâ papa Maro Kindeni, ande mine; kinda ma taponu nzalanzi ku ŋgua tukuŋa rârâ talanzi, ande ma tia.

20 Ambo taitu ara ŋana ma tangere ŋgua ilâ panzi, aku tatu ŋgua tukuŋa ñine nâ panzi: kinzi ma sika simbi muŋga tamâta sipatarâwa panzi maro laŋeŋa, mine ndimo; kinzi ma sipile mâsi kie-kie ŋana sipalulua tininzi potomule kê; kinzi ma sika simbi tamâta sipa ñandola kala imâte, mine ndimo; aku kinzi ma sinu see ndimo. Kala ñaina. 21 Ñana tu nia ndoyo, aku imâ lee ipâŋga lâ zo ñine, ande tamâta pinde uru situla Mose ne ŋgua pwataki ikura lawea ndoni. Aku uru situla ŋguani ndaina

lâ pasauŋa ne luma ndoni ilo ikura pwareâŋa ne zo sapâŋa rârâni.”

Kinzi sinjere ŋgua lâ pepa tini ilâ panzi tinikoa ŋgu pinde

²² Mine kala kinzi pâri-tamâta sitavanzi katonâŋa wa kinzi kalo-tawana tamâta rârâni nde ilonzi taitu. Aku sipa ŋgua tu ma sipateanzi nenzi tamâta rua ku sionzi silâ pa Antiok lawea kunzi Paulo ku Banabas rua. Aku sipateanzi ŋgu nenzi katonâŋa rua; Judas, i ŋa tonje Basabas, aŋga Sailas. ²³ Aku sio pepa tonje iyoka kunzi tona. Lâ pepa ŋinde tini, ande sinjere ŋgua mine tu, “Maka pâri-tamâta wa katonâŋa wa kaŋgere ŋgua lâ pepa ŋine tini imâ pa nima-nambwe miki kalo-tawana tamâta lâ tinikoa ŋgu kamo Antiok lawea wa Siria tâno wa Sisilia tâno wa. Kari ara.

²⁴ Maka kalonjo pâri tu nema tamâta pinde muŋga simâ pami ku siveta ilomi malia ŋana nenzi ŋgua kê. Siveta mine tu ma silele ilomi kalomi. Andeta kinzi ŋandai sikai maka ndamwama kala siveta mine ŋga. ²⁵ Mine nde maka iloma kaloma taitu ŋana kaonzi kuleŋa tamâta pinde soka kunzi nima-nambwe Banabas ku Paulo rua simâ pami. ²⁶ Paulo ku Banabas rua uru situla nenda Maro Nalae Yesu Kiriŋi parina pwataki, kala tamâta pinde situ sipunzi pâta simâte. Taitu kinzi rua ŋandai siruru ŋana ŋinde kê. ²⁷ Mine nde maka kaonzi Judas ku Sailas rua soka kunzi simâ pami, ŋana sisuka ŋgua ŋine kala kaŋgere lâ pepa tini.

²⁸ Maka kakai Koroani Sapâŋa ne ilo-kalo, aku iloma pateo tu ma kao ŋgua tukuŋa rârâ imâ pami, ande tia. Miki ma kapaveta kuku tukuŋa ŋine nâ;

29 Miki ma kaka simbi mun̄ga sipatarâwa panzi maro lan̄eṅa, mine ndimo. Miki ma kanu see ndimo. Simbi n̄inde tamâta sipa n̄andola kaika kala imâte, miki ma kaka n̄inde ndimo. Aku miki ma kapalulua tinimi potomule ndimo. Ambo ma kapakatona son̄do ku kapaveta kuku n̄gua n̄ine, ande n̄inde ma ara ndo. Kala n̄aina.” Kinzi sin̄gere n̄gua mine lâ pepa tini.

30 N̄ineṅa n̄gu n̄alae nde sionzi tamâta n̄apa n̄inde sindue silâ pa Antiok lawea. Sipân̄ga Antiok lâ, n̄ineṅa sigonanzi kalo-tawana tamâta rârâni, ku pepa n̄inde silanzi. 31 Kinzi kalo-tawana tamâta sipono pepa n̄inde aku sin̄deka pâta, n̄ana tu n̄gua ara n̄inde ipu tini kaika pa ilonzi kalonzi. 32 Aku Judas ku Sailas rua nde tamâta n̄ana situla n̄gua kâ. Mine kala rua siporo n̄gua ara pinde panzi kalo-tawana tamâta n̄ana ipu tini kaika panzi wa isuka nenzi kalo-tawana wa. 33 Kinzi rua simo Antiok lawea ikura zo pinde lâ, n̄ineṅa kinzi kalo-tawana tamâta sipainzi tu “Maro ne wisi-pisi imo kumi”, ku sionzi sitaulo kilo panzi tamâta n̄inde mun̄ga sionzi sindue simâ. [34 An̄ga Sailas nde ilo patea tu ma imo kunzi lâ Antiok.] * 35 Aku Paulo ku Banabas rua kala simo Antiok lawea ikura zo pinde, ku sipanananzi tamâta wa situla pârî ara n̄ana Maro N̄alae kâ panzi wa. Aku tamâta pinde rârâ kala siveta wurâtani ndaina kunzi tona.

Paulo ku Banabas rua sipwa pwataki

* **15:34:** Nia ndoyo, n̄gua n̄ine kala ikeno n̄gumbi ilo [], ande ikeno lâ pepa tini tia. Mine kala kinzi ilo-kalo tamâta situ tamâta ton̄ge ipân̄ga lâ muli nde isen̄ge n̄gua n̄ine ilâ kuku n̄gua ikeno mun̄ga.

³⁶ Zo pinde ilâ lâ, ñinenğa Paulo ipai Banabas tu, “Ayo, kinda rua ma tataulo kilo takalelenzi ninda-nambwe lâ lawea rârâni munğa tamo ku tapanananzi Maro Njalae kawa ngua ñinde. Naņa atu asama mine; kinzi simo mana.” ³⁷ Banabas isâu pa Paulo ne ngua lâ, aku itu ikai Yoane Malaka iyoka kunzi silâ. ³⁸ Andeta Paulo ilelea Banabas ñana ne ngua ñinde kâ, ñana tu munğa Malaka tini pwâka ñana iveta wurâta kunzi, kala ipilenzi rua lâ Pamfilia lawea. ³⁹ Mine kala Paulo ku Banabas rua ilonzi nâna sipawa ngua ñalae ñinde, kala ikura ñana rua ma siveta wurâta lâ nia taitu, ande tia. Tia ku Banabas ikai Yoane Malaka iyoka kuku, aku rua sikâki wânğa tonĝe kulu silâ pa Saiprus sia. ⁴⁰ Anĝa Paulo nde ikai Sailas, aku rua silâ. Ande kinzi kalo-tawana tamâta situ nzâmbe panzi rua mine tu, “Maro Njalae ne wisi-wisi imo kumi”. ⁴¹ Kinzi rua soka nzâla silâ Siria tâno wa Sisilia tâno ñgini, ande siveta wurâta ñana sipu tini kaika panzi kalo-tawana tamâta ñgu ñgu.

16

Timoti iyoka kunzi Paulo ku Sailas rua

¹ Paulo iyoka ilâ ipânĝa Derbe lawea, ñinenğa ilâ ipânĝa Listra lawea. Aku kalo-tawana tamâta tonĝe imo Listra, i ña mine Timoti. I tina nde Juda ñgu nenzi kalo-tawana taine, anĝa tama nde Grik lawea warika.

² Kinzi kalo-tawana tamâta simo Listra lawea wa Aikoniam lawea nde uru situla Timoti parina mine tu i nde tamâta ara. ³ Mine nde Paulo ilo pateo tu ma ikai Timoti iyoka kunzi. Andeta i kalo loko ñananzi Juda tamâta simo nia

ņinde, ņana tu kinzi sisama tu Timoti tama nde Juda tamâta tia. Mine kala Paulo ikai Timoti ku ive karae, ikura Juda nenzi ņgua tukuņa ikeno mine. ⁴ Iveta ņine lâ, ņinenņa soka silâ lawea lawea situla ņgua tukuņa ņinde muņa kinzi pâri-tamâta wa katonâņa siporo sipa lâ Jerusalem lawea, ņana kinzi kalo-tawana tamâta lâ tinikoa ņgu ma sipaveta kuku. ⁵ Mine kala ikura zo zo tamâta pinde kalonzi tawana Yesu, ande kala kalo-tawana tamâta sipâņa kambwanenzi rârâ. Aku nenzi kalo-tawana ipâņa kaika lâ.

Paulo imo Troas lawea ku imbipole imora Masedonia tamâta tonje

⁶ Kinzi soka silâ lee sipâņa Frigia tâno wa Galesia tâno wa. ņana tu muņa Koroani Sapâņa indi kaika panzi tu ma siporo situla ņgua lâ Esia tâno ndimo. ⁷ Soka silâ sipâņa Misia tâno ņganje, ņinenņa situ ma soka silâ pa Bitinia tâno kê. Andeta Yesu ne Koroani ipono nzalanzi. ⁸ Tia ku sinņenge ņana Misia tâno ku soka sindue pa Troas lawea. ⁹ Silâ sipâņa lâ, aku mbo, ņinenņa Paulo imora mâsi tonje itogo mbupuleņa mine. Imora Masedonia lawea warika tonje imandi isarâwa papa tu, “Maka kano pano tu kumbwaliu kumâ pa Masedonia ņana kuvilama.” ¹⁰ Paulo imora mâsi ņine lâ, ņinenņa walele nâ maka karoto nzâla ņana kalâ pa Masedonia kê. ņana tu maka kasama tu Maro Kindeni ipateama tu ma katula pâri ara panzi.

Lidia ipâņa kalo-tawana taine

¹¹ Maka kakai wâņa tonje lâ Troas lawea, aku wâņa ikâwa nao sondo ilâ pa Samotres sia kê.

Aku wurita kilo wânnga ikâwa nao ilâ pa Neapolis lawea. ¹² Maka katoa Neapolis lâ, nînennga koka nzâla kalâ kapânnga lâ Masedonia nenzi lawea njae tonje, i na tu Pilipai lawea. Munga Rom ikai lawea nînde kala sikatona. Aku maka kamo lawea nînde ikura zo pinde. ¹³ Kamo lee, ku pwareânnga ne zo sapânnga ipânnga lâ. Mine nde kapile lawea nînde ne ngumbi nzâla, aku kayâti kalâ pa lââ tonje pwali. Maka katu nia nînde nde Juda nenzi nia nana silâ taitu sikai nona kâ. Aku kamoranzi taine pinde sipasau sisanona lââ pwali, kala kasanona kaporo ngua kunzi.

¹⁴ Aku Taiataira lawea taine tonje, i na mine Lidia, ande imo nînde kala ilonjo nema ngua. Taine nînde uru iveta wurâta nana mbaliņa kâ lâ lalava nîni, aku uru iwânngi pa Maro Kindeni. Mine kala Maro Kindeni ilele i ilo kalo, kala Lidia kalo tawana Paulo ne ngua nînde. ¹⁵ Nînennga i taine ilili pâri ara ne lââ, tavanzi tamâta uru simo ne luma nînde. Silili lâ, nînennga Lidia iporo tu, “Ambo miki ilomi tu nanenngu kalo-tawana ilâ mao pa Maro Njale, ande ara, kamâ kamo nanenngu luma.” Iveta kaika pama, kala koka pa i ne ngua nînde.

Kinzi sionzi Paulo ku Sailas rua lâ luma saka-mao ilo lâ Pilipai lawea

¹⁶ Zo tonje maka koka kalâ pa nia nana nona kâ, andeta taine tonje ipakâtu kuma lâ nzâla. I uru iveta wurâta koa tia nâ panzi tamâta pinde, aku koroani saka ipakâe kuku. Koroani saka nînde uru itula ngua paveânnga nâ papa, aku i kala uru ikasona koroani saka nînde nana ngua kie-kie, kala iporo itula papa. Mine kala taine nînde ne tamâta

ɲalaɲala uru sikai mbumbu ɲalae ɲana ɲinde kâ.

¹⁷ Taine ɲinde iyoka Paulo wa maka mulima ku isarâwa mine tu, “Kinzi tamâta ɲine nde Maro Kindeni âta Tamwata ne wurâta tamâta, kala situla i ne nzâla ɲana ikai kinda piti lâ kondoma ilo!”

¹⁸ Ikura zo zo taine ɲinde iveta mine ku imo nâ. Iveta lee, ku Paulo nde ɲga tini pwâka lâ. Mine ku zo tonje ipupulia nao lâ, ku ipai koroani saka tu, “Nana aporo kaika pano lâ Yesu Kirisi ɲa tu ɲine nâ kupile taine ɲine ku pwâwa kulâ!” Aku walele nâ koroani saka nde ipile taine ku ikâwa ilâ.

¹⁹ Taine ɲinde ne tamâta ɲalaɲala nde simora tu Paulo ne mâsi ɲinde ipono nzalanzi marumbu lâ, kala ma sikura tu sikai mbumbu pinde kilo ɲana taine ne wurâta kâ, ande tia. Mine kala sikainzi Paulo ku Sailas rua kaika, ku sionzi silâ pa ao ɲgini ɲana simandi koipu naonzi. ²⁰ Sikainzi silâ pa ɲgua nia, ku sipainzi ɲgua-samâɲa tamâta tu, “Tamâta rua ɲine nde Juda tamwatanzi, aku rua siveta wisi-motu wa rurunɲa ɲalae panzi tamâta lâ nenda lawea ilo. ²¹ ɲana tu rua uru situla ɲgua ɲana vetâɲa pinde, andeta tukuɲa indi kaika pa kinda Rom tamâta tu ma ilonda pa vetâɲa mine ku tapaveta kuku ndimo.”

²² Aku tamâta râra kala sisowe ɲgua laɲeɲa mine nâ lâ Paulo ku Sailas rua tininzi tona. Mine kala ɲgua-samâɲa tamâta sikai rua nenzi pasawaɲa piti lâ tininzi, ku sipainzi sambara tu ma mbilâo nâ sipalilinzi. ²³ Sipalilinzi pâta lâ, ɲineɲga sionzi lâ luma sakamao ilo. Aku siporo ɲgua kaika pa luma sakamao ne katonâɲa tamâta tu ma mata ilea kaika panzi. ²⁴ Luma sakamao ne katonâɲa nde ilonjo ɲgua kaika ɲine, kala ikainzi rua ionzi silâ

luma ilo ngini tamwata. Ninennga ipa kenzi kaika lâ kâi tini.

²⁵ Aku lâ mbo ngini-ngini, ande Paulo ku Sailas rua sikai nonja wa siwângi wângiņa paneņa kâ pa Maro Kindeni. Aku kinzi tamâta simo luma sakamao ilo kunzi ninde nde sitambira tananzi panzi. ²⁶ Andeta walele nâ ogigi ririņo ŋalae, ku iwawala luma ninde yâti taulo. Aku ndainani nâ luma sakamao ninde ne nzâla rârâni pââsââ, ku kawa maa lâ. Aku wâlo nimbu rârâni nde pââsââ piti lâ tamâta ninde rârâni tininzi tona. ²⁷ Luma sakamao ne katonâņa tamâta nde imandi sânda, andeta mata ilâ imora nzâla rârâni kawa maa nâ ikeno. I ilo pateo tu tamâta rârâni nde sikâwa silâ lâ, ande kala mbau ilâ ipasu ne pila ŋalae yâti tu ma ipasowe tamwata kapwa imâte kâ. ²⁸ Andeta Paulo isarâwa kaika tu, “Wa, kupayaula tamwata karae ndimo! Maka rârâni kamo ŋai mbo!”

²⁹ Tia ku katonâņa tamâta isarâwa ŋana sinâla kâ, ninennga ipalilu ilâ luma ilo. Iruru pâta ku tini rururu, aku ilâ itundu Paulo ku Sailas rua tininzi laiti. ³⁰ Ninennga imandi ku ikainzi rua siyâti silâ pa nia yo, aku ikasonanzi tu, “Miki tamâta ŋalae, naņa ma aveta mana ninennga Maro Kindeni ma via mao ilua naņa.” ³¹ Ande kinzi rua sipai tu, “Ambo noko ma kalo tawana Maro ŋalae Yesu, ande Maro Kindeni ma via mao ilano, ma kumo via mine ku kumo nâ. Aku i ma ivilanzi noko natu-kaiwa kala mine nâ.” ³² Ninennga kinzi rua siporo situla Maro ŋalae kawa ŋgua pa tamâta ninde tavanzi tamâta rârâni uru simo ne luma. ³³ Aku lâ zo ndainani, lâ mboni nâ, ande ikainzi rua silâ ku ipua nenzi nzimba, aku i tamwata wa natu-kaiwa nde silili pâri ara ne

lââ. ³⁴ Nînennga ikainzi Paulo ku Sailas rua sikâki silâ i ne luma ilo, aku kâpwa ilanzi sika. I tamwata wa kaiwa-natu nde sindeka pâta kanaŋo, ŋana tu kinzi nînennga kalonzi tawana Maro Kindeni.

³⁵ Simo lee mbwale pwataki lâ, nînennga ŋgua-samâŋa tamâta sionzi sambara simâ ku sipai katonâŋa tamâta nînde tu, “Kuyautenzi rua piti silâ”.

³⁶ Aku luma sakamao ne katonâŋa tamâta nde ikai ŋgua nînde imâ pa Paulo, aku ipai tu, “Kinzi ŋgua-samâŋa tamâta nde sipasupwa imâ tu ma ayautemi piti. Mine nde miki koka tava ilomi kalomi ara nâ kalâ.”

³⁷ Andeta Paulo ipainzi sambara taulo tu, “Opopo, maka rua nde katogo Rom lawea warakama, andeta sipu maka koa tia nâ lâ kinzi ŋgu naonzi, nînennga sioma lâ luma sakamao ilo. Andeta kinzi muŋga simora nema vetâŋa soki tonŋe nînennga sio ŋgua ŋanama, ande tia. Kala nîne sipavea nâ ku situ sio maka kalâ, a? Tia ndo kanaŋo! Kinzi warakanzi nâ ma simâ ŋana sikaima kayâti pa nia yo!”

³⁸ Kinzi sambara tamâta sikai ŋgua nînde silâ siporo panzi ŋgua-samâŋa tamâta. Kinzi silonŋo ŋgua tu kinzi rua nde Rom lawea warakanzi, kala wisinzi motutu. ³⁹ Kalonzi sukâŋa ku silâ siporo ŋgua mwasa nâ panzi rua, nînennga sikainzi siyâti silâ pa nia yo. Nînennga sino panzi tu ma sipile lawea nînde ku silâ pa nia pinde. ⁴⁰ Nînennga Paulo ku Sailas rua sipile luma sakamao ku silâ pa Lidia ne luma. Sipasau kunzi kalo-tawana tamâta pinde ku siporo ŋgua panzi ŋana ipu tini kaika pa ilonzi kalonzi kâ. Siporo lee marumbu lâ, nînennga kinzi rua sipilenzi ku silâ.

17

Kinzi tamâta lâ Tesalonaika lawea sikai kazânga panzi Paulo ku Sailas rua

¹ Paulo ku Sailas rua soka silâ sipânga Ampipoli lawea, aku soka lee sipânga Apolonia lawea. Njineŋga sipile lawea njinde ku soka silâ sipânga Tesalonaika lawea. Juda ngu nenzi luma nana pasauŋa kâ tonje ikeno lawea njinde.

² Aku Paulo iveta ikura muŋga uru iveta mine, ku mbwani n̄ato, lâ Juda nenzi pwareânga ne zo sapânga pinde, ande ilâ luma nana pasauŋa kâ ilo kunzi ku iporo itula Maro Kindeni kawa ngua panzi. ³ Itula Maro Kindeni kawa ngua duvi pwataki ku ipainzi tu, “Maro Kindeni ipatea Kirisi tu ma ikai n̄ana ku imâte lâ, njineŋga imandi imo via kilo.” Aku Paulo iporo tu, “Yesu, ina tamâta kala njine atula i parina pami, ande inani tamwata nde Kirisi.” ⁴ Kinzi Juda tamâta pinde lâ lawea njinde silonjo ngua njinde ku kalonzi tawana Yesu, njineŋga sipono muli panzi Paulo ku Sailas rua. Aku Grik tamâta pinde uru siwâŋgi sipanea Maro Kindeni, ande kinzi kala kalonzi tawana tona. Kinzi Grik tamâta njinde kambwanenzi n̄alae. Aku tamâta n̄alajala pinde kaiwanzi taine kala kalonzi tawana mine n̄a.

⁵ An̄ga Juda tamâta rârâ nde sipadâda nana njine kâ. Mine kala silâ pa ao ngini ku sigonanzi tamâta sakamao pinde sikainzi simâ, njineŋga sisowe ngu n̄alae ilonzi kala siveta nduŋeŋa n̄alae, ku simandi nana sizavaru nenzi lawea njinde. Kinzi silâ sinje tamâta tonje ne luma, i n̄a mine Jeson, ku siroto n̄ananzi Paulo ku Sailas rua. Ilonzi tu ma sionzi

rua siyâti simandi nia yo lâ ngu naonzi. ⁶ Andeta sisânda rua kulunzi tia. Tia ku silae Jeson tavanzi kalo-tawana tamâta pinde, aku sikainzi silâ panzi lawea ñinde nenzi tamâta mbâna-mbâna. Aku sisarâwa panzi tu, “Kinzi tamâta ñai nde siveta mâsi sakamao ipânga tâno rârâni, kala ñinennga simâ sipânga ñine, ⁷ kala Jeson ikatonanzi lâ ne luma ilo. Kinzi tamâta ñinde rârâni nde sipu mulinzi pa Koipu Ñalae Kaisara ne tukuña, aku siporo tu, ‘Koipu ñalae tonge nde imâ muñga lâ, i ña mine Yesu.’” ⁸ Lawea ñinde ne tamâta mbâna-mbâna nde silonjo ñgua ñinde lâ, ñinennga kinzi sitavanzi ñgu ñalae ñinde nde wisinzi nâna ndo. ⁹ Ñinennga siveta pa Jeson tavanzi tamâta pinde tu ma sikonzi ñana kazâña ñinde kâ. Sikonzi lâ, ñinennga kinzi tamâta mbâna-mbâna siyautenzi silâ.

Paulo ku Sailas rua situla ñgua pwataki lâ Beria lawea

¹⁰ Aku lâ mbo ndainani nâ kinzi kalo-tawana tamâta sionzi Paulo ku Sailas rua silâ pa Beria lawea. Silâ lee sipânga Beria lâ, ñinennga silâ Juda nenzi luma ñana pasauna kâ ilo. ¹¹ Aku tamâta simo Beria lawea ñinde nde tamâta ara nâ, sipolenzi Juda tamâta ñinde simo Tesalonaika lawea. Ñana tu ikura zo zo, kinzi tañanzi mwasa nâ sipono Maro Kindeni kawa ñgua ikeno lâ pepa tini. Kinzi situ sisama mine; tiambo Paulo iporo ñgua mao, tiya? ¹² Aku Juda tamâta rârâ nde kalonzi tawana Yesu, aku Grik tamâta ñalañala pinde, kinzi taine wa tamâne wa, ande kala kalonzi tawana mine nâ.

¹³ Andeta muli ñga, kinzi Juda tamâta lâ Tesalonaika lawea nde silonjo ñgua tu Paulo imo Beria

lawea itula Maro Kindeni kawa ngua panzi tamâta simo ninde. Mine kala silâ pa Beria lawea ku sizavaru tamâta ninde ilonzi kalonzi, kala kinzi ilonzi rârâ. ¹⁴ Njana ninde kâ kinzi kalo-tawana tamâta sio Paulo indue walele nâ pa sâwa, ninenga kinzi pinde sikai Paulo sikâki wânga tonje kulu. Anja Sailas ku Timoti rua nde simo Beria laweani. ¹⁵ Ninenga kalo-tawana tamâta ninde sikai Paulo silâ lee sipânga Atens lawea. Paulo itoa ninde, ninenga ionzi tamâta ninde sitaulo kilo, aku ipasupwa ilâ panzi Sailas ku Timoti rua tu ma simâ walele nâ njana ma simo kuku i lâ Atens lawea.

Paulo itula ngua pwataki lâ Atens lawea

¹⁶ Paulo imo Atens lawea io tini njananzi Sailas ku Timoti rua, aku mata ilâ imoranzi maro lanjeja rârâ tainzi simandi lâ lawea ninde. Aku Paulo ilo malia njana Atens lawea ne mâsi ninde kâ. ¹⁷ Mine kala ilâ luma njana pasauja kâ ilo ku iporo ngua kunzi Juda tamâta wa Grik tamâta wa, kinzi ninde uru siwângi sipanea Maro Kindeni. Aku ikura zo zo i uru ilâ pa lawea ninde ao ngini njana iporo kunzi tamâta simo nia ninde tona. ¹⁸ Andeta pananâja tamâta pinde, kinzi ninde papa Epikurian ngu wa Stoik ngu wa, ande siporo sipawa ngua kuku Paulo. Paulo uru itula pâri ara njana Yesu tava ne mandija lâ mateja nianzi. Mine kala pananâja tamâta pinde siporo tu, “Tamâta ndai i tamâta njana iporo ngua kaŋa-kaŋa kâ. Kala njine iporo ngua duvi mana.” Anja pinde nde siporo tu, “Tiambo iporo itula ngua njananzi lawea pinde nenzi maro tâ.”

¹⁹ Tia ku sikai Paulo silâ panzi tamâta njalanjala ninde uru sipasau simo Areopagus ngu nenzi

pasauņa nia. Aku sipai Paulo tu, “Noko uru kutula ŋgua wasaseki panzi tamâta, aku maka katu kasama ŋgua ŋinde kilala. ²⁰ Maka tanjama kalonjo noko kawa ŋgua, ande kasama tu ŋgua ŋinde nde kie piti ndo. Mine kala maka katu kasama ŋgua ŋinde kie sondo.” ²¹ (Kinzi tamâta rârâni lâ Atens lawea, sitavanzi tamâta pinde muņa sipile warakanzi nenzi lawea ku simâ simo Atens, kinzi tamâta ŋinde rârâni nde ilonzi ndo pa ŋgua nâ. Ikura zo zo uru sisaņona ku sipalonjo siveta ŋgua wasaseki pinde.)

²² Njineņa Paulo imandi lâ ilo-kalo tamâta ŋinde naonzi lâ Areopagus ŋgu nenzi pasauņa nia, aku iporo tu, “Miki tamâta lâ Atens, nanenğu morâņa tu miki uru kamandi kaika ndo ŋana kapaveta kuku paneâņa ne mâsi wa wâņgiņa ne mâsi wa. ²³ Nanayoni naņa apete alâ wa amâ wa, aku matâņgu amora nemi maro tainzi. Naņa alea sondo pa kelekele ŋinde, aku amora nemi paneâņa nia tonęe tona. Kinzi muņa singere ŋgua lâ paneâņa nia ŋinde tini mine tu, ‘Njine nde maro tonęe ne paneâņa nia, taitu tasama i kilala tia.’ Ande kala Maro ŋinde miki kazizâla ŋana ku kapanea koa tia nâ, kala njine naņa ma atula i kilala pwataki pami.

²⁴ Maro Kindeni ipulia tâno tava kelekele rârâni ikeno tâno kulu, aku ikai maro pa samba wa tâno wa. Mine kala i uru imo luma sapâņa tonęe tamâta mbaunzi sipa, ande tia. ²⁵ I ilo pa kelekele tonęe kinda tamâta taveta lâ mbaunda ŋana isuka i kê, ande tia ndo. I tamwata nâ uru via wa koroani wa kelekele rârâni ilua kinda tamâta. ²⁶ Nia ndoyo ipulia tamâta taitu nâ, njineņa lâ tamâta ŋinde

ne vâsa ipulianzi tamâta rârâni sipânġa, ku ionzi sikura nia nia lâ tâno kulu. I tamwata nâ muġġa ipatea zo wa tâno ne keru wa lawea wa panzi.

²⁷ Maro Kindeni iveta mine ŋana kinda tamâta rârâni ma taroto ŋana i kâ. Ambo tu kinda ma tatâtânġo lee, ande ma tasânda i kulu. Andeta i uru imo malawae ŋana kinda taitu-taitu kâ, ande tia.

²⁸ ‘Kinda uru takai via lâ i mbau, aku i uru isuka nenda moġġa. Mao nâ, kinda uru tamo i simbo nâ tini laiti.’ Nġinde iyoke ŋġua tonġe nemi ilo-kalo tamâta muġġa siporo tu, ‘Kinda kala tamo i ne vâsa’.

²⁹ Mao nâ, kinda tamo Maro Kindeni ne vâsa. Mine kala kinda ma ilonda pateo tu Maro Kindeni kilala nde itogo ‘gol’ wa ‘silva’ wa mira ara pinde wa, mine ndimo. Aku ma ilonda pateo tu tamâta tonġe ne ilo-kalo wa mbau wa ikura ŋana iveta Maro Kindeni kilala ipânġa itogo pareŋa-mâsi, mine ndimo. ³⁰ Muġġani, ande kinzi tamâta nenzi ilo-kalo tia. Mine kala Maro Kindeni ŋandai wisi nâna ŋana vetânġa rârâni siveta nġinde ŋġa. Taitu lâ zo ŋine i itu ŋġua kaika panzi tamâta simo nia ndoni mine tu, ‘Miki ma kapalele ilomi kalomi’. ³¹ Maro Kindeni ne ŋġua nġinde nde duvi mine; sinġani ipatea zo tonġe ŋana ma ipare nia sondo panzi tamâta rârâni ŋana nenzi vetânġa kâ. I muġġani ipatea tamâta tonġe ŋana ikatona zo ŋalae nġinde kâ. Aku tamâta nġinde imâte lâ, nġineŋġa Maro Kindeni via ilua kala imandi lâ mateŋa nianzi imo via kilo. Aku mâsi nġinde itula pwataki tu Maro Kindeni ne zo ŋalae nġinde ma muli ipânġa mao kanaanġo.” Paulo iporo ŋġua mine.

³² Kinzi tamâta ŋalanġala silonġo Paulo ne ŋġua ŋana

tamâta tonje imandi lâ matenja nianzi imo via kilo, ninenja siporo ngua pavaligiŋa papa. Anja pinde nde siporo tu, “Maka iloma tu zo tonje noko ma kuporo kutula ngua ninde pama kilo”. ³³ Ninenja Paulo ipilenzi ku ilâ. ³⁴ Andeta tamâta pinde kalonzi tawana Yesu, aku sipono muli pa Paulo. Areopagus ngu nenzi tamâta njalae tonje, i ŋa mine Dionisius, ande i kalo tawana Yesu. Aku taine tonje, i ŋa mine Damaris, i kala kalo tawana mine nâ. Aku tamâta pinde kala kalonzi tawana tona.

18

Paulo itula ngua pwataki lâ Korin lawea

¹ Ninde ilâ lâ, ninenja Paulo ipile Atens lawea aku ilâ pa Korin lawea.

² Aku lâ lawea ninde, Paulo isânda Juda tamâta tonje kulu, i ŋa mine Akwila. Akwila nde Pontus lawea warika. Munja i kaiwa Prisila rua soka papa Itali tâno kê simâ, njana tu Rom nenzi koipu njalae Klodius iporo ngua tukuŋa tu kinzi Juda tamâta ma sipile Rom lawea ku silâ pa lawea pinde. Aku Paulo nde ilâ imoranzi Akwila kuku kaiwa rua. ³ Paulo ilo patea tu ma imo kunzi rua, njana tu kinzi uru siveta wurâta taituni itogo Paulo iveta mine. Kinzi uru sisuta meme karae siveta pâla, aku sikai mbaliŋa njana wurâta ninde kê. Mine nde Paulo imo ndaina ikai wurâta kunzi.

⁴ Aku ikura zo zo, lâ Juda nenzi pwareâŋa ne zo sapâŋa rârâni, ande Paulo ilâ Juda nenzi luma njana pasauŋa kê ilo ku iporo ipawa ngua kunzi tamâta simo ninde. Itu ma ikai kinzi Juda tamâta wa Grik tamâta ilonzi kalonzi lâ taitu, njana ma kalonzi tawana Yesu kê.

⁵ Pa zo ñinde Sailas ku Timoti rua sipile Masedonia tâno ku sindue simâ sipânga Korin lawea lâ. Ñineŋga Paulo ipile wurâta ñana isuta meme karae kê, ku iveta wurâta taitu nâ ñana itula pâri ara ikura zo rârani. Iporo kaika itula ŋgua pwataki panzi Juda tamâta tu Yesu tamwata nde Kirisi. ⁶ Andeta kinzi sipaloŋo papa Paulo, ande tia; siporo ŋgua pavaligiŋa nâ papa. Mine kala Paulo iveta mâsi tonje lâ naonzi. I ipu tâno gawura piti lâ ne pasawaŋa tini, aku ipainzi tu, “Ambo miki ma kapayaula, ande ñinde warakami nâ nemi soki. Nanenġu soki tonje ñana ñine kê tia. Kala ñine ma apilemi ku alâ panzi tinikoa ŋgu nâ.”

⁷ Ñineŋga Paulo ipile luma ñana pasauŋa kê, aku ilâ pa Korin lawea warika tonje ne luma, i ña mine Tisias Jastus. Tamâta ñinde uru iwâŋgi pa Maro Kindeni, aku ne luma imandi Juda nenzi luma ñana pasauŋa kê tini laiti. Aku Paulo imo luma ñinde. ⁸ Aku tamâta tonje, i ña mine Krispus, ande uru ikatona Juda nenzi luma ñana pasauŋa kê ñinde. I tavanzi natu-kaiwa nde kalonzi tawana Maro Nalae. Aku tamâta râri lâ Korin lawea kala siloŋo Paulo ne ŋgua ku kalonzi tawana mine nâ, kala silili pâri ara ne lââ.

⁹ Simo lee ku mbo tonje, ñineŋga Paulo imora mâsi tonje lâ ne mbupuleŋa. Maro Nalae iporo papa mine tu, “Noko ma kururu ndimo. Kuporo ŋgua pwataki, aku kusae kawa ndimo. ¹⁰ Ñana tu naŋa ma amo kuno, aku tamâta tonje ma ikura ñana imandi ikai kazâŋa pano wa nâna ilano, ande tia. Nanenġu tamâta kambwanenzi râri nde simo lawea ñine.” ¹¹ Mine kala Paulo imo Korin laweani

ikura mbwera taitu nga nzimona lima kanaanjo taitu, aku imo ipanananzi Maro Kindeni kawa nguani.

¹² Imo lee ku muli, njineŋga Galio ipânga ikai koipu ŋalae lâ Grik tâno. Aku lâ zo njinde kinzi Juda tamâta ilonzi taitu simandi ku sikai kazâŋa pa Paulo. Sikai Paulo silâ pa ŋgua nia, aku siporo tu, ¹³ “Tamâta ŋai uru ipanananzi tamâta ŋana sipu mulinzi pa ŋgua tukuŋa, ŋana tu i uru ipanananzi vetâŋa soki-soki ŋana siwâŋgi sipanea Maro Kindeni.”

¹⁴ Paulo nde itu iporo ŋgua taulo panzi, andeta koipu ŋalae Galio ipainzi Juda tamâta njinde tu, “Opopo, miki Juda tamâta! Ambo tu tamâta njine muŋga ilaŋa ipole ŋgua tukuŋa tâku iveta vetâŋa soki tonje tâ, ande ara, naŋa ma alonjo nemi ŋgua. ¹⁵ Taitu miki kamâ kakasona naŋa ŋana ŋgua wa ŋoa pinde ŋana miki warakami nâ nemi ŋgua tukuŋa kâ. Mine nde kalo loko, miki warakami nâ ma kaveta njine sondo. Naŋa tiningu pwâka tu alonjo ŋgua ŋana mâsi mine kâ.” ¹⁶ Galio iporo ŋgua njine lâ, njineŋga injaranzi ŋana ŋgua nia kâ. ¹⁷ Tia ku kinzi Juda tamâta sikai Sostenes, ina uru ikatona Juda nenzi luma ŋana pasauna kâ, aku sipu pâta lâ ŋgua nia nao. Anŋa koipu Galio nde ilo rârâ ŋana nenzi vetâŋa njinde kâ, ande tia.

Paulo itaulo ilâ pa Antiok lawea kilo

¹⁸ Paulo imo Korin laweani ikura zo pinde lâ, njineŋga ilâ pa Senkria lawea ku igiru i tamwata kulu pwau piti lâ. Iveta mâsi mine ŋana itula panzi tamâta tu i muŋga iveta ŋgua pâŋa tonje kuku Maro Kindeni. Iveta mâsi njinde lâ, njineŋga ikâki

wânga tonje kulu kunzi Prisila ku Akwila rua, aku sipilenzi kalo-tawana tamâta ku silâ pa Siria tâno. ¹⁹ Kinzi silâ lee sitoa Efesus lawea, ñineŋga Paulo ipilenzi Prisila ku Akwila rua. Aku i simbo nâ ilâ Juda nenzi luma ñana pasaŋa kâ ilo, aku iporo ŋgua panzi Juda tamâta simo ñinde. ²⁰ Kinzi Juda tamâta sino Paulo tu ma imo ndaina kunzi ikura zo pinde. Andeta Paulo ipainzi tu, “Naŋa ma amo ñine kuku miki tia.” ²¹ Paulo iveta ñana ma ipilenzi ku ilâ, ñineŋga ipainzi tu, “Ambo Maro Kindeni ma ipatea nzâla pana, ande naŋa ma ataulo amâ amo kumi kilo”. Iporo ŋgua mine lâ, ñineŋga ikai wânga kilo ku ipile Efesus lawea ku ilâ. ²² Wânga ikâwa ilâ lee itoa Sisaria lawea, ñineŋga Paulo ipile wânga ku ikâki ilâ pa Jerusalem lawea. I ilo tu ma iporo ŋgua pinde panzi kalo-tawana tamâta simo ñinde. Iporo ŋgua marumbu lâ, ñineŋga indue ilâ pa Antiok lawea.

Apolos itula ŋgua pwataki lâ Efesus lawea

²³ Paulo imo Antiok lawea ikura zo pinde lâ, ñineŋga ipilenzi ku iyoka ilâ pa lawea pinde ikeno Galesia tâno wa Frigia tâno wa. Ilâ ikura tâno ñinde ndoni ku ipu tini kaika panzi kalo-tawana tamâta rârâni simo ñinde.

²⁴ Aku pa zo ñinde, Juda tamâta tonje, i ña mine Apolos, ande ilâ imo Efesus lawea. I tamwata ne lawea tina nde Aleksandria. I nde tamâta ñana iporo ŋgua ara kâ, aku i muŋga ipanâna sondo ndo ñana Maro Kindeni kawa ŋgua ikeno lâ pepa tini. ²⁵ Kinzi tamâta pinde muŋga sipanana i ñana Maro Nalae ne nzâla kâ, aku i ilo ndo tu ma ipono muli pa Maro Nalae. I uru iporo itula ŋgua sondo nâ

ɲana vetâɲa rârâni Yesu muɲga iveta ɲinde. Taitu isama Yoane Lââ-Liliɲa Tamwata nâ ne lââ-liliɲa. ²⁶ Apolos iruru ɲananzi tamâta, ande tia. Ilâ Juda nenzi luma ɲana pasaunja kâ ilo ku iporo kaika itula ɲgua pwataki. Anja Prisila ku Akwila rua silonjo i kawa ɲgua ɲinde, ɲinenja sikai Apolos silâ nenzi luma ilo ku situla Maro Kindeni nzalani sondo ndo papa.

²⁷ Apolos ɲinenja ilo patea tu ma ilâ pa Grik tâno. Mine kala kinzi kalo-tawana tamâta lâ Efesus lawea ilonzi taitu kuku i, aku sipu tini kaika papa tu ma ilâ kâ. Kinzi singere ɲgua lâ pepa tonje tini ilâ panzi kalo-tawana tamâta simo Grik tâno, aku sipainzi tu ma sikai i. ɲinenja Apolos ilâ ipâɲga Grik tâno, aku iveta wurâta sondo ɲana ivilanzi tamâta, kinzi ɲinde Maro Kindeni muɲga ipaɲo ilonzi kalonzi ɲana kalonzi tawana i. ²⁸ I uru imandi kaika iporo ɲgua lâ tamâta naonzi ɲana ilelea Juda tamâta nenzi ɲgua palanɲa. I uru ikai Maro Kindeni kawa ɲgua, ɲguani ndaina muɲga singere lâ pepa tini ikeno, aku itula pwataki tu Yesu tamwata nde Kirisi.

19

Paulo itula ɲgua pwataki lâ Efesus lawea

¹ Apolos imo Korin lawea yo, aku pa zo ɲinde Paulo iyoka nzâla ikatona tuu tini pinde ilâ ipâɲga Efesus lawea. Ipâɲga lâ, ɲinenja isânda kalo-tawana tamâta pinde kulunzi lâ lawea ɲinde.

² Aku ikasonanzi tu, “Muɲga, lâ zo ɲinde miki kao nemi kalo-tawana ilâ mao pa Yesu, ande miki kakai Koroani Sapâɲa lâ zoni ndaina, tiya?” Andeta kinzi nde siporo tu, “Tia, maka ɲandai

kalonjo ngua tu Koroani Sapâña tonge imo.” ³ Ande Paulo ikasonanzi tu, “Anja miki kalonjo ea ne ngua njinenja kakai lââ-liliña.” Kinzi situ lâ kawa tu, “Maka kalonjo Yoane Lââ-Liliña Tamwata ne ngua lâ, njinenja kakai lââ-liliña.”

⁴ Aku Paulo ipainzi tu, “Munja Yoane ililinsi Juda tamâta ku itula Yesu parina mine tu, ‘Ambo miki ma kapalele ilomi kalomi mao nâ, ande miki ma kakai lââ-liliña. Aku kao nemi kalo-tawana ilâ pa tamâta njinde iyoka naña mulingu mwanga imâ.’” ⁵ Kinzi silonjo Paulo ne ngua njinde, njinenja silili pâri ara ne lââ lâ Maro Yesu ña. ⁶ Paulo nde io mbalau kâki lâ kulunzi lâ, njinenja Koroani Sapâña indue imâ panzi. Njinenja siporo lawea pinde nenzi ngua wasaseki kaña-kaña, aku situla ngua itogo ngua-tulâña tamâta uru situla mine. ⁷ Kinzi tamâta njinde kambwanenzi ipânga sanjao kanaanzi rua.

⁸ Njinenja Paulo ilâ Juda nenzi luma ñana pasauña kâ ilo, aku iporo kaika itula Maro Kindeni kawa ngua panzi. Iveta mine nâ imo ndaina ikura nzimona ñato lâ. Itu igagati ilonzi kalonzi ñana ma sisama Maro Kindeni ne mâsi ñana ikai maro panzi tamâta kâ. ⁹ Anja kinzi pinde nde sipasakana ilonzi kalonzi kaika ku kalonzi tawana tia. Aku lâ ngu ñalae naonzi kinzi tamâta njinde siveta kapa-kapa ñana Maro Ñalae ne nzâla kâ. Mine kala Paulo ipilenzi tamâta njinde ku ikainzi kalo-tawana tamâta nâ simâ simo kuku. Aku ikura zo zo itula ngua panzi tamâta njinde uru sipasau lâ Tiranus ne pepa luma. ¹⁰ Paulo iveta mine nâ imo ndaina ikura mbwera rua lâ. Iveta mine lee, aku tamâta rârâni simo Esia tâno nde

silonjo Maro Njalae kawa ngua, kinzi Juda tamâta wa Grik tamâta wa.

Seva natu tamâne sitogo tu sisokinzi koroani saka piti

¹¹ Maro Kindeni io mâsi kaika kie-kie lâ Paulo mbalau tini. ¹² Mine kala kinzi tamâta lâ Efesus lawea uru sikai kelekele pinde itogo lalava turâna kâ wa lalava naonzi puña kâ muña ikeno Paulo tini. Kinzi uru sikai kelekele ñinde silâ panzi pukonja tamâta, ñinenja pukonja tamâta ñinde tin- inzi ara lâ. Aku koroani saka sikâwa piti lâ ilonzi tona.

¹³ Anja Juda tamâta pinde uru silâ wa simâ wa, sikai wurâta ñana sisokinzi koroani saka piti lâ tamâta ilonzi, aku uru sikai mbumbu ñana nenzi wurâta ñinde kâ. Kinzi pinde sipatogo ñana siveta mine lâ Maro Yesu ña, andeta ñandai kalonzi tawana Yesu ñga. Kinzi uru siporo ngua panzi koroani saka mine tu, “Naña aporo kaika pano lâ Maro Yesu ña, ina tamâta ñinde Paulo uru iporo itula ngua ñana. Noko pwâwa kulâ!” ¹⁴ Aku Juda nenzi patarawâna tamâta ñalae tonje imo ndaina, i ña mine Seva. I natu tamâne lima kanaanzi rua nde uru siveta mâsini ndaina. ¹⁵ Andeta zo tonje koroani saka itu lâ kawanzi mine tu, “Naña asama Yesu kilala lâ, aku alonjo Paulo parina lâ. Anja miki nde ea kinzi, a?” ¹⁶ Koroani saka iporo mine lâ, aku marumbu. Tamâta ñinde koroani saka muña ipakâe kuku nde isonja kâki panzi Seva natu ipara kunzi ku ipolenzi lâ. Iyaula karaenzi pwapwataki kala seenzi ipânja, aku isaraka nenzi pasawaña tona. Iveta mine lâ, ñinenja Seva natu ñinde nde sipile luma ñinde ku sikâwa wuwulonzi nâ silâ.

17 Kinzi Juda tamâta wa Grik tamâta simo Efesus lawea ñinde nde siloño ñgua ñana mâsi ñinde kâ, ñineŋga rurunja ñalae tina ipânŋa panzi tamâta rârâni. Aku sipanea Maro Yesu sisuka i ña kâki. 18 Aku pinde rârâ nde kalonzi tawana Yesu, ñineŋga simâ ku sipatula vetâña soki rârâni muŋga siveta ñinde. 19 Aku tamâta ñgu ñalae, kinzi ñinde muŋga siveta nzâmbe sakamao, ande sigona nenzi pepa ñana nzâmbe sakamao kâ ku sirumbia lâ ñgu naonzi. Pepa ñinde rârâni ne kulu nde ipânŋa ikura mbumbu 50,000 mine. 20 Nana mâsi ñinde kâ Maro Njalae kawa ñgua ipânŋa kaika isala nia ilâ.

Kinzi tamâta lâ Efesus lawea siveta nduñeña ñalae tina

21 Ñinde marumbu lâ, ñineŋga Paulo ilo pate tu ma iyoka ilâ pa Masedonia tâno wa Grik tâno wa, ñineŋga ma ikâki ilâ pa Jerusalem lawea. Aku ilo pate tu, “Naña ma alâ mine, ñineŋga ma alâ pa Rom lawea tona.” 22 Ñineŋga ionzi ne kuleña tamâta rua, Timoti ku Erastus rua, silâ pa Masedonia tâno. Anŋa Paulo tamwata nde imo tini lâ Esia tâno.

23 Pa zo ñinde tamâta pinde sikai kazâña pa Maro Njalae ne nzâla, aku siveta nduñeña ñalae tina ipânŋa. 24 Tamâta tonŋe imo ndaina, i ña mine Demetrius. I uru iveta wurâta ñana ikai mira “silva” ku ipa luma lañeña kiri-kiri itogo Artemis ne luma sapâña mine. Artemis nde Efesus lawea nenzi maro taine ñalae. Demetrius uru iwae wurâta panzi ne tamâta pinde ñana siveta kekekele ñinde kâ, aku sikai mbaliña ñalae ñinde. 25 Pa zo ñinde Demetrius igonanzi ne wurâta tamâta

ņinde sitavanzi tamâta pinde uru siveta wurâta taituni ņana siveta pareņa-mâsi kâ. Aku ipainzi tu, “Ningu-nambwe wukale, miki kasama tu mbaliņa ņalae nde uru ipâņa lâ nenda wurâta tini. ²⁶ Aku miki kalonjo wa kamora tu tamâta ņinde Paulo uru ilaņenzi tamâta rârâ ku izavaru ilonzi kalonzi. Andeta iveta mine lâ Efesus lawea nâ, ande tia. Iveta mineni lâ Esia tâno pinde tona. I uru iporo mine, ‘Maro ndia taveta lâ mbalaunda, ande ņinde nde maro laņeņa nâ.’ ²⁷ Paulo ne ņgua ņinde nde ņana iyaula nenda wurâta parina. Aku ņgua kaņa mine ikura ņana iveta nenda maro taine ņalae Artemis ne luma sapâņa ipâņa kelekele kaa nâ lâ tamâta ilonzi kalonzi tona. Lâ zo ņine tamâta rârâni simo Esia tâno, sitavanzi tamâta rârâni simo tâno ndoni, ande uru siwâņgi sipanea maro taine ņine. Taitu Paulo ne ņgua nde ņana iyaula maro taine ņine ņa kâ.” Demitrius iporo ņgua mine.

²⁸ Kinzi silonjo ņgua ņinde lâ, aku wisinzi nâna ņalae tina. Mine nde simandî sisarâwa kawanzi ņalae mine tu, “Maka Efesus nema maro Artemis i nde maro ņalae!” ²⁹ Kinzi tamâta rârâni kawanzi pakâe-pakâe mine sisarâwa ilâ ikura lawea ņinde ndoni. Aku ņgu ņalae ilonzi taitu silâ ku sikainzi Gaius ku Aristarkus rua silaenzi sipalilu silâ pa luma ņana pasaunja kâ. Kinzi tamâta rua ņinde nde Masedonia tâno lawea warakanzi uru siveta wurâta kuku Paulo. ³⁰ Paulo tamwata ilo tu ma ilâ iporo ņgua panzi tamâta lâ pasaunja nia, andeta kalo-tawana tamâta siruru ku situ kaika ņana. ³¹ Aku Rom nenzi koipu pinde lâ Efesus lawea kala ilonzi mine nâ, kala sipasupwa imâ pa Paulo siporo kaika tu i ma iyâti ilâ pasaunja nia kunzi ņgu

ɲalae ɲinde ndimo. Koipu ɲinde muɲga siveta mete kuku Paulo.

³² Aku tamâta ɲgu ɲalae ɲinde ilonzi ipâɲga kapa lâ. Pinde sisarâwa siporo ɲgua kie tonje, aɲga pinde nde siporo ɲgua kaja tonje. Aku kinzi rârâni sizizâla tu ɲana sâ kê ɲga simâ sipasau lâ pasauɲa nia. ³³ ɲineɲga kinzi Juda tamâta sizuzuɲa tamâta tonje, i ɲa mine Arisande, iyâti ilâ pasauɲa nao. Kinzi ilonzi tu i ma iporo itula mâsi ɲinde kie pwataki panzi ɲgu ɲalae. Arisande nde mbau kêki itogo panzi tu ma iporo ɲine pwataki panzi.

³⁴ Andeta simora i kilala pwataki tu i nde Juda tamwata. Mine kala kinzi rârâni ilonzi ilâ taitu ku sisarâwa kilo tu, “Maka Efesus nema maro Artemis i nde maro ɲalae!” Kawanzi kêki rege sisarâwa siporo ɲgua ndainani nâ ikura kari tai rua.

³⁵ Kari tai rua ilâ lâ, ɲineɲga Efesus nenzi pepa ɲgereɲa tamâta imandi ku itoto nenzi ɲgua. Iporo tu, “Miki Efesus ɲgu, kalonjo ɲga! Kinzi tamâta simo tâno ndoni nde sisama tu Efesus nde lawea ɲana ikatona Artemis ne luma sapâɲa tava ne mira sapâɲa ɲinde muɲga imbe iyoka samba ilo indue imâ. ³⁶ Tamâta tonje ikura ɲana iporo tu ɲgua ɲine nde mao tia, ande tia. Mine nde miki kaporo ndimo, kawami buu nâ. Miki ma kapasusu ɲana kaveta vetâɲa tonje walele ndimo. ³⁷ Miki muɲga kakainzi tamâta rua ɲai kamâ, ambo taitu kinzi rua ɲandai sipanawe kelekele tonje lâ luma sapâɲa ɲga. Aku ɲandai siporo ɲgua pavaligiɲa pa nenda maro taine ɲga. ³⁸ Ambo Demitrius tavanzi ninambwe nenzi ɲgua tâ ikeno pa tamâta tonje, ande ara, nenzi zo ikeno ɲana sipawa ɲgua kê. Kinda nenda koipu ma silonjo nenzi ɲgua.

³⁹ Ambo nemi ngua pinde ikeno mo ñai yo, ande ara ñana miki warakami ma kaveta ñine sondo lâ pasaunja mao tonje. ⁴⁰ Taitu kala ñine kazâña nde laiti ñana ipânga pa kinda kê, ñana tu kinda taveta paraña koa tia nâ. Paraña ñine ne duvi tonje tia ndo. Ambo kinzi koipu ma sikasonja kinda ñana pasaunja soki ñine ne duvi kê, ande ma takura ñana taporo tatula ñine kie pwataki panzi, ande ma tia.” ⁴¹ Pepa ngerenja tamâta iporo ngua mine lâ, ñinenja isokinzi sipile pasaunja nia siyâti silâ.

20

Paulo ne yokâña lâ Masedonia tâno wa Grik tâno wa

¹ Ngua ne ndunenani ñalae ñinde marumbu lâ, ñinenja Paulo ipasupwa ilâ panzi kalo-tawana tamâta rârâni tu ma simâ taitu kuku i. Simâ lâ, ku iporo ngua pinde ñana ipu tini kaika panzi kê, ñinenja iporo wisi-ara ne ngua panzi ku ipilenzi ilâ pa Masedonia tâno.

² Aku iyoka ilâ pa lawea pinde lâ nia ñinde, iporo ngua ñana ipu tini kaika panzi kalo-tawana tamâta simo ñinde. Iveta mine lee marumbu lâ, ñinenja ilâ ipânga Grik tâno. ³ Imo Grik tâno ikura nzimona ñato lâ, ñinenja i ilo patea tu ma ikai wânja ilâ pa Siria tâno kê. Andeta pa zo ñinde kinzi Juda tamâta siporo sipa ngua ñana sipu Paulo pâta imâte kê. Paulo ilonjo ngua ñinde lâ, aku ilo patea tu ma itaulo ilâ pa Masedonia tâno kilo. ⁴ Aku tamâta pinde soka kuku Paulo silâ. Kinzi tamâta ñinde ñanzi nde mine: Pirus natu Sopater, i Beria lawea warika; anja Aristarkus ku Sekundus rua, kinzi Tesalonaika lawea warakanzi; anja Gaius, i

Derbe lawea warika; anġa Timoti; anġa Tikikus ku Trofimus rua, kinzi Esia tâno warakanzi. ⁵ Kinzi tamâta nġinde soka simunġa silâ sindanġe maka lâ Troas lawea.

⁶ Juda nenzi zo sapâġa nġana sika puroġa ne “yisi” tia kâ marumbu lâ, nġinenġa maka kakai wânġa tonġe ku kapile Pilipai lawea kalâ. Kalâ lee katoa Troas lawea. Maka kamo Troas ikura kari lima lâ, nġinenġa kapakâtu kunzi tamâta nġinde simunġa sindanġema. Aku maka kamo Troas laweani ikura kari lima kananġo rua kilo.

Paulo ivila tamâta tonġe lâ Troas lawea, i nġa mine Yutikus

⁷ Maka kamo Troas lawea yo, aku sânda, nġinenġa kapasau kunzi kalo-tawana tamâta nġana kaka wainġa sapâġa kâ. Aku Paulo imandi iporo nġgua panzi, nġana tu wurita kilo i ma ipilenzi ku ilâ. Mine kala imandi iporo nġgua nġalae ilâ ilâ lee mbo nġgini-nġgini. ⁸ Sinâla rârâ nde ipane nia lâ luma ilo kisiġa pwataki ikeno âta maka kapasau nġinde. ⁹ Aku tamâta limoa tonġe, i nġa mine Yutikus, ande isanġona nzâmba ne nzâla mota. Paulo nde iporo nġgua luandondo, aku Yutikus mata tutu nġana ikeno kâ. Nġinenġa ikeno utu lâ, aku pata iyoka pa âta indue ilâ ipu tâno. Kinzi sipalilu sindue ku sikai kâki, andeta imâte lâ. ¹⁰ Aku Paulo nde iyoka indue, nġinenġa isonġa ilâ ikeno tamâta limoa kulu ku iliko kaika. Nġinenġa Paulo ipainzi tamâta tu, “Miki wisimi motu ndimo! I via nâ imo nġai.” ¹¹ Paulo ikâki kilo ku ipwataki puroġa ika lâ, nġinenġa iporo nġgua panzi kilo lee mbwale pwataki, aku kari ikâki. Nġinenġa ipilenzi ku ilâ. ¹² Anġa tamâta limoa

ņinde nde imo via nâ. Kinzi tamâta simora mine ku wisinzi ara nâ sikai silâ.

Paulo ipile Troas lawea ku ilâ Miletus lawea

¹³ Maka kakai wânga kamunġa kalâ katoa Asos lawea. Maka katu kapakâtu kuku Paulo lâ Asos ku kakai i tona lâ wânga kulu. I tamwata munġani ipatea nzâla mine lâ, ŋana tu i ilo tu ma iyoka nzâla nâ ilâ ipânġa Asos. ¹⁴ Paulo nde imâ isânda kuluma lâ Asos lawea, ŋinenġa kakai lâ wânga kulu ku kakâwa kalâ pa Mitilini lawea. ¹⁵ Maka kalâ lee katoa Mitilini lawea lâ, aku wurita kilo kapile lawea ŋinde ku kalâ lee kapânġa Kaios sia tini laiti. Aku wurita kilo, ŋinenġa kambwaliu kalâ lee kapânġa Samos sia. Aku mbwale kilo, ŋinenġa wânga ikaima kilo ku kalâ pa Miletus lawea. ¹⁶ Paulo munġa ilo pateo tu ma ipole Efesus lawea ku ilâ. I tini pwâka tu ma imo soņġo lâ Esia tâno. Ipasusu nâ, ŋana tu Juda nenzi kumbwa Pentikos nde imâ ipânġa laiti lâ, aku i ilo tu ma imora zo sapânġa ŋinde lâ Jerusalem lawea tâ.

Paulo iporo wisi-ara ne ŋgua ilâ panzi Efesus ŋgu nenzi katonânġa

¹⁷ Maka katoa Miletus lawea lâ, ŋinenġa Paulo ipasupwa ilâ panzi kalo-tawana tamâta simo Efesus lawea. I ilo tu kinzi katonânġa ma sindue simâ kuku. ¹⁸ Kinzi katonânġa nde simâ sipânġa lâ, ŋinenġa Paulo ipainzi tu, “Miki warakami kasama lâ ŋana vetânġa rârâni naġa munġa aveta, lâ zo munġânġa ŋinde apânġa lâ Esia tâno, aku imâ lee ikura zo rârâni naġa amo kumi. ¹⁹ Miki kamora wa kasama tu zo pinde kinzi Juda tamâta sipa ŋgua kaika tu ma sizavaru naġa, aku uru amo

tava ilonġu malia nana nenzi nġua pânja nġinde kâ. Taitu naġa atawa warakânġu nânġu ndue, aku aveta wurâta pa Maro Nalae nâ tava matânġu sulu. ²⁰ Miki kasama tu naġa aruru nana nġinde kâ, ande tia. Naġa uru apananami wa atula nġua nana avilami kâ. Naġa aveta mine lâ tamâta naonzi lâ pasaunja nia, aku aveta mine nâ lâ warakami nemi luma luma tava. ²¹ Ikura zo zo, naġa uru aporo kaika atula nġua pwataki panzi Juda tamâta wa Grik tamâta wa. Naġa uru atula Maro Nalae ne nzâla panzi tu ma sipalele ilonzi kalonzi ilâ pa Maro Kindeni, aku ma kalonzi tawana nenda Maro Nalae Yesu.

²² Miki kalonġo nġa. Kala nġine Koroani Sapânja isowe ilonġu kalonġu kaika lâ nana naġa ma alâ pa Jerusalem lawea kâ. Mâsi mana ma ipânġa pana lâ Jerusalem, ande nġine azizâla nana. ²³ Kelekele taitu nâ, ande naġa asama lâ. Ikura lawea rârâni muġa amo nġinde, ande Koroani Sapânja uru itula nġua pwataki pa naġa tu naġa ma amo luma saka-mao ilo, aku ma asânda malia kie-kie. ²⁴ Ambo taitu naġa ilonġu nġalae nana warakânġu tinġu kala apasilikana warakânġu, ande tia. Nġine nde kelekele kaa nâ. Naġa ilonġu ndo tu apono muli sondo pa nzâla ndia Maro Nalae Yesu ipatea pana, aku ilonġu ndo tu aveta wurâta i muġa ilana nġinde lee marumbu ndo lâ. Nġinde nde wurâta nana atula pâri ara nana Maro Kindeni ne wisi-wisi kâ.

²⁵ Naġa muġa amo nġinimi, aku uru atula Maro Kindeni ne mâsi nana ikai maro panzi tamâta kâ pwataki pami. Andeta kala nġine naġa asama tu miki rârâni ma kamora naġa naonġu kilo, ande

tia. ²⁶ Mine kala ñine apaimi tu ambo tamâta tonje lâ ñginimi kalo tawana tia, kala Maro Kindeni ma muli izavaru i, ande nanenğu soki tia. ²⁷ Nanenğu ñgua ñine nde duvi mine; munğa, naņa aruru ñana atula Maro Kindeni ne ilo-kalo rârâni pami, ande tia. ²⁸ Miki kapakatona warakami sondo ndo, aku kakatonanzi lama ñgu sondo tona, ñgu ñinde Koroani Sapâņa munğa ipatea pami ñana kamo nenzi katonâņa. Mao nâ, miki kamo Maro Kindeni ne ñgu nenzi katonâņa tamâta, aku i tamwata Natu munğa ipaliņi see ñana ikainzi piti lâ kondoma ilo. ²⁹ Naņa asama tu muli, lâ zo ñinde apilemi ku alâ, ande mbwâmbwa saka ma simâ sipâņa ñginimi, aku ma sizavarunzi lama pinde. ³⁰ Aku miki warakami nawalami pinde kala ma simandi siporo ñgua lanjeņa kie-kie tona. Kinzi ma silanjenzi kalo-tawana tamâta, ñana ma sipono muli panzi. ³¹ Mine nde kapakatona warakami sondo, aku kalomi ñgere ñana ñine kâ; ikura mbwera ñato lâ, ikura kari wa mbo wa, ande naņa mainğu ñana apaņo miki taitu-taitu ilomi kalomi kâ, ande tia ndo. Naņa uru apananami tava matângu sulu.

³² Kala ñine naņa aomi kamo Maro Kindeni mbalau ilo tava pâri ara ñinde ñana i ne wisi-wisi kâ. I ne wisi-wisi ñinde nde ñana isuka miki ñana kamandi kaika kâ, aku ñinde itula pwataki tu i ma muli iveta vetâņa ara ndo panzi tamâta ñinde munğa ipateanzi tu simo i ne ñgu. ³³ Naņa munğa ilonğu yosi ñana tamâta tonje ne mbaliņa wa lalava wa, ande tia. ³⁴ Miki warakami kasama tu naņa warakângu mbaunğu akai wurâta ku apavila warakângu ñana kelekele ndia ikeno

pana tia n̄inde. Aku naŋa uru avilanzi tamâta n̄inde uru simo kuna tona. ³⁵ Naŋa muŋga aveta wurâta kie-kie, aku wurâta n̄inde rârâni itula nzâla pami. Mao nâ, kinda ma taveta wurâta kaika mine nâ ŋana tavilanzi tamâta kê, kinzi n̄inde sikura ŋana sipavila warakanzi tia. Ara ŋana kinda ma kalonda ŋgere sondo ŋana ŋgua n̄inde Maro Nalae Yesu tamwata muŋga iporo mine tu, ‘Ambo tamâta pinde kelekele silua kinda, ande kinda uru tandeka ŋalae koŋa tia. Taitu nenda ndekâŋa ipâŋga ŋalae tina lâ zo ndia kinda kelekele talanzi tininda pinde.’ ”

³⁶ Paulo iporo ŋgua ŋine marumbu lâ, ŋinenŋa ipare tuku kunzi katonâŋa ŋana ikai noŋa kê. ³⁷ Sikai noŋa lâ, ŋinenŋa kinzi rârâni sita pâta ku siliko Paulo kaika sinzumwa. ³⁸ ŋana tu Paulo muŋga ipainzi tu, “Miki ma kamora naŋa naonŋu kilo tia”, aku ŋgua n̄inde iveta ilonzi malia ndo. ŋinenŋa sikai Paulo silâ ku sio lâ wâŋga kulu.

21

Paulo ilâ pa Jerusalem lawea

¹ Maka kaloma sukâŋa ŋalae n̄inde, andeta kakâki wâŋga kulu ku kapilenzi kalâ. Wâŋga ikaima kayoke Kos sia kalâ. Aku mbwale pwataki, ŋinenŋa kalâ kapâŋga Rodes sia. ŋinenŋa kalâ lee katoa Patara lawea.

² Lâ lawea n̄inde maka kasânda wâŋga tonŋe itu ilâ pa Fonisia tâno kê, aku kakai wâŋga n̄inde kalâ.

³ Maka kalâ lee, ŋinenŋa kamora Saiprus sia. Aku kapole sia n̄inde pa tinima ŋâsi kê, ŋinenŋa kalâ lee katoa Tair lawea lâ Siria tâno. Katoa n̄inde ŋana

kinzi ma sio wân̄ga ne kelekele pinde itoa lawea n̄inde.

⁴ An̄ga maka nde kalâ kasânda kalo-tawana tamâta pinde kulunzi, aku kamo ndaina ikura kari lima kanājo rua. Aku Koroani Sapâña itula ilo-kalo panzi kalo-tawana tamâta n̄inde, kala situ kaika pa Paulo tu ma ilâ pa Jerusalem ndimo. ⁵ Maka nema zo marumbu lâ lawea n̄inde, n̄inen̄ga kamandi n̄ana kapilenzi kâ. Aku kinzi kalo-tawana tamâta n̄inde sitavanzi kaiwanzi natunzi nde sikaima kapile lawea ku kayâti kalâ pa sâwa n̄gañe. N̄inen̄ga maka rârâni kapare tukuma lâ sâwa ku kakai non̄a. ⁶ Non̄a marumbu lâ, n̄inen̄ga maka rârâni kaporo wisi-ara ne n̄gua, aku kakâki wân̄ga kulu. An̄ga kinzi nde sitaulo silâ pa nenzi luma luma.

N̄gua-tulân̄ga tamâta Agabus itula n̄gua pa Paulo lâ Sisaria lawea

⁷ Maka kakai wân̄ga kapile Tair lawea, n̄inen̄ga kalâ lee katoa Tolemes lawea. Maka kaporo wisi-ara ne n̄gua ilâ panzi kalo-tawana tamâta simo lawea n̄inde, aku kamo ndaina kunzi ikura kari taitu. ⁸ Aku mbwale kilo, n̄inen̄ga kapile Tolemes lawea ku kalâ lee katoa Sisaria lawea. Aku kalâ pa pâri-tamâta Pilip ne luma, ku kamo ndaina. Pilip nde ton̄ge lâ kinzi tamâta lima kanājonzi rua n̄inde mun̄ga n̄gu nenzi katonân̄ga sipateanzi n̄ana sisukanzi Yesu ne pâri-tamâta. ⁹ Aku Pilip natu taine taipa n̄apa simo, sikâe tia yo. Kinzi uru siporo situla Maro Kindeni kawa n̄gua.

¹⁰ Maka kamo Sisaria laweani ikura zo pinde lâ, n̄inen̄ga n̄gua-tulân̄ga tamâta ton̄ge ipile Judia tâno ku

indue imâ Sisaria. Tamâta ñinde ña mine Agabus. ¹¹ Imâ ipânga kuma lâ, ñineŋga ikai Paulo ne lalava mota ñana ipu lâ kambwane kâ, aku ipa i tamwata kie wa mbalau kaika lâ. Ñineŋga iporo mine tu, “Koroani Sapâña ne ñgua ikeno mine; ‘Kinzi Juda tamâta lâ Jerusalem lawea ma sipa lalava ñine warika mine nâ, ñineŋga ma sio lâ kinzi tinikoa mbaunzi ilo.’ ”

¹² Maka kalonjo ñgua ñinde lâ, ñineŋga maka kata-vanzi tamâta simo lawea ñinde nde kaporo ñgua kaika pa Paulo tu ma ilâ pa Jerusalem tia. ¹³ Taitu Paulo iporo taulo tu, “Ñana sâ kâ nga miki kakai tiña kazavaru ilonju kalonju, a? Naña apaveta warakângu ilonju kalonju sondo lâ ñana amo luma sakamao ilo. Aku apaveta sondo lâ ñana amâte lâ Jerusalem lawea tona, ñana aveta Maro Ñalae Yesu ña ipânga ñalae.” ¹⁴ Maka kakura tu kalele Paulo ne ilo-kalo ñinde, ande tia. Mine kala kapile nema ñgua ñinde. Maka kaporo tu, “Ara, Maro Ñalae ma iveta papa ikura i tamwata ne pateâña mine.”

Paulo itula i tamwata parina panzi katonâña lâ Jerusalem lawea

¹⁵ Zo pinde ilâ lâ, ñineŋga maka kaluku lâ ñana kapile lawea ñinde ku koka nzâla kakâki kalâ pa Jerusalem lawea kâ. ¹⁶ Kinzi kalo-tawana tamâta pinde lâ Sisaria lawea nde soka kuma kalâ, aku sikaima kalâ pa Nason ne luma. Nason nde Saiprus sia tamwata, aku i nanayoni ipânga kalo-tawana tamâta. I ilo tu maka ma kamo ne luma.

¹⁷ Ñineŋga kalâ lee kapânga Jerusalem, aku kinzi kalo-tawana tamâta lâ lawea ñinde ilonzi ara nâ sikaima kalâ kamo kunzi. ¹⁸ Aku wurita

kilo, ñineŋga Paulo iyoka kuma kalâ ñana kamora Yamesi kâ. Kinzi ŋgu nenzi katonâŋa rârâni nde sipasau lâ simo kuku Yamesi. ¹⁹ Paulo iporo wisi-ara ne ŋgua pinde panzi lâ, ñineŋga itapâri sondo nâ panzi ñana vetâŋa rârâni Maro Kindeni muŋga isuka i ñana iveta panzi tinikoa ŋgu tamâta.

Paulo ipono muli pa kinzi katonâŋa nenzi ŋgua, kala iveta mâsi tonje

²⁰ Kinzi katonâŋa siloŋo Paulo ne ŋgua marumbu lâ, ñineŋga sipanea Maro Kindeni. Andeta siporo tu, “Nima-nambwe Paulo, kuloŋo ŋga. Kinzi Juda tamâta rârâ ñinde nde sipâŋga kalo-tawana tamâta marumbu lâ. Aku kinzi rârâni nde ilonzi ndo tu ma sipono muli pa Mose ne ŋgua tukuŋa. ²¹ Andeta muŋga, tamâta pinde sisowe ŋgua lanjeŋa lâ noko tini mine tu, ‘Paulo uru ipanananzi Juda tamâta simo ŋgu pinde ŋgininzi ikura nia nia, aku uru ipainzi tu ma sipu mulinzi pa Mose ne ŋgua tukuŋa. I uru ipainzi tu, “Miki ma kavenzi natumi karaenzi ndimo. Miki ma kapaveta kuku mâsi sinja ndimo.’” ²² Kala ñine kinzi tamâta ñinde ma siloŋo ŋgua tu noko kupâŋga lâ kala kumo Jerusalem. Mine nde kinda ma taveta mana. ²³ Ara mbo, maka iloma pateva tu noko ma kuveta mine; maka nema tamâta ñapa simo ñai, aku kinzi muŋga sipa ŋgua kuku Maro Kindeni ñana siveta mâsi tonje. ²⁴ Noko ma kulâ kunzi tamâta ñinde, aku kupono muli pa mâsi ñinde situ siveta ñana tininzi mbâra-mbâra kâ. Aku noko ma kuko nzâla panzi tona, ñana patarawâŋa tamâta ma igiru kulumi pwau. Ambo noko ma kuveta mine, ande tamâta rârâni ma sisama tu ŋgua ñinde kinzi sisowe

lâ noko tini nde laŋeŋa nâ. Kinzi ma sisama tu noko tamwata kala kupono muli mine nâ pa Mose ne ŋgua tukuŋa. ²⁵ Anŋa kinzi kalo-tawana tamâta lâ tinikoa ŋgu, ande muŋga taŋgere ŋgua pinde lâ pepa tini ilâ panzi lâ. Kinda taporo pwataki panzi lâ ŋana ŋgua pâŋa muŋga taveta ŋinde. Kinda tapainzi tu ma sipakatona sonde, aku ma sika kâpwa ŋinde muŋga tamâta sipatarâwa panzi maro laŋeŋa ndimo. Kinzi ma sinu see ndimo, ku ma sika simbi tamâta sipa ŋandola kaika kala imâte ŋinde ndimo. Aku ma sipalulua tininzi potomule ndimo.” Kinzi katonâŋa siporo ŋgua ŋine pa Paulo.

²⁶ Aku wurita kilo, ŋineŋga Paulo ikainzi tamâta ŋapa ŋinde ku ipaveta kuku mâsi ŋana tini mbâra-mbâra kâ kunzi. Iveta mine lâ, ŋineŋga ilâ Maro Kindeni ne luma sapâŋa ilo aku iporo pwataki ŋana zo ndia nenzi mâsi ŋana tini mbâra-mbâra kâ ma marumbu lâ. Iporo tu i ma itaulo lâ zoni ndaina ŋana iveta ne patarawâŋa ŋana kinzi tamâta ŋinde taitu-taitu.

Kinzi Juda tamâta sikai Paulo kaika lâ luma sapâŋa ilo

²⁷ Mâsi ŋinde ne kari lima kanaŋo rua nde laiti ŋana marumbu kâ, ŋineŋga Juda tamâta pinde simora Paulo imo Maro Kindeni ne luma sapâŋa ilo. Kinzi tamâta ŋinde muŋga soka Esia tâno simâ. Kinzi simora Paulo, ŋineŋga sisowe tamâta rârâni ilonzi kalonzi ku sikale Paulo kaika. ²⁸ Kinzi sisarâwa tu, “Wa, miki Isrel tamâta ŋai, kasukama ŋa! Tamâta ŋine uru ilâ ikura nia nia ipanananzi tamâta rârâni ŋana siveta ‘a’ pa nenda ŋgu wa

nenda ngua tukuŋa wa luma sapâŋa ŋine wa. An-deta ŋinde nâ tia; ikainzi Grik tamâta pinde simâ luma sapâŋa ilo tona, aku mâsi ŋine iveta muso pa nia sapâŋa!” ²⁹ Kinzi nenzi ngua ŋinde nde duvi mine; muŋga simora Trofimus, i Efesus lawea warika, imo kuku Paulo lâ Jerusalem lawea, aku situ Paulo ikai Trofimus ilâ luma sapâŋa ilo.

³⁰ Ngua lanŋa ŋinde ilâ ikura Jerusalem lawea ndoni, aku kinzi tamâta sipalilu simâ ku siŋunu patu. Ninenŋa sikale Paulo kaika lâ luma sapâŋa ilo ku silae siyâti silâ pa nia yo. Siyâti silâ lâ, ninenŋa walele nâ sisae luma sapâŋa ne nzâla giri lâ.

Zugu tamâta nenzi koipu ikai Paulo kaika

³¹ Ngu ŋalae ŋinde nde siveta ŋana sipu Paulo pâta imâte kâ, aku ngua ilâ pa Rom zugu tamâta nenzi koipu. Sitapâri papa tu, “Ayo, tamâta rârâni simo Jerusalem nde wisinzi nâna ku simandi ŋana sikai kazâŋa kâ!” ³² Koipu ilonŋo ngua ŋinde lâ, ninenŋa walele nâ ikainzi zugu tamâta pinde sitavanzi nenzi katonâŋa, aku sipalilu sindue silâ panzi ngu ŋalae. Kinzi ngu matanzi kâki simoranzi zugu tamâta nenzi koipu ipalilu imâ kunzi zugu tamâta pinde, kala mbaunzi piti lâ Paulo tini, aku sipu kilo tia.

³³ Zugu tamâta nenzi koipu nde ilâ panzi, ninenŋa ionzi zugu tamâta pinde tu ma silâ sipa Paulo lâ wâlo kaika rua. Ninenŋa koipu ikasonŋanzi ngu mine tu, “Tamâta ŋine nde ea. Iveta mana pami.” ³⁴ Tamâta ngu ŋalae tina nde simo ndaina. Kinzi pinde nde sisarâwa siporo ngua kie tonŋe, anŋa pinde nde siporo ngua kaŋa tonŋe. Aku koipu ilonŋo nenzi ngua sondo tia, ŋana tu nia nduŋeŋa

ɲalae. Mine kala ipainzi ne zugu tamâta tu ma sikai Paulo silâ warakanzi nenzi luma ilo. ³⁵ Sikai Paulo silâ sipânga luma ne nzâla tini laiti, ɲinenɲa mbal-aunzi nâ sisuka i kâki, ɲana tu tamâta ɲgu ɲalae nde situ sipu i pâta imâte. ³⁶ Aku ɲgu ɲalae ɲinde soka kunzi ku sisarâwa siporo kaika tu, “Kapu pâta imâte!”

*Paulo iporo itula ne kalo-tawana ne duvi panzi
Juda tamâta*

³⁷ Kinzi zugu tamâta siveta ɲana sikai Paulo sio lâ nenzi luma ilo, andeta Paulo iporo Grik ɲgua pa nenzi koipu mine tu, “Naɲa ilonɲu tu aporo ɲgua pinde pano”. Koipu nde wisi motu iporo taulo tu, “Mana mana ɲga noko kulonɲo Grik ɲgua, a? ³⁸ Naɲa atu noko nde Isip tamwata ɲinde muɲga kumandi pwai kazâɲa pa Rom. Tiambo noko muɲga pwainzi tamâta 4,000 kakai pila ɲalaɲala kalâ pa nia bilimu tonɲe, tiya?” ³⁹ Andeta Paulo itu lâ kawa tu, “Mine tia ndo. Naɲa nde Juda tamwatâɲgu. Naɲa nana ipaguguana lâ Tarsus lawea lâ Silisia tâno, aku nanenɲu lawea tina ɲinde ɲa nde ipânga ɲalae lâ. Naɲa ilonɲu tu aporo ɲgua mbuku taitu panzi tamâta ɲgu ɲine.”

⁴⁰ Koipu nde isâu pa Paulo tu ma iporo panzi, ɲinenɲa Paulo imandi luma ne tete kulu ku mbalau kâki panzi tu ma kawanzi buu sitambira taɲanzi pa i kawa ɲgua. Kinzi rârâni nenzi ɲgua ne nduɲenani marumbu lâ, ɲinenɲa Paulo iporo panzi lâ Hibru ɲgua.

22

¹ Paulo iporo mine tu, “Naɲa taiɲgu-tata wa mama wukale, miki kalonɲo ɲga. ɲine ma aporo

ngua pwataki imâ pami mbo.” ² Ngu njinde nde siloŋo Paulo iporo panzi lâ Hibru ngua, njineŋga kawanzi buu nâ ku nduŋeŋa marumbu ndo lâ. Njineŋga Paulo iporo mine tu,

³ “Naŋa nde Juda tamwatâŋgu. Nana ipaguguana lâ Tarsus lawea lâ Silisia tâno, andeta atumbu ŋalae lâ Jerusalem lawea njine. Aku Gamaliel ipanana naŋa sondo ndo ŋana kinda timbunda nenzi ngua tukuŋa rârâni. Mine kala naŋa uru apono muli sondo ndo pa Maro Kindeni, itogo miki rârâni kala kaveta mine. ⁴ Naŋa muŋga ayaulanzi tamâta njinde sipono muli pa Yesu ne ‘Nzâla’. Akai kazâŋa panzi taine wa tamâne wa, aku apa kenzi mbalaunzi kaika akainzi alâ aonzi lâ luma sakamao ilo, ŋana kinzi sambara ma sipunzi pâta simâte. ⁵ Mao nâ, nenda patarawâŋa tamâta ŋalae tavanzi nenda tamâta mbâna-mbâna rârâni nde sisama naŋa parinâŋgu lâ. Kinzi rârâni sikura ŋana situla ngua njine pwataki. Muŋga, kinzi siŋgere ngua pinde lâ pepa tini ilâ panzi ninzi-nambwe simo Damaskus lawea. Siŋgere ngua ŋananzi Yesu ne kalo-tawana tamâta njinde muŋga sipile Jerusalem ku sikâwa silâ pa Damaskus. Aku naŋa akai pepa njinde alâ pa Damaskus ŋana apanzi tamâta njinde kaika akainzi amâ Jerusalem, ŋana ma sikai nâna ŋana nenzi kalo-tawana kâ.”

Paulo itula i parina pwataki ŋana ipâŋga kalo-tawana tamâta

Pâri Tamâta 9:1-8, 26:9-18

⁶ “Naŋa ayoka alâ lee kari imâ ŋgini, aku apâŋga Damaskus lawea tini laiti. Njineŋga walele nâ sinâla ŋalae iyoka pa samba indue imâ ipane

naña kaika lâ. ⁷ Naña patana ndue akeno tâno kulu, ñinennga alonjo kawa ñgua tonje ne sarawâña tonje imâ pana mine tu, ‘Saulo, Saulo, ñana sâ kâ ñga noko kuveta wurâta ñana kuyaula naña, a?’ ⁸ Ñinennga aporo taulo tu, ‘Maro, noko nde ea.’ Aku Maro Ñalae ipai naña tu, ‘Naña nde Yesu Nasarete tamwatângu. Naña nde tamâtani ñine noko kuveta wurâta ñana kuyaulana kâ.’ ⁹ Kinzi tamâta simandi kuku naña ñinde nde simora sinâla nâ, anga ñgua iporo pa naña ñinde, ande silonjo sondo ku sisama, ande tia.

¹⁰ Naña akasona mine tu, ‘Maro Ñalae, kala ñine naña ma aveta mana’. Aku Maro Ñalae ipaina tu, ‘Kumandi sânda ku pwoka kulâ Damaskus lawea ilo. Tamâta tonje imo lawea ñinde, aku i ma iporo pano ñana vetâña pinde apatea pano tu ma kuveta ñinde.’ ¹¹ Naña matângu amora tia, matângu levala nâ, ñana tu sinâla ñalae ñinde munja ipane naña kaika lâ. Mine kala nanenngu tamâta sikai mbalaungu nâ situla nzâla pana, aku maka kalâ Damaskus lawea ilo.

¹² Aku tamâta tonje imo lawea ñinde, i ña mine Aninia. I uru ipono muli sondo ndo pa Mose ne ñgua tukunja, aku kinzi Juda tamâta rârâni simo Damaskus lawea nenzi morâña tu i nde tamâta ara. ¹³ I nde imâ ipânnga imandi tiningu laiti, ñinennga ipaina tu, ‘Ñingu-nambwe Saulo, noko mata kumora kilo’. Aku lâ zo ndainani nâ naña matângu ara kilo amora i nao. ¹⁴ Ñinennga Aninia iporo tu, ‘Kinda timbunda nenda Maro Kindeni ipatea noko tu ma kusama i ne ilo-kalo. Aku ipatea lâ tu noko ma kumora Yesu, i Vetâña Sondo Warika, aku ma kulonjo i ne ñgua lâ i tamwata kawa tona.

¹⁵ Noko ma kumo Yesu ne tamâta ñana kutula i parina pwataki panzi tamâta rârâni. Noko ma kutula ñgua pwataki panzi ñana vetâña rârâni kumora wa kulonjo ñinde. ¹⁶ Ayo, kala ñine sâ tâ ikaino kaika, a? Kumandi sânda, aku kulili pâri ara ne lââ. Ambo noko ma kuno pa Yesu, ande i ma izavaru noko ne kiesaka piti lâ tini.’ ”

Maro Kindeni io Paulo ilâ ñana itula pâri ara panzi tinikoa ñgu

¹⁷ “Naña amo lee ku muli, ñinenğa ataulo amâ Jerusalem lawea kilo. Aku zo tonje amo Maro Kindeni ne luma sapâña ilo akai nonja. Akai nonja lee, ñinenğa mâsi tonje imâ ipânğa pana, itogo ambipole mwasina. ¹⁸ Naña amora Maro Njalae, aku ipaina tu, ‘Kupile Jerusalem walele nâ ku pwâwa kulâ. Ambo noko ma kutula naña parinânğu lâ lawea ñine, ande kinzi ma ilonzi ara ñana noko ne ñgua, ande tia.’ ¹⁹ Ninenğa aporo taulo tu, ‘Maro Njalae, kinzi tamâta ñinde warakanzi sisama tu muñga naña alâ pasauña ne luma rârâ ilolo ñana apunzi tamâta ñinde kalonzi tawana noko, aku aonzi lâ luma sakamao ilo tona. ²⁰ Muñga kinzi sipu noko ne tamâta Setepana pâta imâte. Ina tamâta ñana iporo itula noko parina kâ. Andeta lâ zoni ndaina naña warakânğu amo kunzi, aku ilonğu ara ndo ñana nenzi vetâña ñinde kâ. Aku naña warakânğu akatona nenzi pasawaña, lâ zo ñinde sipu i pâta imâte.’ ”

²¹ Andeta Maro Njalae ipai naña tu, ‘Noko kulâ. Naña ma ao noko kulâ panzi tinikoa ñgu simo malawae ñinde.’ ”

Rom zugu tamâta nenzi koipu ikatona Paulo

²² Kinzi Juda tamâta siloŋo Paulo ne ŋgua ilâ imotu lâ ŋinde, ŋinenŋa kawanzi ŋalae sisarâwa mine tu, “Tapu pâta imâte! Ambo tamâta mine imo via, ande ŋinde nde ara tia ndo!”

²³ Kinzi wisinzi nâna ŋalae ŋinde, aku sisarâwa pwapwataki. Sikai nenzi pasawaŋa luandondo piti ku sipu tâno pa ŋai, sipu tâno pa ŋai. Aku sinzoro tâno gawura siliŋi kâki tona. ²⁴ Tia ku zugu tamâta nenzi koipu ipainzi ne tamâta tu ma sikai Paulo silâ nenzi luma ilo. Aku ipainzi tu ma sipalili i lâ mbilâo ku sikasoŋa ŋana ŋgu nenzi wisi-nâna ŋinde ne duvi kâ. ²⁵ Kinzi zugu tamâta wâlo nâ sipa Paulo kaika ŋana ma sipalili kâ, andeta ipai zugu tamâta nenzi katonâŋa tonŋe imandi wanŋira laiti mine tu, “Naŋa nde Rom lawea warakâŋgu, aku miki ŋandai kao naŋa alâ pa ŋgua nia ŋga. Taitu ŋine miki katu kapalilina. Tiambo Rom ne ŋgua tukuŋa isâu ŋana vetâŋa mine, tiya?”

²⁶ Zugu tamâta nenzi katonâŋa nde iloŋo Paulo ne ŋgua ŋinde lâ, ŋinenŋa ilâ iporo pa ne koipu. Aku ikasoŋa tu, “Kala ŋine noko kutu kuveta mana, a? Tamâta ŋine nde Rom lawea warika ma!”

²⁷ ŋinenŋa koipu ilâ pa Paulo, aku ikasoŋa tu, “Noko kuporo pwataki pa naŋa ŋga. Noko nde Rom lawea warika, tiya?” Ande Paulo iporo taulo tu, “Naŋa atogo Rom tamwatâŋgu mine”.

²⁸ Aku koipu iporo mine tu, “Naŋa muŋga ao mbaliŋa ŋalae ŋinde ilâ panzi tamâta ŋalaŋala, ŋinenŋa singere ŋgua lâ pepa tini tu naŋa lawea warika lâ Rom.” Ande Paulo iporo taulo tu, “Naŋa aveta mine, ande tia. Naŋa mama nde Rom lawea warika sondo, aku ŋana nzâla ŋinde kâ naŋa apâŋga

atogo Rom tamwatângu mine.”

²⁹ Paulo iporo mine, aku marumbu. Kinzi zugu tamâta walele nâ sio nenzi mbilâo ndue aku sipile Paulo silâ pa nia pinde. Aku nenzi koipu kala wisi motu mine nâ, nana tu Paulo nde itogo Rom lawea warika, andeta i munja ipa Paulo kaika koa tia nâ.

³⁰ Zugu tamâta nenzi koipu ninde nde ilo tu isama mine: nana sâ kê nga kinzi Juda tamâta sisowe ngua lâ Paulo tini. Mine kala wurita kilo, ninenja ikai wâlo piti lâ Paulo tini, aku ipasupwa ilâ panzi patarawâna tamâta nalanala sitavanzi Juda nenzi tamâta mbâna-mbâna rârâni. Iporo kaika panzi tu ma sipasau kuku i. Simâ sipasau lâ, ninenja koipu ikai Paulo imâ ku injunu imandi naonzi.

23

Paulo itula ngua pwataki panzi Juda tamâta nalanala

¹ Paulo nde mata ilea sondo panzi tamâta nalanala, ninenja iporo mine tu, “Ningu-nambwe wukale, lâ nia ndoyo, aku imâ lee ipângga lâ zo nîne, ande nanengu vetâna rârâni ikeno nia yo lâ Maro Kindeni nao. Naña uru aveta ikura i ne pateâna mine, aku ilongu ara nana warakângu nenju vetâna rârâni. Naña aveta vetâna tonje soki, ande tia.”

² Iporo ngua mine lâ, ninenja patarawâna tamâta nalae Aninia ipainzi tamâta simandi Paulo tini laiti ninde tu ma siponza i kawa. ³ Andeta Paulo ipai tu, “Noko kutogo ngumbi singa mine, karae nâ nde ara, anga ilo nde sâmbu! Maro Kindeni ma iponza noko mine nâ! Mao nâ, noko kusanona ngua nia nîne

ņana kulea pa nanenġu vetâņa, ikura Mose ne ŋgua tukuņa itula mine; andeta noko tamwata kulaņa kupole ŋgua tukuņa, kala kusupwanzi tu siponza naņa!”

⁴ Kinzi tamâta simandi Paulo tini laiti ŋinde nde sipai tu, “Wa, tiambo noko kutu kuporo soki pa Maro Kindeni ne patarawâņa tamâta ŋalae, a?” ⁵ Ande Paulo iporo taulo tu, “Niņġu-nambwe wukale, naņa azizâla ŋana tamâta ŋinde tu i nde patarawâņa tamâta ŋalae. Kinda nenda ŋgua tukuņa ikeno lâ pepa tini mine tu, ‘Noko ma kuporo soki pa noko tamwata ŋgu nenzi koipu ndimo’. Ŋinde nâ nde naņa asama lâ.”

⁶ Paulo isama tu kinzi Juda tamâta pinde simo pasauņa ŋinde nde lâ Sadyusi ŋgu, aņa pinde nde lâ Parisai ŋgu. Mine kala isarâwa panzi tamâta ŋalaņala mine tu, “Niņġu-nambwe wukale, naņa nde Parisai ŋgu tamwatâņġu! Mao nâ, Parisai ŋgu nenzi vâsa kala naņani! Naņa kalonġu tawana tu Maro Kindeni ma muli ipaņonzi tamâta rârâni lâ mateņa nianzi simo vianzi kilo, aku ŋana duvi ŋine kâ kinzi sio naņa lâ ŋgua nia kala amo ŋai.”

⁷ Paulo iporo mine lâ, aku walele nâ kazâņa ipâņa lâ pasauņa nia. Kinzi Parisai tamâta ŋga kinzi Sadyusi tamâta nde sipwa pwapwataki mo rua, aku sipawa ŋgua. ⁸ Ŋana tu Parisai ŋgu uru kalonzi tawana tu kinzi mateņa tamâta ma muli simandi simo vianzi kilo. Aku kalonzi tawana tu kinzi aņelo wa koroani wa simo tona. Aņa kinzi Sadyusi ŋgu kalonzi tawana mine, ande tia.

⁹ Mine kala nduņeņa ŋalae ipâņa lâ pasauņa nia. Kinzi Parisai ŋgu nenzi pananâņa tamâta ŋana ŋgua tukuņa kâ nde simandi ku siporo kaika tu,

“Maka iloma patea tu tamâta ñai iveta vetâña soki tonje tia. Tiambo koroani tonje tâku anjelo tonje tâ itula ñgua papa.” ¹⁰ Sipawa ñgua lee, aku kazâña ipânga more-more ñalae. Aku zugu tamâta nenzi koipu iruru tu kinzi ma sipakawea Paulo ku sitapa utu mo rua ma imâte. Mine kala ipainzi ne zugu tamâta tu ma sindue sikai Paulo sitapa piti lâ ñgu ñgininzi, ñineŋga ma sikai silâ warakanzi nenzi luma ilo.

¹¹ Siveta mine lâ, aku zoni ndaina, lâ mbo, ñineŋga Maro Ñalae tamwata imâ imandi Paulo tini laiti ku ipai tu, “Kumandi kaika, aku kururu ndimo. Noko muŋga kutula naña parinâŋgu lâ Jerusalem lawea, aku Maro Kindeni ipatea tu noko ma kuveta mine nâ lâ Rom lawea tona.”

Kinzi Juda tamâta sipa ñgua tu ma sipu Paulo pâta imâte

¹² Aku wurita kilo, kari ikâki lâ, ñineŋga Juda tamâta pinde sipasau ku sipa ñgua lâ warakanzi nâ ñgininzi. Siporo tu, “Kinda tapa ñgua mine lâ Maro Kindeni nao; kinda ma taka tia wa tanu tia wa lee, ikura lâ zo ndia ma tapu Paulo pâta imâte.” ¹³ Kinzi tamâta kala siveta ñgua pâña ñinde kambwanzenzi nde ipole tamâta rua (40). ¹⁴ Ñineŋga silâ panzi patarawâña tamâta ñalajala ku siporo tu, “Maka muŋga kaveta ñgua pâña kaika lâ Maro Kindeni nao tu ma kaka kâpwa tonje tia lee, ikura lâ zo ndia ma kapu Paulo pâta imâte. ¹⁵ Mine kala maka kano pa miki katavanzi tamâta ñalajala tu miki ma kapasupwa ilâ pa zugu tamâta nenzi koipu tu ma walele nâ ikai Paulo imâ pami. Ara ñana miki ma kapai tu, ‘Maka iloma tu kasama Paulo ne ñgua duvi sondo’. Annga maka nde ma kao

ņana i lâ nzâla. I ma imâ ipâņga pami tia yo, ņinenņa ma kapu pâta imâte.”

¹⁶ Andeta Paulo numbaila tamâne tonđe iloņo ņgua tu tamâta pinde ma simuna lâ nzâla ku ma sipu Paulo pâta imâte. Mine kala ilâ zugu tamâta nenzi luma ilo ku itapâri ņgua ņinde pa Paulo.

¹⁷ ņinenņa Paulo isarâwa pa zugu tamâta nenzi katonâņa tonđe tu imâ, aku ipai tu, “Pwai tamâta limoa ņai kulâ pa nemi koipu tamâta. I ilo ņgua tini itu iporo papa.” ¹⁸ Mine kala tamâta ņinde ikai lâlu ilâ pa nenzi koipu, aku ipai tu, “Paulo, ina tamâta ņinde imo luma sakamao ilo, ande ino naņa tu ma akai lâlu ņai amâ pano. I ilo ņgua tu iporo pano.”

¹⁹ Koipu nde ikai lâlu mbalau aku rua silâ pa nia ņgaņe, ņinenņa ikasonņa tu, “Noko ilo tu kuporo mana pa naņa.” ²⁰ Ande lâlu ipai tu, “Kinzi Juda tamâta nde sipa ņgua kaika tu ma wurita kilo, ņinenņa ma sino pano tu kuo Paulo ilâ panzi Juda nenzi tamâta ņalaņala. Kinzi ma silâņe sipaino tu ilonzi tu sisama i ne ņgua duvi sondo. ²¹ Taitu noko ma kusâu pa nenzi ņgua ndimo. ņana tu tamâta pinde, kambwanenzi ipole tamâta rua (40), ande siveta ņgua pâņa lâ Maro Kindeni nao tu ma sika tia wa sinu tia wa lee, ikura lâ zo ndia ma sipu Paulo pâta imâte. Kala ņine simuna simo nzâla ņgaņe sio ņana i kê. Kinzi sio tininzi ņanano tu ma kusâu pa nenzi ņgua.” ²² ņinenņa koipu io lâlu ņinde ilâ, aku itu kaika papa tu, “Noko ma kutapâri pa tamâta tonđe tu muņga kumâ pana ņana kutula ņgua ņine pana, mine ndimo.”

*Zugu tamâta nenzi koipu io Paulo ilâ pa koipu
ņalae Feliks*

²³ Ninenğa koipu ninde isarâwa panzi ne tamâta rua, aku ipainzi tu, “Miki rua ma kakainzi zugu tamâta kambwanzenzi tamâta nğalae rua (200), sitavanzi zugu tamâta kambwanzenzi tamâta nğato kanaanğo sanğao (70) uru sisağona hosi kumbunzi, anğa zugu tamâta kambwanzenzi tamâta nğalae rua (200) uru sikai ua. Kakainzi zugu tamâta rârâni ninde aku kaluku nğana kapile lawea nğine lâ nğine mbo, kari tai lima kanaanğo nğapa, aku kalâ pa Sisaria lawea. ²⁴ Aku kapateanzi hosi pinde pa Paulo tona, nğana i kala ma isağona kumbu. Kakai Paulo sondo nâ kalâ pa koipu nğalae Feliks.”

²⁵ Ninenğa zugu tamâta nenzi koipu inğere nğua pinde lâ pepa tini mine tu, ²⁶ “Nanğa Klodius Lisias anğere nğua nğine imâ pa noko tamâta nğalae, koipu Feliks. Kari ara. ²⁷ Kinzi Juda tamâta munğa sikale tamâta nğine kaika, nğana ma sipu pâta imâte. Andeta nanğa aloņo pârî tu i nde itogo Rom lawea warika, kala akainzi nanenğgu zugu tamâta pinde ku kalâ kakai i piti lâ mbaunzi ilo. ²⁸ Nanğa ilonğgu tu asama mine; mana mana nğa kinzi sisowe nğua lâ i tini. Mine kala akai i alâ apasau kunzi Juda nenzi tamâta nğalanğala. ²⁹ Akasonğanzi lâ, ninenğa asama tu kinzi sisowe nğua lâ i tini nğana warakanzi nâ nenzi nğua tukuņa. Andeta i munğa iveta vetâņa soki tonğe, ikura nğana ma ao ilâ luma sakamao ilo ku apu pâta imâte, ande tia. ³⁰ Andeta aloņo nğua tu tamâta pinde sipavea nâ ku sipa nğua tu ma sipu i pâta imâte. Mine kala ao i imâ walele nâ pano. Aku aporo nğua kaika panzi tamâta ninde munğa sisowe nğua lâ i tini tona. Nanğa apainzi tu ma silâ siporo nenzi nğua pwataki lâ noko nao, nğana noko

ma kusama ŋgua ŋinde ne duvi. Nanenġu ŋgua kala imâ imotu lâ ŋine.” Koipu inġere ŋgua mine lâ pepa tini.

³¹ Kinzi zugu tamâta sipono muli pa nenzi koipu kawa ŋgua, aku mboni ndaina sikai Paulo silâ lee sipâŋga Antipatris lawea. ³² Aku wurita mboyo, ŋinenġa zugu tamâta pinde sipilenzi ku sitaulo silâ pa nianzi kilo. Anġa zugu tamâta uru sisanġona hosi kumbunzi ŋinde simbonzi nâ nde sikai Paulo silâ pa Sisaria lawea. ³³ Kinzi silâ lee sipâŋga Sisaria lâ, ŋinenġa pepa silua koipu ŋalae, aku sio Paulo lâ i mbau ilo. ³⁴ Koipu ŋalae nde ipono pepa marumbu lâ, ŋinenġa ikasonġa Paulo tu, “Noko ne lawea tina nde ikeno lâ tâno ndia.” Ande Paulo ipai tu, “Nanenġu lawea tina ikeno lâ Silisia tâno.” ³⁵ Ninenġa koipu iporo tu, “Ara. Mambo kinzi tamâta situ sisowe ŋgua lâ noko tini ŋinde nde simâ sipâŋga ŋga, ŋinenġa ma alonġo noko ne ŋgua.” Aku io Paulo lâ luma sakamao ilo, lumani ŋinde ikeno koipu ŋalae Herot ne luma ilo.

24

Kinzi Juda tamâta ŋalaŋala sio Paulo ilâ pa ŋgua nia

¹ Kari lima ilâ lâ, ŋinenġa patarawâŋa tamâta ŋalae Aninia indue imâ Sisaria lawea, itavanzi Juda nenzi katonâŋa pinde ŋga tamâta tonġe, i ŋa mine Tertulus. Tertulus uru iveta wurâta ŋana ikai tamâta kawanzi ŋgua itula pwataki lâ ŋgua nia. Kinzi ŋinde râranî simâ ŋana ma simandi koipu nao sisowe ŋgua lâ Paulo tini.

² Koipu ŋalae nde isarâwa panzi zugu tamâta tu sikai Paulo imâ imandi naonzi, ŋinenġa Tertulus

iporo isowe ngua lâ Paulo tini. Iporo tu, “Tamâta njalae Feliks, noko uru kuvila maka Juda tamâta sondo ndo. Mine kala maka kamo ara nâ, aku kazâña tonje isânda kuluma, ande tia. Noko ne ilo-kalo ara njinde nde isukano njana kuveta vetâña ara nâ lâ nia njine. ³ Mine kala maka rârâni iloma ara ndo, aku ikura zo zo kawama ndanje njalae imâ pa noko Feliks, noko tamâta ara ndo. ⁴ Taitu naña tiningu pwâka tu akaino kaika ikura zo luan-dondo. Naña ano pano tu kuveta kie ara pama, aku kutambira taña pa nema ngua mbuku taitu nâ.

⁵ Maka kamora tamâta njai tu i tamâta njana iveta vetâña potomule kê. I uru iveta wisi-nâna ku ikai kazâña panzi Juda tamâta rârâni simo nia ndoni lâ tâno kulu. I uru ikai poe pa ngu tonje, njanzi mine ‘Nasarete ngu’. Munga ngu njinde sitoto maka nema ngu pwapwataki ku simo ngu tonje. ⁶ Andeta njinde nâ tia; tamâta njai itogo tu iveta potomule lâ Maro Kindeni ne luma sapâña tona. Mine kala maka kakale kaika lâ. [Maka iloma tu kao ilâ pa warakama nema ngua nia, ikura nema ngua tukuña itula mine. ⁷ Andeta tia. Zugu tamâta nenzi koipu Lisias imâ ipânga, aku iporo ngua kaika pama ku itapa tamâta njine sanjema. ⁸ Aku ipaima tu, ‘Ambo tamâta tonje itu isowe ngua lâ tamâta njine tini, ande i ma ilâ imandi Feliks nao’.]

* Mine kala koipu njalae, ambo noko tamwata ma pwasona i, ande ma kusama tu ngua rârâni kala maka kasowe lâ i tini njine, ande mao kanojo.”

* **24:8:** Nia ndoyo, ngua njine kala ikeno ngumbi ilo [], ande ikeno lâ pepa tini tia. Mine kala kinzi ilo-kalo tamâta situ tamâta tonje ipânga lâ muli nde isenje ngua njine ilâ kuku ngua ikeno munja.

Tertulus iporo ngua mine pa Feliks.

⁹ Njineŋga kinzi Juda tamâta sisuka Tertulus ne ngua njinde, aku kinzi kala sisowe ngua kie taituni lâ Paulo tini. Siporo pwataki tu, “Ngua njinde rârâni nde mao nâ”.

Paulo itula ngua pa Feliks

¹⁰ Njineŋga koipu njalae isowe mbalau pa Paulo tu ma imandi iporo ngua kâ. Aku Paulo imandi ku iporo tu, “Naŋa asama tu noko uru kuveta ngua sondu panzi Juda ngu ikura mbwera rârâ ilâ lâ. Mine kala ilonngu ara nâ njana aporo nanenngu ngua pwataki pano. ¹¹ Ambo noko ma pwasonanzi tamâta njai, ande noko tamwata ma kusama tu nanenngu ngua njine nde mao; munnga, kari saŋao kanaŋo rua waŋai ilâ lâ, ande naŋa akâki alâ pa Jerusalem njana awânghi apanea Maro Kindeni kâ. ¹² Kinzi Juda tamâta njai njandai simora naŋa aporo apawa ngua kunzi tamâta pinde lâ luma sapâŋa ilo nga. Aku njandai simora naŋa aveta wisi-nâna panzi tamâta lâ luma njana pasauŋa kâ ilo wa lawea ilo nga. ¹³ Aku ngua kala njine sisowe lâ tiniŋgu lâ noko nao, ande sikura njana situla pwataki pano tu ngua njine nde mao, ande sikura tia. ¹⁴ Taitu naŋa ma atula ngua tonje pwataki pano. Mao nâ, naŋa apono muli pa ‘Nzâla’ njinde kinzi warakanzi uru siporo tu ‘nzâla laŋeŋa’. Aku uru awânghi apanea maka timbuma nenzi Maro Kindeni ikura nzâla njinde ne mâsi. Naŋa kalonngu tawana ngua wa vetâŋa ndia rârâni iyoke Mose ne ngua tukunja, aku kalonngu tawana ngua rârâni kinzi ngua-tulânja tamâta munġânja singere lâ pepa tini njinde tona. ¹⁵ Naŋa kalonngu tawana Maro

Kindeni, aku uru ao tiningu pa i tu ma ipañonzi tamâta munğa simâte ñinde lâ matenğa nianzi, kinzi saka wa ara wa. Aku kinzi tamâta ñai kala kalonzi tawana mine nâ. ¹⁶ Mine kala ikura zo zo, naña apakatona warakângu nenğu vetâña sondo, ñana ma amo ilonğu mbâra-mbâra, nanenğu soki tonđe tia lâ Maro Kindeni nao anğa lâ tamâta naonzi tona.

¹⁷ Munğa, naña apile Jerusalem lawea ku amo nia pinde ikura mbwera pinde. Ñinenğa ataulo amâ kilo panzi warakângu nenğu ngu, ñana ma awae mbaliña pinde panzi sugorai tamwatanzi, aku ñana ma aveta patarawâña pinde tona. ¹⁸ Naña amâ apânga Jerusalem lawea lâ, ñinenğa apaveta kuku Juda nenzi mâsi ñana tini mbâra-mbâra kâ. Marumbu lâ, ñinenğa alâ luma sapâña ilo ñana awae mbaliña ñinde ku aveta patarawâña. Mine kala lâ zo ñinde kinzi simora naña amo luma sapâña ilo, ande soki tonđe ikeno tiningu, ande tia. Naña ñandai akainzi tamâta rârâ simâ simo kuku naña nga, aku ñandai aveta nduñeña kaña-kaña nga. ¹⁹ Andeta Juda tamâta pinde munğa soka pa Esia tâno simâ, ande sikai kazâña pa naña. Ambo kinzi simo ñai kuku kinda tâ, ambo situ sisowe ngua lâ naña tiningu tâ, ande ara ñana ma ñine siyâti simâ pa nia yo lâ noko nao. Andeta tia, kinzi ñandai simâ nga. ²⁰ Mine kala ara ñana kinzi tamâta ñai warakanzi ma situla ngua pano. Munğa, lâ zo ñinde amandi Juda tamâta ñalañala naonzi, ande kinzi simora naña aveta vetâña soki ndia, a? ²¹ Andeta naña asama tu lâ zoni ndaina, ande naña aporo ngua taitu nâ kala simora tu ngua soki. Naña amandi naonzi ku asarâwa mine tu, ‘Naña kalonğu

tawana tu Maro Kindeni ma muli ipañonzi tamâta rârâni lâ matera nianzi simo vianzi kilo, aku nana duvi nina kâ kinzi sio nana lâ nua nia kala amo nai.’ ” Paulo iporo nua mine pa Feliks.

²² Feliks nde isama sondo ndo nana kalo-tawana tamâta nenzi ilo-kalo wa mâsi wa. Mine kala itoto kinzi Juda tamâta nenzi nua, aku ipainzi tu, “Mwanga nga. Mambo zugu tamâta nenzi koipu Lisias indue imâ nga, ninenga ma aveta nemi nua sondo.” ²³ Ninenga Feliks ipainzi zugu tamâta nenzi katonanga tu ma ikai Paulo ilâ io lâ luma sakamao ilo. Taitu i ndai itu kaika nana Paulo nga. Isâu panzi Paulo ninambwe tu ma simâ sivila i nana kelekele pinde kâ.

Feliks ikai Paulo kaika lâ luma sakamao ilo ikura mbwera rua

²⁴ Zo pinde ilâ lâ, ninenga Feliks ikai kaiwa Drusila, aku kinzi rua silâ pa nua nia kilo. Drusila nde Juda taine. Feliks itu ilonjo Paulo ne nua pinde. Mine kala ipasupwa ilâ pa Paulo tu ma imâ. Paulo imâ lâ, ninenga itula nzâla pwataki nana tamâta ma sio nenzi kalo-tawana ilâ pa Yesu Kirisi kâ. ²⁵ Paulo iporo itula nua nana kindi ma mulinda pa mâsi sakamao ku tapaveta kuku vetanga ara nâ. Aku itula nua nana Maro Kindeni ne zo nana ma ipare nia panzi tamâta rârâni nana nenzi vetanga kâ tona. Paulo iporo nua mine lâ, aku Feliks iruru pata kanao. Ninenga ipai Paulo tu, “Nina ikura lâ! Kala nina noko kulâ. Ambo nanengu zo tâ lâ muli, ninenga ma asarawano kumâ kilo.” ²⁶ Aku Feliks nde io tini nana kelekele pinde tona. Ilo tu Paulo ma mbumbu pinde ilua tona, nana i ma iyaute Paulo ilâ. Mine kala zo rârâ

ipasupwa pa Paulo tu imâ, aku kinzi rua siporo nenzi ngua. ²⁷ Andeta Feliks ilo tu ma ipu kinzi Juda tamâta tininzi. Mine kala ipile Paulo imo luma sakamao ilo nâ. Simo lee mbwera rua ilâ lâ, ñineŋga Porsius Festus ipâŋga ikai Feliks nia.

25

Paulo ino tu Koipu Nalae Kaisara ma ilonjo i ne ngua

¹ Koipu Festus imâ ipâŋga Judia tâno ñana ma ikai koipu pa nia ñinde. Imo Sisaria lawea ikura kari ñato lâ, ñineŋga ipile ñinde ku ikâki ilâ pa Jerusalem lawea.

² Ñineŋga kinzi patarawâŋa tamâta ñalaŋala sitavanzi Juda nenzi katonâŋa pinde nde silâ pa Festus tu ma sisowe ngua lâ Paulo tini. ³ Kinzi sino kaika papa mine tu, “Kusukama tâ, aku kuo tamâta ñinde ilâ pa Jerusalem”. Kinzi ilonzi tu ma simuna lâ nzâla ñgaŋe ku ma sipu Paulo pâta imâte. ⁴ Aku Festus itu lâ kawanzi tu, “Ayo, Paulo imo luma sakamao ilo lâ Sisaria lawea, aku tini nâ ma naŋa warakâŋgu ataulo alâ lawea ñinde. ⁵ Mine nde ara ñana nemi tamâta ñalaŋala pinde ma soka kuna kandue kalâ. Ambo tamâta ñinde muŋga iveta vetâŋa soki tonje tâ, ande miki ma kaporo nemi ngua pwataki lâ ngua nia.”

⁶ Festus imo kunzi ikura sânda taitu waŋai marumbu lâ, ñineŋga indue ilâ Sisaria lawea. Aku mbwale kilo, ñineŋga ilâ isaŋona ngua nia ku ipainzi ne zugu tamâta tu ma sikai Paulo simâ. ⁷ Paulo imâ ipâŋga lâ, ñineŋga Juda tamâta ñalaŋala kala muŋga sipile Jerusalem simâ ñinde, ande simandi sinje Paulo lâ. Aku sisowe ngua malia

rârâ njinde lâ Paulo tini, andeta sikura njana situla pwataki tu nenzi njua njinde nde mao, ande tia. ⁸ Sisowe njua mine lee marumbu lâ, njinenga Paulo iporo njua taulo panzi mine tu, “Nanja njandai alanja apole Juda nenzi njua tukuja nga. Aku njandai aveta vetanja soki tonje lâ luma sapanja ilo nga. Aku njandai aveta vetanja soki tonje Koipu Njalae Kaisara munja indi kaika njana nga.”

⁹ Festus itu iveta kie ara panzi Juda tamâta. Mine kala ikasonja Paulo tu, “Noko ilo tu ma kulâ Jerusalem, tiya? Ambo noko ilo mine, ande ma alonjo ne njua lâ Jerusalem.” ¹⁰ Andeta Paulo ipai Festus tu, “Ayo, noko pwai Koipu Njalae Kaisara ndamwa kumâ kala kumo njua nia njine. Aku lumani njaina nâ nde nia sondo njana atula nanenju njua. Noko tamwata kusama tu nanja njandai aveta vetanja soki tonje panzi Juda tamâta nga. ¹¹ Ambo nanja munja aveta vetanja soki tonje, ande ara njana zugu tamâta ma sipu nanja pâta amâte, ikura Rom nenzi njua tukuja itula mine. Andeta tia. Taitu kulonjo nga; ambo kinzi Juda tamâta njine sisowe njua lanenja nâ lâ tiniingu, ande tamâta tonje ikura njana io nanja alâ kinzi mbaunzi ilo, ande tia ndo kanojo. Nanja ano tu Koipu Njalae Kaisara tamwata i simbo nâ ma ilonjo nanenju njua!”

¹² Paulo iporo njua mine lâ, njinenga Festus iporo njua kunzi ne sukâja tamâta. Siporo lâ, njinenga Festus ipai Paulo tu, “Noko kuno tu Koipu Njalae Kaisara simbo nâ ma ilonjo noko ne njua. Ande ara, noko ma kulâ kumandi Kaisarani ne njua nia lâ Rom lawea. Kala njaina.”

Festus iporo kuku Agripa njana Paulo kâ

¹³ Zo pinde ilâ lâ, ñineŋga Rom ne koipu tonje, i ña mine Agripa, ikai kaiwa Bernaisi aku kinzi rua simâ pa Sisaria lawea ñana ma simora Festus wa siporo wisi-ara ne ñgua papa wa. ¹⁴ Kinzi rua simo Sisaria ikura zo luandondo. Mine kala Festus itapâri pa Agripa ñana Paulo kâ. Iporo tu, “Tamâta tonje imo ñai, muŋgani Feliks io imo luma sakamao ilo. ¹⁵ Muŋga, zo tonje naŋa alâ amo Jerusalem lawea, aku patarawâŋa tamâta ñalaŋala sitavanzi Juda nenzi katonâŋa nde sisowe ñgua lâ tamâta ñinde tini ku sino tu naŋa ma nâna ñalae ñinde alua. ¹⁶ Andeta apainzi mine tu, ‘Maka Rom nema mâsi nde mine; maka tinima pwâka tu ma nâna kalua tamâta tonje walele nâ. Tamâta ñinde ma imandi muŋga lâ ñgua nia, ñineŋga tamâta ea wisinzi nâna papa ma simandi i nao ku sisowe ñgua lâ tini. Ñineŋga i ne zo keno ñana ma ipatula tamwata ne ñgua pwataki ñana vetâŋa ndia kinzi sitalea i ñana ñinde.’ ¹⁷ Naŋa aporo ñgua mine lâ, ñineŋga kinzi Juda tamâta ñalaŋala sindue simâ ñine kuku naŋa. Aku naŋa amo soŋgo, ande tia. Mbwale kilo, ñineŋga asaŋona ñgua nia ku apainzi tu sikai tamâta ñinde simâ. ¹⁸ Ñineŋga Juda tamâta ñinde simandi ñana sisowe ñgua lâ i tini. Naŋa atu ma situla ñgua pwataki ñana vetâŋa soki tonje muŋga iveta tâ. Andeta tia. ¹⁹ Kinzi sipawa ñgua kuku i ñana Juda nenzi mâsi ñana sipanea nenzi maro kâ. Aku siporo ñgua ñana tamâta tonje tona, i ña mine Yesu, i muŋga imâte lâ, andeta Paulo iporo tu tamâta ñinde imandi sânda lâ kala imo via kilo. ²⁰ Naŋa ilonju tu asama ñgua ñinde ne duvi, andeta nzâla tonje ñana akai ilo-kalo ñana vetâŋa mine kâ, ande tia. Mine kala akasonja i tu,

‘Noko ilo tu ma kulâ Jerusalem, tiya? Ambo noko ilo mine, ande ma aloŋo ne ŋgua lâ Jerusalem.’
²¹ Andeta Paulo iporo taulo tu, ‘Naŋa ilonŋu tu ma amo luma sakamao ŋine nâ ilo lee, ikura lâ zo ndia Koipu Nalae Kaisara tamwata ma ilonŋo nanenŋu ŋgua sondo.’ Mine kala naŋa apa ŋgua tu i ma imo luma sakamao ilo, aku mwanŋa ŋga naŋa ma ao i ilâ pa Kaisara.”

²² Festus iporo ŋgua ŋine lâ, ŋinenŋa Agripa ipai tu, “Naŋa ilonŋu tu ma naŋa warakânŋu aloŋo tamâta ŋinde ne ŋgua.” Aku Festus iporo taulo tu, “Ara, ma wurita ŋga ma kulonŋo i ne ŋgua.”

²³ Simo lee ku wurita kilo, ŋinenŋa Agripa ku Bernaisi rua sipasawa koipu nenzi pasawaŋa wa siŋgâra arara nâ, aku silâ pa ŋgua nia sitavanzi zugu tamâta nenzi koipu anŋa lawea ŋinde ne tamâta mbâna-mbâna. Sisaŋona ŋgua nia lâ, ŋinenŋa Festus ipainzi ne zugu tamâta tu ma sikai Paulo simâ. ²⁴ Ninenŋa Festus ipainzi tamâta ŋalanjala tu, “Koipu Agripa, anŋa miki tamâta rârâni kala kamo ŋine, miki matami kamora tamâta ndai. Munŋa, kinzi Juda tamâta rârâni simo Jerusalem lawea wa Sisaria lawea nde sisowe ŋgua lâ i tini lâ naŋa naonŋu. Aku kawanzi ŋalae sisarâwa kaika pana tu ma apu i pâta imâte. Kinzi tininzi pwâka tu i ma imo via. ²⁵ Ambo taitu naŋa asama tu i munŋa iveta vetâŋa soki tonŋe, ikura naŋa ma ao lâ zugu tamâta mbaunzi ilo ŋana ma sipu pâta imâte kê, ande tia. Andeta i tamwata ino kaika tu Koipu Nalae Kaisara simbo nâ ma ilonŋo i ne ŋgua. Mine kala ilonŋu patea tu ma ao ilâ pa Rom lawea. ²⁶ Naŋa aroto ŋana ŋgua kanaanŋo pinde ŋana i kê, ŋana ma

anġere lâ pepa tini ao ilâ pa nenda Koipu Nalae Kaisara. Andeta tia. Koipu Agripa, ŋana ðuvi ŋine kâ kala ŋine akai tamâta ŋinde imâ imandi noko nao, aku imandi miki tamâta rârâni naomi tona. Naŋa ilonġu tu kinda ma tatambira taŋânda sondo pa i ne ŋgua, ŋana ma akai ŋgua kanaŋo pinde anġere lâ pepa tini. ²⁷ Ambo naŋa ma akai tamâta tonġe muŋga imo luma sakamao ilo, aku ao ilâ pa koipu tonġe, ande ŋinde ara. Taitu ara ŋana anġere ŋgua pinde lâ pepa tini ŋana atula i ne vetâŋa soki pwataki tona. Ambo naŋa ma aveta mine tia, ande ŋinde ma ara koŋa tia.” Festus iporo ŋgua mine.

26

Paulo iporo ipatula i tamwata parina pwataki pa Koipu Agripa

¹ Nŋinenga Koipu Agripa ipai Paulo tu, “Ara mbo, kala ŋine kuporo noko tamwata ne ŋgua”. Mine kala Paulo mbau kâki itogo panzi tamâta ŋalaŋala, aku iporo mine tu,

² “Koipu Agripa, kala ŋine naŋa ma aporo ŋgua pano ŋana ŋgua rârâni kinzi Juda tamâta muŋga sisowe lâ tininġu. Naŋa ilonġu ara ndo ŋana atula nanenġu ŋgua ŋine lâ noko nao, ³ ŋana tu noko kusama pâta ŋana maka Juda ŋgu nema mâsi ndoni wa ŋgua rârâni uru kapawa wa. Mine kala ano pano tu ma kulonġo nanenġu ŋgua sondo, aku kulelea nanenġu ŋgua ŋine walele ndimo.

⁴ Muŋgani, lâ zo ŋinde naŋa lâlu kiri-mwata yo ku amo warakânġu nenġu tâno, aku imâ lee ipânġa lâ zo ŋinde naŋa amo lâ Jerusalem lawea, ande nanenġu vetâŋa rârâni nde ikeno nia yo lâ Juda

tamâta rârâni naonzi. ⁵ Nia ndoyo kinzi sisama naŋa kilalânŋu marumbu lâ. Ambo ilonzi tu siveta mine, ande sikura ŋana situla parinânŋu pwataki sondo ndo. Kinzi sisama tu naŋa muŋgani apono muli pa Parisai ŋgu nenzi vetâŋa. Kinzi tamâta lâ Parisai ŋgu uru sipaveta sondo ndo kuku Mose ne ŋgua tukuŋa rârâni, aku ŋgu tonŋe ipolenzi Parisai ŋgu ŋana soka ŋgua tukuŋa muli kê, ande tia ndo. ⁶ Naŋa kalonŋu tawana Maro Kindeni, aku i muŋga ipa ŋgua kunzi timbuma tu ma isupwa Pavilâŋa Tamâta imâ. Naŋa kalonŋu tawana ŋgua pâŋa ŋinde, aku ŋana duvi ŋinde kê kala ŋine amo ŋgua nia ŋine. ⁷ Maka Juda tamâta nema ŋgu kambwanjema saŋao kanaŋoma rua, aku maka rârâni uru kapanea Maro Kindeni ikura kari wa mbo wa. Koipu Nalae, maka rârâni uru kao tinima ŋana ŋgua pâŋa ŋinde ne kanaŋo, aku ŋana duvi ŋinde kê kinzi sisowe ŋgua lâ tiniŋgu. ⁸ Miki tamâta pinde uru kaporo tu, 'Maro Kindeni ikura ŋana ipaŋonzi tamâta lâ mateŋa nianzi simo vianzi kilo, ande tia.' Ayo, ŋana sâ kê ŋga ilo-kalo mine ikeno pami, a?

⁹ Muŋga, naŋa warakânŋu kala ilonŋu patea tu ambo ma amandi kaika ŋana azavaru Yesu Nasarete Tamwata ŋa, ande ŋinde ma ara. ¹⁰ Aku naŋa aveta mine nâ lâ Jerusalem lawea. Akai patarawâŋa tamâta ŋalaŋala ndamwanzi, ŋinenŋa alâ akainzi tamâta rârâ muŋga sio nenzi kalo-tawana ilâ pa Yesu, aku aonzi lâ luma sakamao ilo. Aku asâu tu ma sipunzi pâta simâte ŋana nenzi kalo-tawana ŋinde kê. ¹¹ Ikura zo rârâ naŋa alâ luma ŋana pasauŋa kê ilo ikura lawea lawea, aku aveta malia panzi kalo-tawana tamâta. Zo pinde

aveta rurunja panzi ku apainzi tu ambo ma siporo ngua pavaliginja pa Maro Njalae Yesu tia, ande ma apunzi. Andeta njinde nâ tia; naŋa wisingu nâna njalae njinde panzi, ande kala atanjulanzi alâ lee apânja lawea pinde ikeno tâno mala-malawae.”

Paulo itapâri njana zo njinde io ne kalo-tawana ilâ pa Yesu

Pâri Tamâta 9:1-18, 22:1-16

¹² “Mine kala zo tonje naŋa akai patarawâŋa tamâta njalanjala ndamwanzi, aku siona ayoka alâ pa Damaskus lawea. ¹³ Koipu njalae, naŋa ayoka lee ku kari imâ ngini, njineŋga matânju ilâ amora sinâla tonje iyoka pa samba indue imâ ipane nia pâta lâ. Sinâla njinde nde ipole kari ne sinâla marumbuni lâ. Sinâla imâ ipânja ipane naŋa tavanzi tamâta soka kuna njinde. ¹⁴ Maka rârâni patama kandue tâno kulu, njineŋga alonjo kawa ngua tonje imâ pana lâ Hibru ngua mine tu, ‘Saulo, Saulo, njana sâ kê ŋga kuveta wurâta njana kuyaula naŋa, a? Njinde itogo noko mbau kupu kelekele tonje mata ikeno tini, kala nâna kulua tamwata.’

¹⁵ Njineŋga naŋa akasonja tu, ‘Maro, noko nde ea.’ Aku Maro Njalae iporo tu, ‘Naŋa nde Yesu. Naŋa nde tamâtani njine noko kuveta wurâta njana kuyaulana kê. ¹⁶ Ayo, kumandi sânda. Naŋa amâ apatua pano njana duvi njine kê; naŋa apateano tu ma kuveta wurâta pa naŋa. Aku noko ma kutula ngua pwataki panzi tamâta njana vetâŋa njinde naŋa muŋga atula pano, aku njana vetâŋa pinde ma muli atula pano tona. ¹⁷ Mwanja ŋga kinzi tamâta lâ noko tamwata ne ŋgu wa tinikoa ŋgu wa, ande ma sikai kazâŋa pano. Andeta naŋa ma akaino piti lâ

m̄baunzi ilo. Naŋa asupwano tu ma kulâ panzi,¹⁸ ŋana kuveta matanzi pareŋge. Ŋineŋga kinzi ma sipu mulinzi pa kondoma, aku ma sipalele simâ pa sinâla. Kinzi ma sipile Sadana ne walo kaika, aku ma simâ pa Maro Kindeni. Mine kala naŋa ma azavaru nenzi kiesaka piti lâ tininzi, aku kinzi ma simo nanenŋu tamâta, sitavanzi tamâta ndia rârâni kalonzi tawana naŋa kala sipâŋga mbâra-mbâra.’ Maro Ŋalae iporo ŋgua mine pa naŋa.”

Paulo itapâri pa Agripa ŋana wurâta i muŋga iveta pa Maro Kindeni

¹⁹ “Koipu Agripa, naŋa taŋâŋgu kaika ŋana ŋgua aloŋo lâ samba ne mâsi kaika ŋinde, ande tia ndo. ²⁰ Naŋa amandi ku atula ŋgua pwataki muŋga panzi tamâta simo Damaskus lawea mine tu, ‘Miki ma kapile nemi kiesaka ku kapalele ilomi kalomi ilâ pa Maro Kindeni. Aku kapaveta kuku vetâŋa ara nâ, ŋana ŋinde ma itula panzi tamâta tu miki kapalele ilomi kalomi mao nâ.’ Aku muli, ŋineŋga atula ŋgua kaŋa taituni panzi tamâta simo Jerusalem lawea aŋga lâ lawea ndoni ikeno Judia tâno. Ŋineŋga atula ŋguani ndaina panzi tamâta lâ tinikoa ŋgu tona. ²¹ Andeta kinzi Juda tamâta sikai kazâŋa pa naŋa ŋana nanenŋu ŋgua ŋinde kâ. Aku sikaina kaika lâ Maro Kindeni ne luma sapâŋa ilo, aku ilonzi tu ma sipu naŋa pâta amâte. ²² Ambo taitu Maro Kindeni ivilana lee amâ apâŋga lâ zo ŋine. Mine kala ŋine amandi ŋai atula ŋgua pa miki rârâni, miki tamâta ŋalaŋala wa miki tamâta kaa nâ wa. Naŋa ŋandai atula ŋgua kaŋa wasaseki ŋga. Naŋa atula ŋgua ŋana vetâŋa ŋinde kinzi ŋgua-tulâŋa tamâta kuku Mose muŋgani siporo tu ma

muli ipânġa. ²³ Kinzi muġġa siporo tu, ‘Kirisi ma ikai nâna ku ma imâte. Nġinġa i ma imuġġa panzi tamâta rârâni nġana imandi lâ mateġġa nianzi imo via kilo. I ma itula nġgua panzi i tamwata ne nġgu Isrel, sitavanzi tinikoa nġgu. Aku nġgua nġinde ma isinala ilonzi kalonzi itogo sinâla mine.’ ”

Paulo ilo tu Koipu Agripa ma kalo tawana Yesu

²⁴ Paulo iporo nġgua mine lâ, nġinġa Festus is-arâwa kaika mine tu, “Opopo, Paulo, noko kupânġa kapa lâ! Noko kupono pepa rârâ nġinde, ande kala noko ne ilo-kalo nġinde ivetano kupânġa kapa lâ.” ²⁵ Andeta Paulo iporo taulo tu, “Tamâta nġalae Festus, naġa nde kapa tia. Naġa ilonġu kalonġu ara aporo nġgua mao nâ. ²⁶ Koipu Agripa isama nanenġu nġgua nġine ne duvi marumbu lâ. Mine kala akura tu aporo nġgua pwataki papa i. Vetânġa nġinde rârâni nġandai ikeno paveânġa nġga. Mine kala nanenġu morânġa tu i isama nġgua nġine ne duvi lâ.”

²⁷ Paulo iporo nġgua mine lâ, nġinġa ikasonġa Koipu Agripa mine tu, “Koipu Nġalae, tiambo noko kalo tawana kinzi nġgua-tulânġa tamâta nenzi nġgua, tiya? Naġa asama tu noko kalo tawana nâ.”

²⁸ Andeta Agripa ipai Paulo tu, “Ayo, tiambo noko kutu kusowe naġa ilonġu kalonġu ikura zo mbwana-mbwana nâ, nġinġa ma kalonġu tawana Yesu, a?”

²⁹ Aku Paulo iporo taulo tu, “Zo mbwana-mbwana nde ara, aku zo luandondo nde ara wa. Naġa ano pa Maro Kindeni tu noko ma kupânġa kutogo naġa mine. Aku ano tu kinzi tamâta rârâni nġai kala ma sipânġa sitogo naġa tona, kinzi nġine kala silonġo nanenġu nġgua. Taitu naġa tiningu

pwâka tu wâlo kaika ma ikeno miki tinimi, itogo kala ñine ikeno tiningu mine.”

³⁰ Paulo iporo mine lâ, ñineŋga Agripa, nga Festus, nga Bernaisi, sitavanzi tamâta ñinde simo kunzi, ande kinzi rârâni simandi. ³¹ Siyâti silâ pa nia yo, ñineŋga siporo ñgua imâ warakanzi nâ ñgininzi mine tu, “Tamâta ñinde iveta vetâŋa soki tonje tia. Mine nde kinda takura ñana tao imo luma sakamao ilo tâku tao ilâ panzi zugu tamâta ñana ma sipu pâta imâte, ande tia.” ³² Aku Agripa ipai Festus tu, “Ambo tamâta ñinde ñandai ino tu Koipu Njalae Kaisara simbo nâ ma ilonjo ne ñgua, ande noko ma pwura ñana kuyaute i ilâ. Andeta tia.”

27

Kinzi sio Paulo lâ wâŋga kulu ilâ pa Rom lawea

¹ Kinzi koipu sipa ñgua lâ tu maka ma kakai wâŋga tonje kalâ pa Itali tâno kâ. Mine kala sikai Paulo, tavanzi tamâta pinde uru simo luma sakamao ilo, aku sionzi silâ zugu tamâta nenzi koipu tonje mbau ilo, i ña mine Julius. Julius uru iveta wurâta pa Koipu Njalae Kaisara tamwata.

² Ñineŋga maka kakâki Adramitium lawea nenzi wâŋga tonje kulu. Wâŋga ñinde nde iluku lâ ñana ikâwa ilâ ikura mâta mâta lee ma ipâŋga Esia tâno. Ñineŋga kapile mâta ñinde ku kakâwa kalâ. Aku Aristarkus, i Tesalonaika lawea warika lâ Masedonia tâno, ande iyoka kuma kalâ.

³ Maka kalâ lee, aku mbwale kilo, ñineŋga kalâ katoa Saidon lawea. Aku Julius iveta kie ara pa Paulo, kala isâu tu Paulo ma ilâ imoranzi nianambwe pinde simo ñinde, ñana ma sisuka i ñana

kâpwa wa kekelele pinde wa. ⁴ Kamo lee, ñinenğa kapile Saidon ku kakâwa kalâ. Andeta lawea iyoka kaika itinggi maka. Mine kala wânga ikâwa ilâ pa Saiprus sia muli. ⁵ Ñinenğa kakâwa sondo nâ kalâ pa Silisia tâno wa Pamfilia tâno wa. Aku kalâ lee katoa Maira lawea, lâ Lisia tâno. ⁶ Aku lâ lawea ñinde, zugu tamâta nenzi koipu imora Aleksandria lawea nenzi wânga tonje iluku ñana ilâ pa Itali tâno kâ. Mine kala ikaima kakâki wânga ñinde kulu. ⁷ Ñinenğa kapile Maira lawea, aku wânga ikâwa mwasa mwasa ikura lâ zo rârâ ilâ. Maka kakâwa kakundua lawea lee ku kalâ kapânga Nidus lawea tini laiti. Andeta lawea ipono naoma, kala kakura ñana kakâwa sondo kâ, ande tia. Tia ku kakâwa kalâ pa Krit sia muli, lâ Salmone lawea tini laiti. ⁸ Wânga ñinde ne wurâta tamâta simakâsa nâ, aku kakâwa kakapi Krit sâwa sâwa kalâ. Ñinenğa kalâ katoa mâta tonje ikeno Lasea lawea tini laiti. Mâta ñinde ña mine tu “Mâta Ara”.

⁹ Maka kamo lee zo luandondo ilâ lâ, aku Juda nenzi kumbwa ñana sindi kaika ñana kâpwa kâ nde marumbu lâ. Mine kala kasama tu lawea ñalae ne zo nde imâ ipânga laiti lâ, aku kâla-lawea ñalae ma iyaula tâi. Mine nde Paulo ipainzi tamâta ñalañala tu, ¹⁰ “Miki tamâta ñai, nanenğu morâña mine; ambo kinda ma toka talâ lâ zo ñine, ande ma tasânda malia kulu, aku wânga tava ne kekelele ma sipayaula. Aku kinda kala ma tapayaula warakânda mine nâ.” ¹¹ Andeta zugu tamâta ne koipu ipono muli pa Paulo ne ñgua, ande tia. Ipono muli pa wânga warika kuku wânga ne poe tamâta ñinde rua nenzi ñgua. ¹² Mâta maka kamo ñinde nde ara koña tia. Ambo tu kâla-lawea ma ipânga,

ande wânnga ma ikura tu ipâti lâ mâtâ ñinde, ande tia. Mine kala wânnga ne wurâta tamâta rârà nde sisâu tu ma kapile mâtâ ñinde ku kalâ. Kinzi situ ma kalâ katoa Finiks lawea, ñineŋga ma kao tinima ñana zo ara kê lâ ñinde. Finiks nde lawea tonje ikeno pa sâwa lâ Krit sia, aku nenzi mâtâ ara ñana ma kamuna ñana kêla-lawea kê.

Lawea ipânnga iveta kêla kêki ñalae

¹³ Ñineŋga zo tonje, mbwera imâ ilanzenzi iyoka sulu nâ. Aku ilonzi pateo tu maka ma kakâwa ara nâ kalâ katoa mâtâ muŋga siporo ñana ñinde. Mine kala sitapa wânnga ne mira kêki ku kakâwa kakapi Krit sâwa nâ kalâ. ¹⁴ Andeta malawa tia nâ, ñineŋga lawea kaika tonje ipânnga, i ña tu Wâra, iyoka pa Krit sia indue imâ. ¹⁵ Lawea nde itinŋi wânnga kaika lâ, ikura ñana wânnga ma ikâwa sondo kê, ande tia. Mine kala maka kasakoko. ¹⁶ Kasakoko kalâ papa sia mota tonje muli, i ña mine Kauda sia. Aku kaveta wurâta ñalae ñana kasine wânnga ne boti kaika kê. ¹⁷ Kinzi wurâta tamâta sitapa boti kêki wânnga kulu, aku ravenja nâ sipa kaika lâ wânnga tini. Siruru tu wânnga ma ikâwa ilâ iloko lâ Afrika tâno nenzi kumbu. Mine kala sikai loa piti, aku maka kasakoko nâ kalâ. ¹⁸ Kêla-lawea nde itinŋi maka kaika kayâti kataulo. Mine nde wurita kilo, ñineŋga sikai kekekele malia pinde ikeno wânnga kulu ku sitambira indue tâi ilo. ¹⁹ Kari ñato ilâ lâ, ñineŋga kinzi wurâta tamâta warakanzi mbaunzi sikai wânnga tini sanjara ku sitambira indue tâi ilo. ²⁰ Maka kasakoko mine kalâ lee zo luandondo ilâ lâ, aku kamora kari wa pitu wa, ande tia. Lawea iyoka ñalae itinŋi maka kayâti kataulo nâ. Mine

kala iloma patea tu ma kakura ŋana katoa mâta tonje, ande tia; ma kapayaulani nâ.

²¹ Wâŋga ne wurâta tamâta nde sika kâpwa tonje tia lee ikura zo luandondo. Mine kala Paulo imandi naonzi ku ipainzi tu, “Miki tamâta ŋai, ambo muŋga miki kaponu muli pa nanenju ŋgua, aku kinda tapile Krit tia, ande miki ma kakura ŋana kasânda malia mine kulu, ande tia. Aku wâŋga ne kelekele ma ikeno ara nâ. Andeta tia. ²² Taitu kala ŋine naŋa atu apu tini kaika pa ilomi kalomi, kala apaimi tu miki ilomi ndeka nâ! Tamâta tonje lâ ŋgininda ma ipayaula ku nao tia lâ, ande tia. Wâŋga nâ ma ipayaula. ²³ Naŋa nde Maro Kindeni ne tamâta, kala uru apanea i ku aveta wurâta papa. Aku nola mbo, ande i io ne aŋelo tonje imâ imandi tiningu laiti. ²⁴ Aku aŋelo ipai naŋa tu, ‘Paulo, kururu ndimo. Maro Kindeni ipatea tu noko ma kulâ kumandi Koipu Nalae Kaisara nao. Aku Maro Kindeni ipalongo pa noko ne noŋa lâ, kala tamâta rârâni simo wâŋga ŋine kulu kuku noko ma simo ara. Kinzi ma sipayaula tia.’ ²⁵ Mine kala apaimi tu miki ma karuru ndimo. Naŋa kalonju tawana tu Maro Kindeni ma iveta vetâŋa rârâni ikura muŋga itula pana mine. ²⁶ Ambo taitu kinda ma takâwa lee talâ taloko lâ sia tonje.” Paulo iporo ŋgua mine.

²⁷ Sânda rua ilâ lâ ŋga, aku maka kasakoko lee kalâ kapâŋga Mediterenian tâi ŋgini. Aku mbo ŋgini-ŋgini tamwata, ŋinenŋa wurâta tamâta sisama tu wâŋga ŋga ilâ ipâŋga sia tonje tini laiti lâ. ²⁸ Kinzi siloe wâlo ndue ŋana sisama nia kê, aku mira ikeno laiti, ikura tamâta taitu (20). Aku katoa mwasa kilo, ŋinenŋa siloe wâlo ndue kilo,

aku ikura saŋao kanaanjo lima. ²⁹ Kinzi siruru pâta tu ambo ma kakâwa kalâ, ande ma kaloko lâ mira kulu. Mine kala sitambira wânga ne mira ŋapa indue tâi ilo pa wânga muli. Ŋineŋga sikai noŋa tu ma mbwale pwataki walele nâ. ³⁰ Wânga ne wurâta tamâta nde ilonzi tu siroto nzâla ŋana sipile wânga sitoa kâ. Mine kala siti u boti indue tâi ilo, aku silaŋe maka tu ma sisia wânga ne mira pinde ndue tâi ilo pa wânga nao. ³¹ Andeta Paulo ipainzi zugu tamâta sitava nenzi koipu mine tu, “Ambo tamâta ndai ma sipile wânga silâ, ande miki ma kapayaula ku naomi tia lâ.” ³² Mine kala kinzi zugu tamâta sitoto boti ne wâlô, aku boti imbe indue tâi ilo.

³³ Aku laiti ŋana mbwale-mbwale kâ, ŋineŋga Paulo iporo ŋgua panzi tamâta rârâni simo wânga kulu. Paulo ilo tu ma iveta ilonzi ara ŋana sika kâpwa kâ. Mine nde ipainzi tu, “Opopo, kalolokoni nde ikaimi kaika lâ ikura zo luandongo, kala miki kaka kâpwa tonje tia. Mao nâ, kapwami loka nâ ikura sânda rua lâ. ³⁴ Mine kala ano kaika pami tu ŋine nâ miki ma kaka kâpwa pinde ŋana isukami kâ. Kalonjo ŋga; miki ma kapayaula tia. Miki rârâni ma kamo naomi rege nâ.” ³⁵ Paulo iporo mine lâ, ŋineŋga mbau ilâ ikai puroŋa pinde lâ naonzi. I kawa ndaŋge pa Maro Ŋalae lâ, ŋineŋga ipwataki puroŋa ku ika. ³⁶ Ŋineŋga tamâta rârâni ilonzi ara mwasa, kala kinzi warakanzi sika kâpwa pinde tona. ³⁷ Maka tamâta rârâni kamo wânga ŋinde kulu kambwanjema ikura 276. ³⁸ Kinzi sika kuranzi lâ, ŋineŋga sitambira kâpwa indue tâi ilo, ŋana ma wânga malalâka kâ.

Wânga ipwa pwapwataki

³⁹ Kari nde ikâki lâ, aku wânga ne wurâta tamâta simora nia lâ. Andeta sisama tâno ñinde kilala tia. Matanzi ilâ simora mâta tonje, aku ilonzi patea tu wânga ikura ñana ilâ itoa sâwa ñinde. ⁴⁰ Mine kala sitoto wânga ne mira ravenja ututu, aku sipile ikeno tâi ilo. Ñineŋga sipalalana ravenja pinde piti lâ wânga ne poe tini, aku sipa loa sitapa kâki. Kinzi situ ma sikai lawea ñana ma wânga ikâwa ilâ itoa pa tina tini kâ. ⁴¹ Andeta wânga ilâ ikâki kumbu kaika tonje, aku iloko nâ ikeno. Wânga nao nde iloko kaika lâ ikeno kumbuni, aku kâla isapu wânga muli lee ipu pwapwataki lâ.

⁴² Ñineŋga zugu tamâta ilonzi patea tu ma sipunzi tamâta ñinde muŋga simo luma sakamao ilo simâte. Tia ma sirea sitoa tina tini ma sikâwa pwapwataki silâ. ⁴³ Andeta zugu tamâta nenzi koipu ilo tu ma ivila Paulo. Mine kala itu kaika panzi ne zugu tamâta ñinde. Ñineŋga iporo panzi tamâta pinde, kinzi ñinde sikura ñana sirea kâ, aku ipainzi tu, “Miki kasonga karea katoa tina tini muŋga nga”. ⁴⁴ Anŋa kinzi tamâta pinde sikura ñana sirea tia, ande koipu ipainzi tu, “Miki kakai palaŋa wa wânga ne pinde-pinde muŋga ipwa pwapwataki ñinde, aku karana katoa tina tini.” Kinzi siveta mine nâ, aku rârâni naonzi rege nâ silâ lee sipânga tina tini marumbu lâ.

28

Paulo imo Malta sia

¹ Maka rârâni naoma rege nâ katoa tina tini lâ, ñineŋga kasânda tamâta pinde kulunzi. Kinzi sipaima tu sia ñinde ña tu Malta.

² Kinzi tamâta simo lawea ñinde nde siveta kenzi ara nâ pama. Karâzi nga imbe ñalae, aku nia pisi lâ. Mine kala sisuņa yââ ku sikaima kalâ kasaņona yââ tini kamwai yââ. ³ Paulo nde inzoro kâi pinde io lâ yââ ilo. Andeta mwâta kazâņa tonġe imo kâi ilo, aku yââ imbaņga isama nâna. Mine kala i pââsââ iyâti pa nia yo, aku niņo nâ ikarati Paulo mbalau, aku itâtâra tini. ⁴ Kinzi tamâta lâ lawea ñinde matanzi ilâ simora mwâta ika Paulo mbalau ku itâtâra tini, ñineņga siporo tu, “Tiambo tamâta ñine muņga ipu tamâta tonġe tâ imâte, aku Maro Nana Vetâņa Sondo kâ tini pwâka tu tamâta ñine ma imo via. Andeta i ñandai imbwatuke lâ tâi ilo inu tâi nga. Mine kala maro ñinde isupwa mwâta ika lâ.” ⁵ Taitu Paulo nde itapala mwâta ku kawa piti imbe indue yââ ilo. Anġa Paulo isama nâna tonġe tia. ⁶ Kinzi tamâta situ Paulo mbalau ma ipoa kâki tâku i ma walele nâ pata ndue imâte tâ. Mine kala sisaņona sio tininzi ñana vetâņa mine tu ma imâ ipâņga kâ. Sio tininzi lee, andeta tia. Mine kala sipalele ilonzi kalonzi ku siporo tu, “I nde maro tonġe!”

⁷ Lawea ñinde ne koipu imo, i ña mine Publius, aku ne tâno ikeno lawea ñinde tini laiti. Aku koipu ñinde ikai maka kalâ, aku ioma lâ i ne luma ilo. Ikatonama ara nâ ikura kari ñato lâ. ⁸ Anġa Publius tama nde muņga ikai pukonġa kala imo ndaina ikeno nâ. Ikaï pukonġa tini nâna wa kapwa sakamao wa. Mine kala Paulo ilâ kuku, aku ino pa Maro Kindeni tu ma iveta tamâta ñinde tini ara kilo. Nineņga Paulo io mbau kâki tamâta ñinde kulu, aku ndainani nâ i tini ipâņga ara kilo.

⁹ Paulo iveta mine lâ, ñineŋga pukonja tamâta rârâni simo lawea ñinde nde simâ papa, aku ivetanzi tininzi ara kilo. ¹⁰ Mine kala siveta kenzi ara ndo pama. Kinzi sipa ŋgua lâ warakanzi ñgininzi tu mambo maka katu kapilenzi koka kâ, ñineŋga ma sio kelekele ndia rârâni ikeno pama tia ñinde lâ wâŋga kulu pama.

Paulo ilâ ipâŋga Rom lawea

¹¹ Maka kamo sia ñinde ikura nzimona ñato lâ, ñineŋga kakâki wâŋga tonje kulu muŋga kâla-lawea ipono nao kala ipâti ikeno sia ñinde ne mâta ilo. Wâŋga ñinde nde Aleksandria lawea nenzi, aku sipatu wâŋga ña tu, “Sâsâŋa Rua”. Ñineŋga maka kapile lawea ñinde, aku kakâwa kalâ. ¹² Kakâwa kalâ lee katoa Sirakyus lawea, aku kamo ndaina ikura kari ñato lâ. ¹³ Kari ñato marumbu lâ, ñineŋga kapile lawea ñinde ku kakâwa lee kalâ katoa Regium lawea. Aku wurita kilo, ñineŋga lawea iyoka ara. Mine nde maka kakâwa kalâ, aku wurita kilo, ñineŋga kalâ lee katoa Puteoli lawea. ¹⁴ Aku lâ lawea ñinde maka kasânda kalo-tawana tamâta pinde kulunzi, aku kamo ñinde kunzi ikura sânda taitu lâ. Ñineŋga kapile lawea ñinde aku koka nzâla nâ kalâ pa Rom lawea. ¹⁵ Kinzi kalo-tawana tamâta simo Rom nde silonjo ŋgua tu maka ñga kamâ kapâŋga laiti lâ. Mine kala sindue simâ lee sipakâtu kuma lâ Apius nenzi nââ nia. Ñineŋga koka lee kapâŋga lawea tonje, tamâta lombo nenzi luma ñato ikeno ñinde. Aku lâ laweani ndaina kalo-tawana tamâta pinde kilo sipakâtu kuma. Paulo mata imoranzi kalo-tawana tamâta ñinde, aku kawa ndanje pa Maro Njalae, ñana tu ñinde ipu

tini kaika pa i ilo kalo. ¹⁶ Maka rârâni kalâ lee kapânga Rom lawea ilo. Aku zugu tamâta nenzi koipu isâu tu Paulo ma imo luma ara tonje ilo. Andeta io zugu tamâta tonje imâ nana imo kuku Paulo ilea papa.

Paulo itula pâri ara lâ Rom lawea

¹⁷ Kari nato ilâ lâ, ninennga Paulo ipasupwa ilâ panzi Juda nenzi katonânga simo Rom tu ma simâ. Simâ sipânga lâ, ninennga Paulo ipainzi tu, “Ningunambwe wukale, naŋa muŋga aveta vetânga tonje nana atawa nenda ngu ndue kê, ande tia. Aku naŋa muŋga alelea timbunda nenzi vetânga pinde, ande tia. Ambo taitu sikai naŋa kaika lâ Jerusalem, ninennga siona alâ Rom nenzi koipu mbaunzi ilo. ¹⁸ Aku Rom nenzi koipu simo nia ninde nde siloŋo nanenngu ngua lâ, aku sisama tu naŋa muŋga aveta vetânga soki, ikura nana ma siona alâ panzi zugu tamâta nana ma sipu naŋa pâta amâte kê, ande tia. Mine kala ilonzi patea tu ma siyaute naŋa piti alâ. ¹⁹ Andeta kinzi Juda tamâta nde ilonzi ilelea ngua ninde, kala nanenngu nzâla tonje tia. Mine kala aporo ano kaika tu Koipu Nalae Kaisara simbo nâ ma iloŋo nanenngu ngua. Andeta naŋa nandai asowe ngua lâ warakângu nenngu ngu tininzi nana nenzi vetânga tonje nga. ²⁰ Mine kala naŋa muŋga nâ apasupwa imâ pami. Naŋa ilonngu tu amorami wa aporo ngua pami wa. Kinda Isrel tamâta uru tao tininda nana Maro Kindeni tu ma iveta vetânga ara pa kinda, aku nana duvi ninde kê kinzi sipa naŋa lâ wâlo kaika.”

²¹ Paulo iporo ngua mine lâ, ninennga kinzi Juda tamâta siporo taulo tu, “Maka nandai kamora pepa

tonge iyoka pa Judia tâno imâ pama ku itula ngua pwataki nana noko kâ. Aku nandai kamora nindanambwe Juda tamâta tonge imâ ipânga nîne ku itapâri noko parina pama wa iporo ngua sakamao pinde nanano nga. ²² Mine kala maka iloma tu noko tamwata ma kuporo kutula ne ilo-kalo pwataki pama kalonjo. Maka kasama tu kinzi tamâta simo lawea ndoni nde uru siporo ngua sakamao nana miki ngu nîne uru kalomi tawana Yesu.”

²³ Nîninga sipatea zo tonge nana ma silonjo Paulo ne ngua kâ. Zo nînde ipânga lâ, nîninga tamâta ngu njalae tina simâ pa luma nînde Paulo imo ilo. Aku mboyo, nîninga Paulo itula ngua panzi nana Maro Kindeni ne mâsi nana ikai maro panzi tamâta kâ. Aku itula ngua pinde panzi nana Mose ne ngua tukunja anga kinzi ngua-tulâna tamâta nenzi ngua tona. Ilo tu ne ngua ma igagati ilonzi kalonzi, nana ma kalonzi tawana Yesu. Iporo itula ngua mine lee, kari indue lala. ²⁴ Tamâta pinde nde silonjo Paulo ne ngua ku kalonzi tawana Yesu, anga pinde nde kalonzi tawana tia.

²⁵ Kinzi ilonzi ikeno piti piti, kala sipawa ngua lâ warakanzi ngininzi. Mine kala Paulo iporo ngua tonge kilo, nîninga simandi nana nzarananzi siyâti silâ kâ. Ande Paulo iporo ngua mine tu, “Koroani Sapâna munja iporo pa ngua-tulâna tamâta Aisaia, aku ngua nînde iyoke timbunda nenzi mâsi. Ngua nînde nde ikeno mine tu,

²⁶ ‘Noko ma kulâ panzi ngu nînde ku kuporo mine panzi; “Miki ma katambira tanjani, andeta ma kasama ngua duvi kilala tia. Miki ma matami parenge, andeta ma kamora kelekele tonge tia.” ²⁷ Nana tu tamâta ngu

ņine ilonzi nde pasâe lâ, aku taņanzi ikai pwapwaka nâ ņana siloņo ņgua kâ, aku spono matanzi marumbu lâ. Ambo siveta mine tia, ande ma matanzi simora kelekele, aku taņanzi ma siloņo ņgua, aku ilonzi ‘ma sisama ņgua duvi, ku ma sipalele ilonzi kalonzi simâ pa naņa, aku naņa ma aveta tininzi ara kilo. Andeta tia.’

²⁸ Mine kala naņa ilonģu tu miki ma kasama ņine sondo; Maro Kindeni nde itula ņgua pwataki panzi tinikoa ņgu ņana i ne mâsi ņana ikainzi tamâta piti lâ kondoma ilo. Kinzi ma sipaveta kuku i ne ņgua.” [²⁹ Paulo itula ņgua ņine lâ, ņinenģa kinzi Juda tamâta siyâti silâ. Aku siveta ņgua pawaņa ņalae tina lâ warakanzi ņgininzi.] *

³⁰ Anģa Paulo nde imo luma ara ņinde ilo ikura mbwera rua. I tamwata iko luma ņinde. Aku uru iveta kie ara nâ panzi tamâta rârâni soka simâ ņana sikalele i kâ. ³¹ Paulo uru itula ņgua ņana Maro Kindeni ne mâsi ņana ikai maro panzi tamâta kâ. Aku uru ipanananzi tamâta ņana Maro ņalae Yesu Kiriŝi parina kâ tona. I uru iporo kaika ndo, aku tamâta tonģe ikura tu itu kaika ņana i kâ, ande tia.

* **28:29:** Nia ndoyo, ņgua ņine kala ikeno ņgumbi ilo [], ande ikeno lâ pepa tini tia. Mine kala kinzi ilo-kalo tamâta situ tamâta tonģe ipâņģa lâ muli nde isenģe ņgua ņine ilâ kuku ņgua ikeno mungu.

MARO KINDENI KAWA NGUA
The New Testament and Psalms in the Sio Language of
Papua New Guinea
Nupela Testamen long tokples Sio long Niugini

copyright © 1995 Wycliffe Bible Translators, Inc.

Language: Sio

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-08

PDF generated using Haiola and XeLaTeX on 11 Nov 2022 from source files dated 9 Oct 2020

21a9f7d3-4b3e-512c-ab21-eb25ed7aef4f